

# **Tawureta Munsa Isirayila xa Konti Tife Masenyi nde yi Kitaabui xa fe ra**

Annabi Munsa xa kitaabui naani nde kui, Isirayila jama xa taruxui nde masenxi naa naxan tide gbo danxaniyatɔɛ birin bɛ. Alatala nu bara Isirayila ramini Misira konyiya kui sigafe ra Kanaan bɔxi ma, a dennaxɛ laayidixi e benbae bɛ. Na sigɛ kui a nu lanma e xa gbengberenyi igiri. E to Turusinina geya li, Alatala naxa mini jama ma alako e xa gaaxu a ya ra, e man xa a xa seriyɛ kolon.

Kɔnɔ na dangi xanbi, Isirayila naxa tagan na jɛrɛ ma, Ala naxa e xɔnɔ xui mɛ. Ala nu fe birin nabama alako e xa a kolon a na mɛɛnife e ma biyaasi kui, kɔnɔ e mu wasa na ra. E to makɔrɛ Kanaan bɔxi ra, Ala naxa mixie sugandi e ya ma naxee siga naa rabende. Nee xa dɛntɛgɛ naxa a niya Isirayila xa kontɔfili a jaaxi ra, e fa tondi sigade na bɔxi suxude.

Na kui Alatala naxa nate tongo na mixie xili ma, naxee minixi Misira bɔxi ma, a e sese mu nu nɔma Kanaan bɔxi masɔtɔde fa, fo e xa die. Isirayila jama naxa jɛ tongo naani raba gbengberenyi ma, alako forie birin xa faxa, e xa die xa mɔ na biyaasi kui.

A rapɔnyɪ, e naxa makɔrɛ Kanaan naaninyi ra. Mowabakae mu tin e xa so, kɔnɔ Ala naxa a masen a fixɛ ra a sese mu nɔma a niyade a xa

a xa ꝑama Isirayila rabeꝑin. Hali e to bara nu yunubi soꝓo, Ala e ꝑaxankataxi naxan ma fe ra, a mu danyi sa a xa hinne ma e be.

Seriye nan na ki danxaniyatoe birin be. Yunubi mu fan, a Ala raxonoma. Won na gbilen Ala xa seriye foxo ra, won xa a kolon na mu findima fe fanyi ra won be. Kono Ala yuge na ki naxe, hali a yunubitoe ꝑaxankata a xa yunubie xa fe ra, a man kate birin nabama alako a xa tin a xa hinne ra naxan noma findide kisi ra a be abadan. Ala tinxin, a xa kiiti mu kanama. Kono a xa xanunteya gbo dangi fe birin na. A wama ibunadama birin xa lu a xa ꝑama ya ma, e fa so ariyanna. Ala xa na raba won birin be. Amina.

## **Tawureta Munsa Isirayila xa Konti Tife**

### *Isirayila xeme konti tife*

<sup>1</sup> Isirayilakae xa mini Misira ꝑe firin nde, kike firin nde, xi singe, Alatala naxa a masen Munsa be Turusinina gbengberenyi ma horomolingira kui, <sup>2</sup> «Wo xa Isirayila xeme birin konti a xabile nun a denbaya ki ma, <sup>3</sup> naxee xa simaya bara ꝑe moxopen li, naxee noma findide Isirayila soorie ra. I nun Haruna, wo xa e itaxun soori gaali ki ma. <sup>4</sup> Bonsoe xunyie xa wo mali na wali kui. <sup>5</sup> E xilie nan ya:

Ruben bonsoe ya ma, Sedeyuri xa di xeme Elisuru.

<sup>6</sup> Simeyon bonsoe ya ma, Surisadayi xa di xeme Selumiyeli.

- 7 Yuda bõnsõε ya ma, Aminadabo xa di xεmε Naxason.
- 8 Isakari bõnsõε ya ma, Suwara xa di xεmε Netaneeli.
- 9 Sabulon bõnsõε ya ma, Xelon xa di xεmε Eliyabi.
- 10 Yusufu xa di xεmε Efirami bõnsõε ya ma, Amixudi xa di xεmε Elisama.  
Yusufu xa di xεmε Manasi bõnsõε ya ma, Pedasuru xa di xεmε Gamaliyeli.
- 11 Bunyamin bõnsõε ya ma, Gideyoni xa di xεmε Abidan.
- 12 Dana bõnsõε ya ma, Amisadayi xa di xεmε Axiyeseri.
- 13 Aseri bõnsõε ya ma, Okiran xa di xεmε Pagiyeeli.
- 14 Gadi bõnsõε ya ma, Duweli xa di xεmε Eliyasafa.
- 15 Nafatali bõnsõε ya ma, Enan xa di xεmε Axira.»

16 Na bõnsõε xunyie nan xilixi, e xa findi Isirayila sõõri mangεε ra. 17 E naxa kafu Munsa nun Haruna ma, 18 e xa Isirayila ƚama malan, na kike firin nde, xi singe. Xεmε birin naxee xa simaya nu bara ƚε mõxõƚen li, e naxa e tengε e xabile nun e denbaya ki ma, 19 alõ Alatala a yamari ki naxε. Munsa naxa e tengε Turusinina gbengberenyi ma.

20 E naxa Isirayila xa di singe Ruben bõnsõε birin tengε e xabile nun e denbaya ki ma. E naxa xεmεε xili sεbε, naxee xa simaya nu bara ƚε mõxõƚen li, naxee nu nõma sõõriƚa rabade.

<sup>21</sup> Na xasabi lan ne xeme wulu tongo naani nun senni, xeme keme suuli nan ma.

<sup>22</sup> E naxa Simeyon bonsœe birin tenge e xabile nun e xa denbaya ki ma. E naxa xeme xili sebe, naxee xa simaya nu bara ne moxonen li, naxee nu noma sooriŋa rabade. <sup>23</sup> Na xasabi lan ne xeme wulu tongo suuli nun solomanaani, xeme keme saxan nan ma.

<sup>24</sup> E naxa Gadi bonsœe birin tenge e xabile nun e xa denbaya ki ma. E naxa xeme xili sebe, naxee xa simaya nu bara ne moxonen li, naxee nu noma sooriŋa rabade. <sup>25</sup> Na xasabi lan ne xeme wulu tongo naani nun suuli, xeme keme senni tongo suuli nan ma.

<sup>26</sup> E naxa Yuda bonsœe birin tenge e xabile nun e xa denbaya ki ma. E naxa xeme xili sebe, naxee xa simaya nu bara ne moxonen li, naxee nu noma sooriŋa rabade. <sup>27</sup> Na xasabi lan ne xeme wulu tongo solofere nun naani, xeme keme senni nan ma.

<sup>28</sup> E naxa Isakari bonsœe birin tenge e xabile nun e denbaya ki ma. E naxa xeme xili sebe, naxee xa simaya nu bara ne moxonen li, naxee nu noma sooriŋa rabade. <sup>29</sup> Na xasabi lan ne xeme wulu tongo suuli nun naani, xeme keme naani nan ma.

<sup>30</sup> E naxa Simeyon bonsœe birin tenge e xabile nun e xa denbaya ki ma. E naxa xeme xili sebe, naxee xa simaya nu bara ne moxonen li, naxee nu noma sooriŋa rabade. <sup>31</sup> Na xasabi lan ne xeme wulu tongo suuli nun solofere, xeme keme naani nan ma.

<sup>32</sup> E naxa Yusufu xa di xeme Efirami bonsɔɛ birin tɛngɛ e xabile nun e xa denbaya ki ma. E naxa xemɛɛ xili seɓɛ, naxee xa simaya nu bara ɲɛ mɔxɔɲɛn li, naxee nu nɔma sɔɔriɲa rabade.

<sup>33</sup> Na xasabi lan nɛ xeme wulu tongo naani, xeme keme suuli nan ma.

<sup>34</sup> E naxa Yusufu xa di xeme Manasi bonsɔɛ birin tɛngɛ e xabile nun e xa denbaya ki ma. E naxa xemɛɛ xili seɓɛ, naxee xa simaya nu bara ɲɛ mɔxɔɲɛn li, naxee nu nɔma sɔɔriɲa rabade.

<sup>35</sup> Na xasabi lan nɛ xeme wulu tongo saxan nun firin, xeme keme firin nan ma.

<sup>36</sup> E naxa Bunyamin bonsɔɛ birin tɛngɛ e xabile nun e xa denbaya ki ma. E naxa xemɛɛ xili seɓɛ, naxee xa simaya nu bara ɲɛ mɔxɔɲɛn li, naxee nu nɔma sɔɔriɲa rabade. <sup>37</sup> Na xasabi lan nɛ xeme wulu tongo saxan nun suuli, xeme keme naani nan ma.

<sup>38</sup> E naxa Dana bonsɔɛ birin tɛngɛ e xabile nun e xa denbaya ki ma. E naxa xemɛɛ xili seɓɛ, naxee xa simaya nu bara ɲɛ mɔxɔɲɛn li, naxee nu nɔma sɔɔriɲa rabade. <sup>39</sup> Na xasabi lan nɛ xeme wulu tongo senni nun firin, xeme keme solofere nan ma.

<sup>40</sup> E naxa Aseri bonsɔɛ birin tɛngɛ e xabile nun e xa denbaya ki ma. E naxa xemɛɛ xili seɓɛ, naxee xa simaya nu bara ɲɛ mɔxɔɲɛn li, naxee nu nɔma sɔɔriɲa rabade. <sup>41</sup> Na xasabi lan nɛ xeme wulu naani nun keren, xeme keme suuli nan ma.

<sup>42</sup> E naxa Nafatali bonsɔɛ birin tɛngɛ e xabile nun e xa denbaya ki ma. E naxa xemɛɛ xili seɓɛ, naxee xa simaya nu bara ɲɛ mɔxɔɲɛn li, naxee nu nɔma sɔɔriɲa rabade. <sup>43</sup> Na xasabi lan nɛ

xeme wulu tongo suuli nun saxan, xeme keme naani nan ma.

<sup>44</sup> Isirayila bɔnsɔɛ xunyi fu nun firinyi nan kafu Munsa nun Haruna ma na tɛngɛ tife ra.

<sup>45</sup> Isirayila xeme naxee nu bara ɲɛ mɔxɔɲɛn li, naxee nu nɔma sɔɔriɲa rabade, <sup>46</sup> nee nu lanxi xeme wulu keme senni nun saxan, xeme keme suuli nun tongo suuli nan ma.

<sup>47</sup> Kɔnɔ Lewi bɔnsɔɛ mu nu na na konti ya ma, <sup>48</sup> barima Alatala nu bara a masen Munsa bɛ, <sup>49</sup> «I naxa Lewikae tɛngɛ Isirayilakae ya ma.

<sup>50</sup> I xa hɔrɔmɔlingira nun a xa se birin taxu e ra. N ma saate tɔnxuma na a ra. E xa a maxanin, e xa mɛɛni a ma, e xa yonkin a rabilinyi ra.

<sup>51</sup> Wo na keli sigade, e xa a ragoro. Wo na yire nɛɛnɛ li, e xa a ti. Xa mixi gbete a maso a ra naxan mu findi Lewi bɔnsɔɛ ra, na kanyi lan nɛ a xa faxa. <sup>52</sup> Isirayilaka birin xa yonkin yire e na dennaxɛ masen e bɛ, e bɔnsɔɛ xa tɔnxuma bun ma, a nun e xa sɔɔrie. <sup>53</sup> Lewi bɔnsɔɛɛ xa yonkin hɔrɔmɔlingira rabilinyi, xa na mu a ra n xɔnɔma nɛ Isirayila ɲama ma. Lewikae xa e ɲɛngi sa hɔrɔmɔlingira xɔn ma.»

<sup>54</sup> Isirayilakae naxa Alatala xa yaamari birin suxu, a naxan soxi Munsa yi ra.

## 2

### *Bɔnsɔɛɛ dɔxɔ ki*

<sup>1</sup> Alatala naxa a masen Munsa nun Haruna bɛ, <sup>2</sup> «Isirayilaka birin yonkinma e xabile xa tɔnxuma nan bun ma. E birin ya rafindima e booree nan ma, hɔrɔmɔlingira fa lu e tagi.»

<sup>3</sup> Yuda bõnsõε nan yonkinma sogetede mabiri e xa tõnxuma bun ma. Aminadabo xa di Naxason nan e xa yarerati ra. <sup>4</sup> A xa sõorie xasabi lan mixi wulu tongo solofere nun naani, mixi keme senni nan ma. <sup>5</sup> Isakari bõnsõε nan yonkinma Yuda bõnsõε sɛti ma e xa tõnxuma bun ma. Suwara xa di Netaneeli nan e xa yarerati ra. <sup>6</sup> A xa sõorie xasabi lan mixi wulu tongo suuli nun naani, mixi keme naani nan ma. <sup>7</sup> Sabulon bõnsõε nan yonkinma Yuda bõnsõε sɛti ma e xa tõnxuma bun ma. Xelõn xa di Eliyabi nan e xa yarerati ra. <sup>8</sup> A xa sõorie xasabi lan mixi wulu tongo suuli nun solofere, mixi keme naani nan ma. <sup>9</sup> Gali naxan yonkin Yuda bõnsõε mabiri, e xasabi lan mixi wulu keme mixi wulu tongo solomasaxan nun senni, mixi keme naani nan ma. E tan nan tima yare ra.

<sup>10</sup> Ruben bõnsõε nan yonkinma sogetede mabiri e xa tõnxuma bun ma. Sedeyuri xa di Elisuru nan e xa yarerati ra. <sup>11</sup> A xa sõorie xasabi lan mixi wulu tongo naani nun senni, mixi keme suuli nan ma. <sup>12</sup> Simeyõn bõnsõε nan yonkinma Ruben bõnsõε sɛti ma e xa tõnxuma bun ma. Surisadayi xa di Selumiyeli nan e xa yarerati ra. <sup>13</sup> A xa sõorie xasabi lan mixi wulu tongo suuli nun solomanaani, mixi keme suuli nan ma. <sup>14</sup> Gadi bõnsõε nan yonkinma Ruben bõnsõε sɛti ma e xa tõnxuma bun ma. Duweli xa di Eliyasafa nan e xa yarerati ra. <sup>15</sup> A xa sõorie xasabi lan mixi wulu tongo naani nun suuli, mixi keme senni nun tongo suuli nan ma. <sup>16</sup> Gali naxan yonkin Ruben bõnsõε mabiri, e xasabi lan mixi wulu keme mixi wulu tongo suuli nun keren,

mixi keme naani nun tongo suuli nan ma. E tan nan sigama a firin nde.

<sup>17</sup> Lewi bonsɔɛ naxan yonkinma e tagi, a birama e foxɔ ra hɔrɔmɔlingira xaninfe ra. Bonsɔɛ birin jɛrɛma e safe ki nan ma e xa tɔnxuma bun ma.

<sup>18</sup> Efirami bonsɔɛ nan yonkinma sogegode mabiri e xa tɔnxuma bun ma. Amixudi xa di Elisama nan e xa yarerati ra. <sup>19</sup> A xa sɔɔrie xasabi lan mixi wulu tongo naani, mixi keme suuli nan ma. <sup>20</sup> Manasi bonsɔɛ nan yonkinma Efirami bonsɔɛ sɛeti ma e xa tɔnxuma bun ma. Pedasuru xa di Gamaliyeli nan e xa yarerati ra. <sup>21</sup> A xa sɔɔrie xasabi lan mixi wulu tongo saxan nun firin, mixi keme firin nan ma. <sup>22</sup> Bunyamin bonsɔɛ nan yonkinma Efirami bonsɔɛ sɛeti ma e xa tɔnxuma bun ma. Gideyoni xa di Abidan nan e xa yarerati ra. <sup>23</sup> A xa sɔɔrie xasabi lan mixi wulu tongo saxan nun suuli, mixi keme naani nan ma. <sup>24</sup> Gali naxan yonkin Efirami bonsɔɛ mabiri, e xasabi lan mixi wulu keme mixi wulu solomasaxan, mixi keme nan ma. E tan nan sigama a saxan nde.

<sup>25</sup> Dana bonsɔɛ nan yonkinma yirefanyi mabiri e xa tɔnxuma bun ma. Amisadayi xa di Axiyeseri nan e xa yarerati ra. <sup>26</sup> A xa sɔɔrie xasabi lan mixi wulu tongo senni nun firin, mixi keme solofere nan ma. <sup>27</sup> Aseri bonsɔɛ nan yonkinma Dana bonsɔɛ sɛeti ma e xa tɔnxuma bun ma. Okiran xa di Pagiyeli nan e xa yarerati ra. <sup>28</sup> A xa sɔɔrie xasabi lan mixi wulu tongo naani nun keren, mixi keme suuli nan ma. <sup>29</sup> Nafatali bonsɔɛ nan yonkinma Dana bonsɔɛ sɛeti ma e



xa tɔnxuma bun ma. Enan xa di Axira nan e xa yarerati ra. <sup>30</sup> A xa sɔorie xasabi lan mixi wulu tongo suuli nun saxon, mixi keme naani nan ma. <sup>31</sup> Gali naxan yonkin Dana bɔnsɔe mabiri, e xasabi lan mixi wulu keme mixi wulu tongo suuli nun solofere, mixi keme senni nan ma. E tan nan sigama a dɔnxɔe ra e xa tɔnxumae bun ma.

<sup>32</sup> Isirayilaka naxee tenge e xabile ki ma nun e xa sɔori gali ki ma, e xasabi lan mixi wulu keme senni nun saxon, mixi keme suuli nun tongo suuli nan ma. <sup>33</sup> Lewi bɔnsɔe tan mu tenge Isirayilakae xun ma, alo Alatala a masen ki naxe Munsa be.

<sup>34</sup> Isirayilakae naxa bira Alatala xa yaamari birin fɔxɔ ra, alo a Munsa yamari a ra ki naxe. E nu yonkinma e xa tɔnxuma nan bun ma, e man nu jɛrema e xabile nun e xa denbaya ki nan ma.

### 3

#### *Sɛrɛxɛdubɛɛ*

<sup>1</sup> Haruna nun Munsa xa taruxui nan ya, Alatala to wɔyɛn Munsa be Turusinina geya ma.

<sup>2</sup> Haruna xa di xeme xilie nan yi ki: a xa di xeme singe nu xili ne Nadabo, a xunyaɛ, Abihu, Eleyasari, nun Itamari. <sup>3</sup> Nee nan sugandixi e xa findi sɛrɛxɛdubɛɛ ra. <sup>4</sup> Kɔnɔ Nadabo nun Abihu naxa faxa Alatala ya i e to sɛrɛxɛ gan tɛ ra naxan mu lanxi. E mu di yo sɔtɔ, kɔnɔ Eleyasari nun Itamari naxa lu sɛrɛxɛdubɛɛna kui e baba Haruna xa yaamari bun ma.

<sup>5</sup> Alatala naxa a masen Munsa be, <sup>6</sup> «I xa Lewi bɔnsɔe masen Haruna be, e xa a mali a xa sɛrɛxɛdubɛɛ wali kui. <sup>7</sup> E xa Haruna nun Isirayila

nama mali hōrōmōlingira wali kui. <sup>8</sup> E xa e ɲoxo sa hōrōmōlingira raxunmasee xon na, e man xa hōrōmōlingira wali raba Isirayilakae be. <sup>9</sup> Na kui i Lewi bōnsōe sama Haruna nun a xa di xemee nan sago. E sugandixi Isirayilakae ya ma Haruna malife nan na. <sup>10</sup> I xa Haruna nun a xa die nan tun ti serexedube wali rabafe ra. Xa mixi gbete sa a maso hōrōmōlingira ra, na kanyi xa faxa.»

<sup>11</sup> Alatala naxa a masen Munsa be, <sup>12</sup> «N bara Lewi bōnsōe sugandi Isirayilakae tagi Isirayila ginēe xa di singe birin ɲoxoe ra. Na bōnsōe findixi n gbe nan na, <sup>13</sup> barima n gbe nan na di xeme singe birin na. N to di xeme singe birin faxa Misira boxi ma, n naxa Isirayila di xeme singe birin sugandi n yete be, a findi mixi ra, a findi xuruse ra. N tan nan na Alatala ra.»

### *Lewi bōnsōe tengefe*

<sup>14</sup> Alatala naxa a masen Munsa be Turusinina gbengberenyi ma, <sup>15</sup> «Lewi bōnsōe tengē a denbaya nun a xabile ki ma. Xeme birin tengema ne naxan ma simaya bara kike keren li.» <sup>16</sup> Munsa naxa e tengē alo Alatala a yamari ki naxe.

<sup>17</sup> Lewi xa di xemee xilie nan yi ki:

Gerison, Kehati, nun Merari.

<sup>18</sup> Gerison xa di xemee xilie nan yi ki a xabile ki ma:

Libini nun Simeyi.

<sup>19</sup> Kehati xa di xemee a xabile ki ma:

Amarama, Yisehari, Xebiron nun Yusiyeli.

<sup>20</sup> Merari xa di xemee a xabile ki ma:

Maxali nun Musi.

Lewi xabile nan na ki e xa denbaya ki ma.

<sup>21</sup> Gerison bõnsõe nu na Libini Simeyi xabile nan na. <sup>22</sup> Naxee xa simaya nu bara kike keren li, e xasabi lan mixi wulu solofere mixi keme suuli nan ma. <sup>23</sup> Gerison xabile nu yonkinma hõrõmõlingira nan xanbi ra sogegõrode mabiri ra. <sup>24</sup> E xunyi nu na Layeli xa di xeme Eliyasafa nan na. <sup>25</sup> Gerison xa mixie nu e jõxõe saxi hõrõmõlingira nan xõn ma, nun mafelenyi naxan felenma a xun ma, a nun a sode de ra, <sup>26</sup> a nun kõlime naxee nu sama hõrõmõlingira nun serexebade rabilinyi ma, a nun na tete sode de ra, a nun luutie e na maxirima naxee ra.

<sup>27</sup> Kehati xa mixie nan yi ki: Amarama xabile, Yisehari xabile, Xebiron xabile, nun Yusiyeli xabile. Na xabilee nan minixi e benba Kehati ma. <sup>28</sup> E xa di xeme naxee xa simaya nu bara kike keren li, e xasabi lan mixi wulu solomasaxan keme senni nan ma. Kehati xa mixie nan nu mæenima hõrõmõlingira ma. <sup>29</sup> E tan nu yonkinma hõrõmõlingira yirefanyi mabiri ne. <sup>30</sup> Yusiyeli xa di xeme Elisafan nan nu na e xunyi ra. <sup>31</sup> Hõrõmõlingira saate kankira, teebili, lanpuie, serexebadee, yirabase naxee rawalima yire seniyeñxi kui, nun dugi yarasa naxan na hõrõmõlingira kui, e nu taxuxi e tan nan na. <sup>32</sup> Lewi bõnsõe birin xunyi nu na Haruna xa di xeme Eleyasari nan na. A tan nan nu Lewi bõnsõe mixie xun ma, naxee mæenima hõrõmõlingira ma.

<sup>33</sup> Merari xa mixie nan yi ki: Maxali xabile nun Musi xabile. <sup>34</sup> E xa di xeme naxee xa simaya nu bara kike keren li, e xasabi lan mixi wulu senni keme firin nan ma. <sup>35</sup> Abixayili xa

di xeme Suriyeli nan nu na Merari xabilee xunyi ra. E nu yonkinma horomolingira koola mabiri ne. <sup>36</sup> Horomolingira xebenyie, a wuri kuyee, a kontigibae, a sanbunye, a xa yirabase, nun a rawalisee nu taxuxi e tan nan na. <sup>37</sup> E man nu e joxo sama kontigibae xon ma naxee nu horomolingira tete rabilinxi, a nun e sanbunye, e xa koridie, nun e xa luutie.

<sup>38</sup> Munsa, Haruna, nun a xa di xeme nu yonkinma horomolingira sode de nan na sogetede mabiri. E tan nan nu e joxo sama horomolingira xon ma Isirayilaka birin xili ra. Xa mixi gbete sa a maso horomolingira ra, na kanyi xa faxa. <sup>39</sup> Lewi bonsoe di xeme naxee xa simaya nu bara kike keren li, e xasabi lan mixi wulu moxonen nun firin nan ma. Munsa nun Haruna nu bara e tenge e xabile ki ma alo Alatala e yamari ki naxe.

<sup>40</sup> Alatala naxa a masen Munsa be, «Di xeme singe birin tenge Isirayilakae ya ma, naxee simaya bara kike keren li, i xa e xilie sebe. <sup>41</sup> Lewi bonsoe xa findi Isirayila di xeme singe birin joxoe ra. Lewi bonsoe xa goore xa findi Isirayilakae xa xurusee di singee joxoe ra. N tan nan na Alatala ra.» <sup>42</sup> Munsa naxa Isirayila di xeme singe birin tenge alo Alatala a yamari ki naxe. <sup>43</sup> Isirayila di xeme singe birin naxee xa simaya bara kike keren li, e xasabi lan mixi wulu moxonen nun firin mixi keme firin tongo solofere nun saxan nan ma.

<sup>44</sup> Alatala naxa a masen Munsa be, <sup>45</sup> «Lewi bonsoe xa findi Isirayila di xeme singe birin joxoe ra. Lewi bonsoe xa goore xa findi Isirayilakae xa xurusee di singee joxoe ra. N tan

nan na Alatala ra. <sup>46</sup> Na Isirayila di xeme singe mixi keme firin tongo solofere nun saxan naxee xasabi dangi Lewi bonsœ konti ra, <sup>47</sup> i xa kankan xun sara gbeti giramu tongo suuli nun solofere ra naxan mooli rawalima hõromõlingira kui. <sup>48</sup> I xa na gbeti so Haruna nun a xa di xeme yi ra, di singee xunsare ra naxee xasabi nu dangi Lewi bonsœ xasabi ra.» <sup>49</sup> Munsa naxa na gbeti suxu naxan fixi di singee xunsare xa fe ra, naxee xasabi nu dangi Lewi bonsœ xasabi ra. <sup>50</sup> A naxa na gbeti kilo fu nun suuli nun a tagi rasuxu Isirayila di singee yi ra. Gbeti nan a ra naxan nu rawalima hõromõlingira kui. <sup>51</sup> Munsa naxa na xunsare gbeti so Haruna nun a xa di xeme yi ra alo Alatala a yamari ki naxe.

## 4

### *Kehati xa mixie*

<sup>1</sup> Alatala naxa a masen Munsa be, <sup>2</sup> «Kehati xa die tengẽ Lewi bonsœe ya ma a xabile nun a denbaya ki ma, <sup>3</sup> naxee xa simaya bara je tongo saxan li han je tongo suuli, naxee fama hõromõlingira wali rabade. <sup>4</sup> Kehati xa die lanma e xa mœni se seniyeñxie ma naxee na hõromõlingira kui. <sup>5</sup> Isirayilakae na keli sigade, Haruna nun a xa di xeme xa dugi yarasa ragoro, e saate kankira makoto a ra. <sup>6</sup> Na dangi xanbi e xa foye yeXe kiri sa na fari, a nun gere dugi. A donxœ ra e xa wuri kuyee raso kankira tongosee ra.»

<sup>7</sup> «E na gere dugi gbete itala teebili ma, e xa piletie, tonbilie, nun kundie sa na fari, naxee rawalima weni serexœ ra. Taami naxan bama

serexɛ ra, na fan sama nɛ na teebili nan fari. <sup>8</sup> E dugi gbeeli nan sama na birin xun ma, e fa foye yɛxɛ kiri itala na fari. Na dangi xanbi e xa wuri kuyee raso teebili tongosee ra.»

<sup>9</sup> «E xa gɛrɛ dugi dusu lanpui dɔxɔse, lanpuie, a yirabasee, xube sasee, nun ture kundie xun ma. <sup>10</sup> E xa na birin maflin foye yɛxɛ kiri nan kui, e fa a sa xaninse fari. <sup>11</sup> E xa gɛrɛ dugi itala serɛxɛbade xɛɛma daaxi fari, e fa a makoto foye yɛxɛ kiri ra, e wuri kuyee raso a tongosee ra. <sup>12</sup> Na hɔrɔmɔlingira raxunmase birin makotoma gare dugi nan na, e e maflin foye yɛxɛ kiri kui, e fa na sa xaninse fari. <sup>13</sup> E xa xube ba serɛxɛbade wure gbeeli daaxi kui, e fa dugi gbeeli dusu a xun na. <sup>14</sup> E na a yirabasee sa a fari, alɔ surayi gansee, suxumɛɛ, pelie, nun pɔɔti xungbee, e xa na birin maflin foye yɛxɛ kiri ra, e fa wuri kuyee raso a tongosee ra. <sup>15</sup> Haruna nun a xa di xɛmɛɛ na gɛ na xunmase seniyɛnxie nun a yirabasee makotode, Kehati xa die lanma e xa na birin xanin biyaasi kui. Kɔnɔ e mu lanma e xa din na se seniyɛnxie ra xa na mu e faxama nɛ. Kehati bɔnsɔɛɛ xa wali nan na ki. <sup>16</sup> Haruna serɛxɛdubɛ xa di xɛmɛ Eleyasari nan a jɔxɔ sama lanpui ture, surayi, sansi serɛxɛ, nun ture seniyɛnxi xɔn ma. Hɔrɔmɔlingira raxunmase seniyɛnxie nun a yirabase birin taxuxi a tan nan na.»

<sup>17</sup> Alatala naxa a masen Munsa nun Haruna bɛ, <sup>18</sup> «Wo naxa lu Kehati bɔnsɔɛ xabilɛɛ xa ba Lewi bɔnsɔɛ ya ma. <sup>19</sup> Haruna nun a xa di xɛmɛɛ xa e mati hɔrɔmɔlingira kui, e fa e xa wali masen kankan bɛ alako e naxa e makɔrɛ se seniyɛnxie ra, e fa faxa. <sup>20</sup> E mu lan e xa e ya

masa se seniyeŋxie ma, hali dondoronti, xa na mu e faxama ne.»

### *Gerison xa mixie*

<sup>21</sup> Alatala naxa a masen Munsa be, <sup>22</sup> «Gerison bɔnsɔɛ tɛŋɛ a xabile nun a denbaya ki ma, <sup>23</sup> naxee xa simaya bara je tongo saxan li han je tongo suuli, naxee fama hɔrɔmɔlingira wali rabade. <sup>24</sup> Gerison xabile xa wali nan yi ki. <sup>25</sup> E hɔrɔmɔlingira mafelenyie nan xaninma, a nun mafelenyi naxan yailanxi foye yexe kiri ra, a nun mafelenyi naxan gbakuxi hɔrɔmɔlingira sode de ra. <sup>26</sup> E xa tete mafelenyie fan xanin naxee hɔrɔmɔlingira nun serexɛbade rabilinma, a nun naxan gbakuxi tete sode de ra, a nun tete luttie. E xa e jɔxɔ sa na se mɔoli birin xɔn ma. <sup>27</sup> Gerison xabile walima Haruna nun a xa di xeme xa yaamari nan bun ma, a findi kotee xaninfe ra, a findi wali gbete rabafe ra. Nee nan a falama e be e lan e xa naxan naba, a nun e lan e xa naxan xanin. <sup>28</sup> Gerison bɔnsɔɛ xa wali nan na ki hɔrɔmɔlingira xa fe ra. E na wali rabama Haruna serexɛdube xa di xeme Itamari xa yaamari nan bun ma.»

### *Merari xa mixie*

<sup>29</sup> «I xa Merari bɔnsɔɛ fan tɛŋɛ a xabile nun a denbaya ki ma, <sup>30</sup> naxee xa simaya bara je tongo saxan li han je tongo suuli, naxee fama hɔrɔmɔlingira wali rabade. <sup>31</sup> See nan yi ki e tan lan e xa naxee maxanin hɔrɔmɔlingira see ra: a xebenyie, a wuri kuyee, a kontigibae, nun e sanbunyie. <sup>32</sup> E xa tete fan xanin, a nun a kontigibae, e sanbunyie, e sɔrɔnsee, e xa luttie, e xa yirabasee, nun e xa walise birin.

Wo see masen kankan be, a lanma a xa naxee xanin. <sup>33</sup> Merari bɔnsɔɛe xa wali birin nan na ki hɔrɔmɔlingira xa fe ra. E walima Haruna serɛɛdube xa di xeme Itamari xa yaamari nan bun ma.»

*Walikɛɛ tengɛfe Lewi bɔnsɔɛ ya ma*

<sup>34</sup> Munsa, Haruna, nun jama kuntigie naxa Kehati xa mixie tengɛ e xabile nun e xa denbaya ki ma, <sup>35</sup> xeme naxee xa simaya bara je tongo saxan li han je tongo suuli, naxee fama hɔrɔmɔlingira wali rabade. <sup>36</sup> E xasabi lan mixi wulu firin, mixi keme solofere, tongo suuli nan ma. <sup>37</sup> Xeme nan na ki Kehati xabileɛ ya ma naxee hɔrɔmɔlingira wali rabama. Munsa nun Haruna bara e tengɛ alo Alatala Munsa yamarixi ki naxe.

<sup>38</sup> E naxa Gerison xa mixie tengɛ e xabile nun e xa denbaya ki ma, <sup>39</sup> xeme naxee xa simaya bara je tongo saxan li han je tongo suuli, naxee fama hɔrɔmɔlingira wali rabade. <sup>40</sup> E xasabi lan mixi wulu firin, keme senni, tongo saxan nan ma. <sup>41</sup> Xeme nan na ki Gerison xabileɛ ya ma naxee hɔrɔmɔlingira wali rabama. Munsa nun Haruna bara e tengɛ alo Alatala Munsa yamarixi ki naxe.

<sup>42</sup> E naxa Merari xa mixie tengɛ e xabile nun e xa denbaya ki ma, <sup>43</sup> xeme naxee xa simaya bara je tongo saxan li han je tongo suuli, naxee fama hɔrɔmɔlingira wali rabade. <sup>44</sup> E xasabi lan mixi wulu saxan mixi keme firin nan ma. <sup>45</sup> Xeme nan na ki Merari xabileɛ ya ma naxee hɔrɔmɔlingira wali rabama. Munsa nun Haruna bara e tengɛ alo Alatala Munsa yamarixi ki naxe.



<sup>46</sup> Munsa, Haruna, nun Isirayila kuntigie, e Lewi bɔnsɔɛ mixi naxee tɛngɛxi e xabile nun e xa denbaya ki ma, <sup>47</sup> xɛmɛ naxee xa simaya bara ɲɛ tongo saxan li han ɲɛ tongo suuli, naxee fama hɔrɔmɔlingira wali rabade. <sup>48</sup> E xasabi lan mixi wulu solomasaxan, kɛmɛ suuli, tongo solomasaxan nan ma. <sup>49</sup> Xɛmɛ nun e xa walie nan na ki Lewi naxee tɛngɛxi Munsa nun Haruna saabui ra alɔ Alatala Munsa yamarixi ki naxe.

## 5

### *Mixi seniyantaree, haake tongoe, nun yenɛlae*

<sup>1</sup> Alatala naxa a masen Munsa bɛ, <sup>2</sup> «Isirayilakae yamari e xa kune kanyi nun kɔrɔsila kanyi birin namini e yonkinde, a nun mixi naxee dinxi fure nde ra, e fa findi seniyantaree ra. <sup>3</sup> A findi xɛmɛ ra, a findi ginɛ ra, wo e ramini wo ya ma, e xa sa lu e xati ma alako e naxa seniyantareɲa raso wo ya ma, n sabatixi dennaxɛ.» <sup>4</sup> Isirayilakae naxa a raba alɔ Alatala a yamarixi ki naxɛ, e naxa na mixie ramini e ya ma. Alatala a yamari ki naxɛ Munsa bɛ, e naxa a raba na ki.

<sup>5</sup> Alatala naxa a masen Munsa bɛ, <sup>6</sup> «A fala Isirayilakae bɛ, a findi xɛmɛ ra, a findi ginɛ ra, naxan yo na haake nde raba a boore ra, haake naxan findima Alatala xui matandife ra, na fe dɔxɔxi a xun ma. <sup>7</sup> A lan nɛ a xa a ti na haake ra, a xa na fe yailan a nun na kanyi tagi, a man fa na fe kanaxi dɔxɔ suuli nde sa na fari. <sup>8</sup> Xa a sa li a haake rabaxi naxan na, a bara faxa, a xa mixi yo mu na naxan nɔma na fe yailanxi rasuxude, na findima Alatala nan gbe ra, a so sɛrɛxɛdubɛ

yi ra. Fe kanε man fa yεxεε kontonyi keren ba a xa yunubi xafari ra, a a so serεxεdube yi ra. <sup>9</sup> Isirayilakae na serεxε ba, e a fi serεxεdube ma, na serεxε findima na serεxεdube nan gbe ra. <sup>10</sup> Naxan birin serεxε bama, a naxan bama, a gbe nan na ki, kono a naxan fima serεxεdube ma, serεxεdube gbe nan na ki.»

<sup>11</sup> Alatala naxa a masen Munsa bε, <sup>12</sup> «A fala Isirayilakae bε, e yi nan nabama xa gine nde sa yεnε raba. <sup>13</sup> Xa e nun xεmε gbete bara e sa gundo ra, gine xa mōri mu na kolon, seede mu na, mixi mu a suxu a kui, <sup>14</sup> kono a xa mōri bara a xa gine toone folo, xa a xa gine seniyenxi, xa na mu a mu seniyenxi, <sup>15</sup> a xa a xa gine xanin serεxεdube yire, a mengi kilo saxan ba a bε serεxε ra ture nun surayi mu na naxan xun, barima toone serεxε nan a ra naxan bama a kolonfe ra xa yunubi rabaxi.»

<sup>16</sup> «Serεxεdube xa na gine ti Alatala ya i, <sup>17</sup> a fa xube mako boxi ma hōromolingira kui, a a masunbu ye seniyenxi ra feje kui. <sup>18</sup> Gine na ti Alatala ya i, serεxεdube xa a xunserεxε fulun, a fa toone serεxε sa gine belexε maratuse ra. Serεxεdube tan xa na ye tongo naxan findima danka ra, a a lintan gine ya i.»

<sup>19</sup> «Serεxεdube gine rakalima nε, a a fala, «Xa a sa li i tan nun xεmε gbete mu kafuxi, i mu i xa mōri yanfa, i mu seniyentareja soto futi kui, i xa ratanga danke ma yi ye fama naxan na. <sup>20</sup> Kono xa a sa li, i bara i xa mōri yanfa wo xa futi kui, i nun xεmε gbete bara kafu seniyentareja kui, <sup>21</sup> Alatala xa a ragiri i furi xa kana. Na kui i ngaxakerenyie i dankama nε, e i konbi. <sup>22</sup> Yi ye

naxan fama danke ra, a xa i furi mafuntu, a i xore maba.> Gine xa a ratin a falafe ra, <Amina, amina.>»

<sup>23</sup> «Serexedube na ge na danke sebede kiri ma, a xa na kiri xa na ye seniyenxi ra, <sup>24</sup> a fa a fi gine ma, a xa a min. Na ye naxan noma findide danke ra, a soma a fate i. <sup>25</sup> Serexedube toone serexe rasuxuma ne gine yi ra, a a dentege Alatala be serexebade yire. <sup>26</sup> Serexedube xa mengi suxui keren gan serexebade fari, a findi serexe tonxuma ra. A na ge na ra, a xa na ye fi gine ma, a xa a min. <sup>27</sup> A na na ye min, xa a sa li na gine bara findi seniyentare ra, a bara a xa mori yanfa, na ye naxan findima danke ra, a soma ne a fate i, a a tooro ki fanyi ra. A furi funtuma ne, a xore mabama ne, a ngaxakerenyie fama ne a dankade.»

<sup>28</sup> «Kono xa a sa li a mu seniyentarena yo rabaxi, toonege bama ne a xun ma, a man noma di baride. <sup>29</sup> Toone seriye nan na ki naxan nawalima xa gine findima seniyentare ra, a a xa mori yanfa futi kui, <sup>30</sup> xa na mu a ra, toone xaxili na so xeme furi, a fa siike a xa gine ma. A a xa gine xaninma Alatala ya i, serexedube fa na seriye rabatu a xa fe ra. <sup>31</sup> Na kui yunubi mu na na xeme ma, kono gine tan a xa yunubi sare sotoma ne.»

## 6

### *Mixi xa seriye naxan a yete safe Alatala sago*

<sup>1</sup> Alatala naxa a masen Munsa be, <sup>2</sup> «A fala Isirayilakae be, xa xeme nde, xa na mu gine nde sa laayidi tongo Alatala be, a xa lu a sago, na

nan na ki a xa findi Nasari ra, <sup>3</sup> na kanyi mu lan a xa weni nun beere min. A naxa sese min naxan kelixi weni bogi ma, xa na mu beere ma. A naxa weni bogi bunda don, a naxa a xare don. <sup>4</sup> A temui naxan birin nabama a xa Nasariya kui, a naxa sese don naxan keli weni bili ma, keli a bogi ma a sa dɔxɔ a xɔri ra.»

<sup>5</sup> «A xa Nasariya kui, a mu lanma a xunyi xa bi. A xa lu seniyeanyi kui, a xunsexe xa nu kuya ra tun. <sup>6</sup> Na waxati bun ma, a mu lan a xa a maso fure ra, <sup>7</sup> hali a findi a baba ra, a nga, a taara, xa na mu a ra a xunya fure ra. A na Alatala nan sago tun, alɔ a xunsexe kepa a masenxi ki naxe. <sup>8</sup> A temui naxan birin nabama a xa Nasariya kui, a luma seniyeanyi nan kui Alatala be.»

<sup>9</sup> «Xa mixi nde sa faxa a fe ma a terenna ki ma, a xunsexe bara findi se seniyeantare ra. Na temui a xa seniyeanyi lɔxun keren bun ma, a man fa a xunyi bi na xi solofere lɔxɔe. <sup>10</sup> A xi solomasaxan lɔxɔe, a fogotara firin nan xaninma serexedube xɔn ma hɔrɔmɔlingira sode de ra, xa na mu ganbe firin. <sup>11</sup> Serexedube xɔni keren nan bama yunubi xafari serexe ra, boore findima a gan daaxi nan na, alako a xa yunubi xa xafari, barima a dinfe fure ra, na findima yunubi nan na. Na lɔxɔe a man xa a xunyi raseniyeanyi. <sup>12</sup> A na ge na ra, a man xa gbilen a xa laayidi ma. Fo a xa yexee keren ba yete ragbilen serexe ra, naxan je keren a ra a xa yunubi xafarife ra. Lɔxɔe naxee bara dangi, nee mu kontima sɔnɔn, barima a nu bara seniyeantarepa sɔɔ.»

<sup>13</sup> «Mixi na ge Nasariya rabade, a xa bira yi seriye nan fɔxɔ ra. A xa siga hɔrɔmɔlingira sode

de ra, <sup>14</sup> a xa serexe gan daaxi ba Alatala be, yexee naxan bara ne keren soto, lanyuru yo mu na naxan ma. A xa yunubi xafari serexe fan ba, yexee gine naxan bara ne keren soto, lanyuru yo mu na naxan ma. A xa xanunteya serexe ba, yexee kontonyi, lanyuru yo mu na naxan ma. <sup>15</sup> A xa serexe ndee sa na fari, alo sansi xori dinxi serexe, weni serexe, taami lebinitare, leki yailanxi ture ra, nun leki ture masoxi naxee ma. <sup>16</sup> Serexedube na serexe see nan dentegema Alatala be, a fa yunubi xafari serexe ba, a nun serexe gan daaxi. <sup>17</sup> A xa na taami lebinitare masen Alatala be, a xa na yexee kontonyi ba xanunteya serexe ra, a xa sansi xori dinxi serexe nun weni serexe sa na fari.»

<sup>18</sup> «Na temui Nasari xa a xunsexe bi hɔrɔmɔlingira sode de ra, a naxan fixi Alatala ma. A xa na raso te xɔɔra xanunteya serexe na bafe dennaxe. <sup>19</sup> Nasari na ge a xunsexe bide, serexedube yexee kontonyi belexe ganxi keren nan tongoma a belexe ra, a nun leki lebinitare firin naxee na debe kui. <sup>20</sup> A xa e dentege Alatala be e lintanfe ra. Na findi donse seniyenxi nan na serexedube be, a nun na yexee ganyanyi nun a tabe. Na dangi xanbi, Nasari noma weni minde sonon. <sup>21</sup> Nasari seriye nan na ki. A lanma a xa na serexe ba Alatala be alo a janigexi ki naxe, a nun se gbete a noma naxan na. Fo a xa a xa Nasari laayidi rakamali a seriye ki ma.»

<sup>22</sup> Alatala naxa a masen Munsa be, <sup>23</sup> «A fala Haruna nun a xa die be, e xa duba Isirayilakae be yi ki ne:

<sup>24</sup> <Alatala xa baraka sa i xa fe,

a xa i kanta.

<sup>25</sup> Alatala yatagi xa nɔrɔ i ma,

a xa hinne i ra.

<sup>26</sup> Alatala xa a ya rafindi i ma,

a xa bɔɔesa fi i ma.»

<sup>27</sup> E dubama Isirayilakae be na ki ne, n fan baraka sama ne e ma.»

## 7

### *Hadiya naxee fixi hɔrɔmɔlingira rabi temui*

<sup>1</sup> Munsa to ge hɔrɔmɔlingira tide, a naxa ture seniyeɔxi sa a ma, a nun a xunmasee, a xa serexebadee, nun a yirabasee, alako nee xa seniyeɔ Alatala be. <sup>2</sup> Isirayila kuntigie, xabile xunyi naxee bɔnsɔee tenge, e naxa hadiyae ba Alatala be. <sup>3</sup> E naxa fa sareti makotoxi senni nun ninge fu nun firin na hɔrɔmɔlingira sode de ra, e xa findi e xa serexe ra Alatala be. <sup>4</sup> Alatala naxa a masen Munsa be, <sup>5</sup> «Yi hadiyae rasuxu e yi ra hɔrɔmɔlingira wali xa fe ra. E taxu Lewi bɔnsɔe xa mixie ra kankan xa wali bere ra.» <sup>6</sup> Munsa naxa na saretie nun ninge so Lewi xa mixie yi ra. <sup>7</sup> A naxa sareti firin nun ninge naani so Gerison xabile yi ra e xa wali bere ra. <sup>8</sup> A naxa sareti naani nun ninge solomasaxan so Merari xabile yi ra e xa wali bere ra. E nu na Haruna serexedube xa di Itamari xa yaamari nan bun ma. <sup>9</sup> Kɔnɔ a mu sese so Kehati xabile tan yi, barima a nu lanma e xa se seniyeɔxie maxanin e tunki fari alo Alatala e yamarixi ki naxe.

<sup>10</sup> Serexebade neene xa wali singe, ture seniyeɔxi to maso a ma temui naxe, kuntigie naxa fa e xa serexe ra serexebade yire.

<sup>11</sup> Alatala nu bara a masen Munsa be, «Λοχοε yo λοχοε mixi keren xa fa a xa hadiya ra serexebade neene xa fe ra.» <sup>12</sup> Na λοχοε singe, Aminadabo xa di Naxason kelife Yuda bonsoe, <sup>13</sup> a naxa fa yi hadiyae ra: pileti keren naxan yailanxi gbeti kilo fu nun suuli ra, a nun pooti keren naxan yailanxi gbeti kilo keren na alo se maniyama ki naxe horomolingira kui. E firin nafexi sansi xori dinxi ra, ture masunbuxi naxan na, alako a xa findi sansi serexe ra. <sup>14</sup> A man naxa fa pooti keren na naxan yailanxi xema giramu keme giramu fu nun naani ra, naxan nafexi surayi ra, <sup>15</sup> a nun naxee bama serexe gan daaxi ra alo tuura keren, yexee kontonyi keren, nun yexee keren naxan xa simaya bara ne keren li, <sup>16</sup> a nun sikote naxan findima yunubi xafari serexe ra, <sup>17</sup> a nun naxee bama xanunteya serexe ra alo ninge firin, yexee kontonyi suuli, nun yexee suuli naxee xa simaya bara ne keren li. Aminadabo xa di Naxason xa hadiya nan na ki.

<sup>18</sup> Na λοχοε firin nde, Suwara xa di Netaneeli kelife Isakari bonsoe, <sup>19</sup> a naxa fa yi hadiyae ra: pileti keren naxan yailanxi gbeti kilo fu nun suuli ra, a nun pooti keren naxan yailanxi gbeti kilo keren na alo se maniyama ki naxe horomolingira kui. E firin nafexi sansi xori dinxi ra, ture masunbuxi naxan na, alako a xa findi sansi serexe ra. <sup>20</sup> A man naxa fa pooti keren na naxan yailanxi xema giramu keme giramu fu nun naani ra, naxan nafexi surayi ra, <sup>21</sup> a nun naxee bama serexe gan daaxi ra alo tuura keren, yexee kontonyi keren, nun yexee keren naxan xa simaya bara ne keren li, <sup>22</sup> a nun sikote

naxan findima yunubi xafari serexe ra, <sup>23</sup> a nun naxee bama xanunteya serexe ra alo ninge firin, yexee kontonyi suuli, nun yexee suuli naxee xa simaya bara je keren li. Suwara xa di Netaneeli xa hadiya nan na ki.

<sup>24</sup> Na loxoe saxan nde, Xelon xa di Eliyabi kelife Sabulon bonsoe, <sup>25</sup> a naxa fa yi hadiyae ra: pileti keren naxan yailanxi gbeti kilo fu nun suuli ra, a nun pooti keren naxan yailanxi gbeti kilo keren na alo se maniyama ki naxe hromolingira kui. E firin nafexi sansi xori dinxi ra, ture masunbuxi naxan na, alako a xa findi sansi serexe ra. <sup>26</sup> A man naxa fa pooti keren na naxan yailanxi xema giramu keme giramu fu nun naani ra, naxan nafexi surayi ra, <sup>27</sup> a nun naxee bama serexe gan daaxi ra alo tuura keren, yexee kontonyi keren, nun yexee keren naxan xa simaya bara je keren li, <sup>28</sup> a nun sikote naxan findima yunubi xafari serexe ra, <sup>29</sup> a nun naxee bama xanunteya serexe ra alo ninge firin, yexee kontonyi suuli, nun yexee suuli naxee xa simaya bara je keren li. Xelon xa di Eliyabi xa hadiya nan na ki.

<sup>30</sup> Na loxoe naani nde, Sedeyuri xa di Elisuru kelife Ruben bonsoe, <sup>31</sup> a naxa fa yi hadiyae ra: pileti keren naxan yailanxi gbeti kilo fu nun suuli ra, a nun pooti keren naxan yailanxi gbeti kilo keren na alo se maniyama ki naxe hromolingira kui. E firin nafexi sansi xori dinxi ra, ture masunbuxi naxan na, alako a xa findi sansi serexe ra. <sup>32</sup> A man naxa fa pooti keren naxan yailanxi xema giramu keme giramu fu nun naani ra, naxan nafexi surayi ra, <sup>33</sup> a nun



naxee bama serexe gan daaxi ra alo tuura keren, yexee kontonyi keren, nun yexee keren naxan xa simaya bara je keren li, <sup>34</sup> a nun sikote naxan findima yunubi xafari serexe ra, <sup>35</sup> a nun naxee bama xanunteya serexe ra alo ninge firin, yexee kontonyi suuli, nun yexee suuli naxee xa simaya bara je keren li. Sedeyuri xa di Elisuru xa hadiya nan na ki.

<sup>36</sup> Na loxoe suuli nde, Surisadayi xa di Selumiyeli kelife Simeyon bonsoe, <sup>37</sup> a naxa fa yi hadiyae ra: pileti keren naxan yailanxi gbeti kilo fu nun suuli ra, a nun pooti keren naxan yailanxi gbeti kilo keren na alo se maniyama ki naxe horomolingira kui. E firin nafexi sansi xori dinxi ra, ture masunbuxi naxan na, alako a xa findi sansi serexe ra. <sup>38</sup> A man naxa fa pooti keren na naxan yailanxi xema giramu keme giramu fu nun naani ra, naxan nafexi surayi ra, <sup>39</sup> a nun naxee bama serexe gan daaxi ra alo tuura keren, yexee kontonyi keren, nun yexee keren naxan xa simaya bara je keren li, <sup>40</sup> a nun sikote naxan findima yunubi xafari serexe ra, <sup>41</sup> a nun naxee bama xanunteya serexe ra alo ninge firin, yexee kontonyi suuli, nun yexee suuli naxee xa simaya bara je keren li. Surisadayi xa di Selumiyeli xa hadiya nan na ki.

<sup>42</sup> Na loxoe senni nde, Duweli xa di Eliyasafa fatanfe Gadi bonsoe ra, <sup>43</sup> a naxa fa yi hadiyae ra: pileti keren naxan yailanxi gbeti kilo fu nun suuli ra, a nun pooti keren naxan yailanxi gbeti kilo keren na alo se maniyama ki naxe horomolingira kui. E firin nafexi sansi xori dinxi ra, ture masunbuxi naxan na, alako a xa findi

sansi serexe ra. <sup>44</sup> A man naxa fa pooti keren na naxan yailanxi xεema giramu keme giramu fu nun naani ra, naxan nafexi surayi ra, <sup>45</sup> a nun naxee bama serexe gan daaxi ra alo tuura keren, yexee kontonyi keren, nun yexee keren naxan xa simaya bara ne keren li, <sup>46</sup> a nun sikote naxan findima yunubi xafari serexe ra, <sup>47</sup> a nun naxee bama xanunteya serexe ra alo ninge firin, yexee kontonyi suuli, nun yexee suuli naxee xa simaya bara ne keren li. Duweli xa di Eliyasafa xa hadiya nan na ki.

<sup>48</sup> Na loxoe solofere nde, Amixudi xa di Elisama fatanfe Efirami bonsoe ra, <sup>49</sup> a naxa fa yi hadiyae ra: pileti keren naxan yailanxi gbeti kilo fu nun suuli ra, a nun pooti keren naxan yailanxi gbeti kilo keren na alo se maniyama ki naxe hoxomolingira kui. E firin nafexi sansi xori dinxi ra, ture masunbuxi naxan na, alako a xa findi sansi serexe ra. <sup>50</sup> A man naxa fa pooti keren naxan yailanxi xεema giramu keme giramu fu nun naani ra, naxan nafexi surayi ra, <sup>51</sup> a nun naxee bama serexe gan daaxi ra alo tuura keren, yexee kontonyi keren, nun yexee keren naxan xa simaya bara ne keren li, <sup>52</sup> a nun sikote naxan findima yunubi xafari serexe ra, <sup>53</sup> a nun naxee bama xanunteya serexe ra alo ninge firin, yexee kontonyi suuli, nun yexee suuli naxee xa simaya bara ne keren li. Amixudi xa di Elisama xa hadiya nan na ki.

<sup>54</sup> Na loxoe solomasaxan nde, Pedasuru xa di Gamaliyeli fatanfe Manasi bonsoe ra, <sup>55</sup> a naxa fa yi hadiyae ra: pileti keren naxan yailanxi gbeti kilo fu nun suuli ra, a nun pooti keren naxan

yailanxi gbeti kilo keren na alo se maniyama ki naxe hɔrɔmɔlingira kui. E firin nafexi sansi xɔri dinxi ra, ture masunbuxi naxan na, alako a xa findi sansi sɛrɛxɛ ra. <sup>56</sup> A man naxa fa pɔɔti keren na naxan yailanxi xɛɛma giramu kɛmɛ giramu fu nun naani ra, naxan nafexi surayi ra, <sup>57</sup> a nun naxee bama sɛrɛxɛ gan daaxi ra alo tuura keren, yɛxɛɛ kontonyi keren, nun yɛxɛɛ keren naxan xa simaya bara jɛ keren li, <sup>58</sup> a nun sikɔtɛ naxan findima yunubi xafari sɛrɛxɛ ra, <sup>59</sup> a nun naxee bama xanunteya sɛrɛxɛ ra alo ninge firin, yɛxɛɛ kontonyi suuli, nun yɛxɛɛ suuli naxee xa simaya bara jɛ keren li. Pedasuru xa di Gamaliyeli xa hadiya nan na ki.

<sup>60</sup> Na lɔxɔɛ solomanaani nde, Gideyoni xa di Abidan fatanfe Bunyamin bɔnsɔɛ ra, <sup>61</sup> a naxa fa yi hadiyae ra: pileti keren naxan yailanxi gbeti kilo fu nun suuli ra, a nun pɔɔti keren naxan yailanxi gbeti kilo keren na alo se maniyama ki naxe hɔrɔmɔlingira kui. E firin nafexi sansi xɔri dinxi ra, ture masunbuxi naxan na, alako a xa findi sansi sɛrɛxɛ ra. <sup>62</sup> A man naxa fa pɔɔti keren na naxan yailanxi xɛɛma giramu kɛmɛ giramu fu nun naani ra, naxan nafexi surayi ra, <sup>63</sup> a nun naxee bama sɛrɛxɛ gan daaxi ra alo tuura keren, yɛxɛɛ kontonyi keren, nun yɛxɛɛ keren naxan xa simaya bara jɛ keren li, <sup>64</sup> a nun sikɔtɛ naxan findima yunubi xafari sɛrɛxɛ ra, <sup>65</sup> a nun naxee bama xanunteya sɛrɛxɛ ra alo ninge firin, yɛxɛɛ kontonyi suuli, nun yɛxɛɛ suuli naxee xa simaya bara jɛ keren li. Gideyoni xa di Abidan xa hadiya nan na ki.

<sup>66</sup> Na ɔɔɔɔ fu nde, Amisadayi xa di Axiyeseri fatanfe Dana ɔɔɔɔ ra, <sup>67</sup> a naxa fa yi hadiyae ra: pileti keren naxan yailanxi gbeti kilo fu nun suuli ra, a nun pɔɔti keren naxan yailanxi gbeti kilo keren na alo se maniyama ki naxɛ hɔrɔmɔlingira kui. E firin nafexi sansi xɔri dinxi ra, ture masunbuxi naxan na, alako a xa findi sansi sɛrɛɛ ra. <sup>68</sup> A man naxa fa pɔɔti keren na naxan yailanxi xɛɛma giramu kɛɛ giramu fu nun naani ra, naxan nafexi surayi ra, <sup>69</sup> a nun naxee bama sɛrɛɛ gan daaxi ra alo tuura keren, yɛxɛɛ kontonyi keren, nun yɛxɛɛ keren naxan xa simaya bara jɛ keren li, <sup>70</sup> a nun sikɔtɛ naxan findima yunubi xafari sɛrɛɛ ra, <sup>71</sup> a nun naxee bama xanunteya sɛrɛɛ ra alo ninge firin, yɛxɛɛ kontonyi suuli, nun yɛxɛɛ suuli naxee xa simaya bara jɛ keren li. Amisadayi xa di Axiyeseri xa hadiya nan na ki.

<sup>72</sup> Na ɔɔɔɔ fu nun keren nde, Okiran xa di Pagiyeɛli fatanfe Aseri ɔɔɔɔ ra, <sup>73</sup> a naxa fa yi hadiyae ra: pileti keren naxan yailanxi gbeti kilo fu nun suuli ra, a nun pɔɔti keren naxan yailanxi gbeti kilo keren na alo se maniyama ki naxɛ hɔrɔmɔlingira kui. E firin nafexi sansi xɔri dinxi ra, ture masunbuxi naxan na, alako a xa findi sansi sɛrɛɛ ra. <sup>74</sup> A man naxa fa pɔɔti keren na naxan yailanxi xɛɛma giramu kɛɛ giramu fu nun naani ra, naxan nafexi surayi ra, <sup>75</sup> a nun naxee bama sɛrɛɛ gan daaxi ra alo tuura keren, yɛxɛɛ kontonyi keren, nun yɛxɛɛ keren naxan xa simaya bara jɛ keren li, <sup>76</sup> a nun sikɔtɛ naxan findima yunubi xafari sɛrɛɛ ra, <sup>77</sup> a nun naxee bama xanunteya sɛrɛɛ ra alo ninge firin, yɛxɛɛ

kontonyi suuli, nun yexɛɛ suuli naxee xa simaya bara ɲɛ keren li. Aminadabo xa di Naxason xa hadiya nan na ki.

<sup>78</sup> Na loxɔɛ fu nun firin nde, Enan xa di Axira fatanfe Nafatali bɔnsɔɛ ra, <sup>79</sup> a naxa fa yi hadiyae ra: pileti keren naxan yailanxi gbeti kilo fu nun suuli ra, a nun pɔɔti keren naxan yailanxi gbeti kilo keren na alo se maniyama ki naxɛ hɔrɔmɔlingira kui. E firin nafexi sansi xɔri dinxi ra, ture masunbuxi naxan na, alako a xa findi sansi sɛrɛɛ ra. <sup>80</sup> A man naxa fa pɔɔti keren na naxan yailanxi xɛɛma giramu kɛmɛ giramu fu nun naani ra, naxan nafexi surayi ra, <sup>81</sup> a nun naxee bama sɛrɛɛ gan daaxi ra alo tuura keren, yexɛɛ kontonyi keren, nun yexɛɛ keren naxan xa simaya bara ɲɛ keren li, <sup>82</sup> a nun sikɔtɛ naxan findima yunubi xafari sɛrɛɛ ra, <sup>83</sup> a nun naxee bama xanunteya sɛrɛɛ ra alo ninge firin, yexɛɛ kontonyi suuli, nun yexɛɛ suuli naxee xa simaya bara ɲɛ keren li. Enan xa di Axira xa hadiya nan na ki.

<sup>84</sup> Isirayila kuntigie xa hadiya malanxie findixi yi nan na sɛrɛɛbade nɛɛnɛ xa fe ra: pileti gbeti daaxi fu nun firin, pɔɔti gbeti daaxi fu nun firin, nun pɔɔti xɛɛma daaxi fu nun firin. <sup>85</sup> Pileti keren keren lanxi gbeti kilo keren nun a tagi nan ma. Pɔɔti keren keren lanxi gbeti kilo keren nan ma. Se naxee yailanxi gbeti ra, nee lanxi kilo mɔxɔɲɛn nun naani nan ma, alo se maniyama ki naxɛ hɔrɔmɔlingira kui. <sup>86</sup> Pɔɔti xɛɛma daaxi fu nun firin lanxi xɛɛma giramu kɛmɛ giramu fu nun naani nan ma, alo se maniyama ki naxɛ hɔrɔmɔlingira kui. Na pɔɔti fu nun firin lanxi

xεεma kilo keren nun a tagi nan ma. E birin nafexi surayi nan na. <sup>87</sup> SεREXE gan daaxi xuruse xasabi naxa lan tuura fu nun firin ma, a nun yεXEε kontonyi fu nun firin, nun yεXEε fu nun firin naxee xa simaya nu bara jε keren li, a nun e xa sansi xori dinxi sεREXE. Yunubi xafari sεREXE xuruse xasabi naxa lan sikote fu nun firin ma. <sup>88</sup> Xanunteya sεREXE xa xuruse xasabi naxa lan tuura moxonen nun naani ma, yεXEε kontonyi tongo senni, sikote tongo senni, nun yεXEε tongo senni naxee bara jε keren soto. Nee nan findi hadiyae ra sεREXEbade xa wali folo temui, ture seniyenxi to sa a ma.

<sup>89</sup> Munsu to so hōromolingira kui, a nun Alatala xa sumun, a naxa Alatala xui με saate kankira derakote fari, a masenyi tima a be maleke firinyie sawure tagi naxee na na kankira fari.

## 8

### *Lanpuie dōxofe*

<sup>1</sup> Alatala naxa a masen Munsu be, <sup>2</sup> «A fala Haruna be, a xa lanpui solofere dōxo alako e xa yanba e dōxose ya ra.» <sup>3</sup> Haruna a raba na ki ne. A naxa lanpui dōxo alo Alatala a yamari ki naxe Munsu be. <sup>4</sup> Lanpuie dōxose nu rafalaxi xεεma dinxi nan na, kelifa a sanbunyi ma han a xunyi, alo Alatala a masenxi Munsu be ki naxe.

<sup>5</sup> Alatala naxa a masen Munsu be, <sup>6</sup> «Lewi bōnsōe ba Isirayilakae ya ma, i xa e raseniyen. <sup>7</sup> I e raseniyenma yi ki ne. Maraseniyen ye makasan e ma. E xa e fate maxabe birin bi, e xa e xa dugie xa, alako e xa seniyen. <sup>8</sup> Na xanbi, e xa tuura keren ba sεREXE ra, a nun mengi

naxan masunbuxi ture ra. I xa tuura gbete ba yunubi xafari serexe ra. <sup>9</sup> I xa Lewi bonsɔe nun Isirayilaka birin malan hɔrɔmɔlingira sode de ra. <sup>10</sup> Menni, Alatala ya xori, Isirayilakae xa e belexe sa Lewi bonsɔe mixie ma. <sup>11</sup> Haruna nan fama e dentegede Alatala be e xa lu alo serexe Isirayilakae joxɔe ra. Na kui e noma Alatala xa wali rabade.»

<sup>12</sup> «Lewi bonsɔe mixie xa e belexe sa na tuura firinyie ma. Keren bama yunubi xafari serexe nan na, boore ba serexe gan daaxi ra, alako e xa yunubie xa xafari. <sup>13</sup> Lewi bonsɔe na ti Haruna nun a xa die ya i, i xa e dentegɛ a serexe ki ma Alatala be. <sup>14</sup> A lima ne, na temui, i bara Lewi bonsɔe tan ba Isirayilakae ya ma, e xa findi n gbe ra.»

<sup>15</sup> «I na ge e raseniyende a serexe ki ma, Lewi bonsɔe fama ne sode e xa hɔrɔmɔlingira wali kui. <sup>16</sup> Isirayilakae nan e ra naxee findixi n gbe ra Isirayila di singe birin joxɔe ra. <sup>17</sup> Isirayila di singe birin nun e xa xuruse di singe birin findixi n gbe nan na, kafi n sa Misirakae xa di singe birin faxa temui naxe. <sup>18</sup> N naxa Lewi bonsɔe tongo Isirayila di singe birin joxɔe ra. <sup>19</sup> N bara e so Haruna nun a xa die yi ra Isirayilakae tagi, alako e xa hɔrɔmɔlingira wali raba Isirayilakae xili ra. E man xa yunubi xafari serexe ba Isirayilakae be, alako gbaloe yo naxa goro Isirayilakae ma e na makɔe yire seniyenxi ra temui naxe.»

<sup>20</sup> Munsa, Haruna, nun pama birin naxa na raba Lewi bonsɔe ra alo Alatala a yamari ki naxe. <sup>21</sup> Lewi bonsɔe naxa e yete raseniyen, e naxa e xa dugie xa. Haruna naxa e dentegɛ Alatala be.





ƙoƙo munfe ra muxu mu lan muxu xa fa muxu xa hadiya ra Alatala be alɔ Isirayilaka birin?»  
<sup>8</sup> Munsa naxa e yaabi, «Wo mame ti sinden, n xa a mato Alatala naxan yamarima wo xa fe ra.»  
<sup>9</sup> Alatala naxa a masen Munsa be, <sup>10</sup> «Xa wo mu seniyeƙen fure nde xa fe ra, xa na mu a ra wo na biyaasi kui, wo man noƙa Sayamaleke Dangi Sali rabade Alatala xa binye bun ma, keli wo tan ma han a sa wo boƙoƙe li. <sup>11</sup> Ƙoƙo e tan xa a raba kike firin nde xi fu nun naani soge dula temui. E yexee don a nun taami lebinitare nun burexe xone ra. <sup>12</sup> A donxoe yo naxa lu han geesege. A xori fan mu iboma. E xa na sali raba a seriye ki ma. <sup>13</sup> Ƙoƙo xa mixi seniyeƙenxi naxan mu na biyaasi kui, a tondi Sayamaleke Dangi Sali rabade, na kanyi lanma a xa ba Alatala xa nama ya ma, barima a mu fa hadiya ra Alatala be a waxati. Na kanyi fama ne a xa yunubi sare sode.»

<sup>14</sup> «Xa i xa xone nde wama Sayamaleke Dangi Sali rabafe, a xa a raba a seriye ki ma. Seriye naxan saxi taa kanyie ma, na seriye kerenyi nan luma na xone fan ma.»

<sup>15</sup> Hoƙomolingira ti loxoe, saate walaxee na dennaxe, nuxui nde naxa dusu na xun na. Keli nunmare han kuye iba, a nu na hoƙomolingira fari, a maniyaxi te ra. <sup>16</sup> Temui birin a nu na na ki ne, nuxui nu na hoƙomolingira fari yanyi ra, a fa yanba alɔ te koe ra. <sup>17</sup> Nuxui nefee keli hoƙomolingira xun ma, Isirayilakae fan bara keli, e jere folo han a goro, e fa yonkin menni. <sup>18</sup> Na kui Isirayilakae nu jere ma Alatala xa yaamari nan bun ma, e man nu yonkinma Alatala xa

yaamari nan ma. Fanni nuxui na hōrōmōlingira xun ma, e fan yonkinma mēnni nē. <sup>19</sup> Xa nuxui sa bu hōrōmōlingira fari a gbe ra, Isirayilakae nu birama Alatala xa yaamari nan fōxō ra, e lu mēnni. <sup>20</sup> Temui ndee na nuxui mu buma, a keli. Isirayilakae nu luma Alatala xa yaamari nan bun ma, e fan keli, e yonkin nuxui yire. <sup>21</sup> Temui ndee nuxui bara lu yire xi keren, keli kōē ra han kuye iba, a fa siga. A nēfē keli, Isirayilakae fan bara keli, e bira a fōxō ra. <sup>22</sup> Xa nuxui lu hōrōmōlingira xun ma xi firin, xa na mu kike keren, xa na mu jē keren, Isirayilakae mu nu kelima e yonkinde, fo na nuxui na keli hōrōmōlingira xun ma temui naxē. <sup>23</sup> E nu yonkinma Alatala xa yaamari nan bun ma, e nu kelima Alatala xa yaamari nan bun ma. E nu birama Alatala xa yaamari nan fōxō ra, a naxan fixi Munsa saabui ra.

## 10

### *Sara firin gbeti daaxi*

<sup>1</sup> Alatala naxa a masen Munsa bē, <sup>2</sup> «I xa sara firin yailan gbeti bōnbōxi ra. E rawalima jama xilife nan na malanyi. E man nawalima jama kelife nan na biyaasi temui. <sup>3</sup> E firin na fe temui keren, jama birin xa malan i yire hōrōmōlingira dē ra. <sup>4</sup> Xa sara keren nan fe, Isirayila yareratie nun kuntigie gbansan xa malan i yire.»

<sup>5</sup> «Wo kelima biyaaside temui naxē, sarae xa fe keren. Na kui naxee dōxōxi sogetede, e xa siga. <sup>6</sup> Sarae na fe firin, naxee dōxōxi yirefanyi ma, nee fan xa siga. Sara xui nan a masenma jama

sigá temui bara a li. <sup>7</sup> Sara xui kepa gbete nan a masenma pama malan temui bara a li.»

<sup>8</sup> «Haruna bõnsõe serexedubee nan na saræ fema. Seriyẽ nan na ra wo tan nun wo bõnsõee be abadan. <sup>9</sup> Wo na wo yaxuie gere wo xa bõxi ma temui naxẽ, wo xa na saræ fe. Alatala jõxõ sama ne wo xõn, a wo ratanga wo yaxuie ma. <sup>10</sup> Wo xa sali lõxõe xungbee nun wo xa kike neene sali lõxõee, wo man xa na saræ fe wo serexe gan daaxie nun xanunteya serexẽe bama temui naxẽ. Na nan a niyama, n nan n jõxõ sama wo xõn ma. N tan nan na wo Marigi Alatala ra.»

*Isirayilakæ tife kira xõn ma*

<sup>11</sup> Ne firin nde kike firin nde xi mõxõnen lõxõe, nuxui naxan nu dõxõxi hõrõmõlingira xun ma, Ala xa seede nu na dennaxẽ, a naxa jere fõlõ. <sup>12</sup> Na kui Isirayilakæ naxa keli Turusinina gbengberenyi ma, e bira na nuxui fõxõ ra han a sa ti Paran gbengberenyi xun ma. <sup>13</sup> Alatala naxa e yamari Annabi Munsa saabui ra, e xa na biyaasi singe fõlõ.

<sup>14</sup> Yuda bõnsõe naxa ti yare, e xa tõnxuma tixi e ya ra. E xunyi nu na Aminadabo xa di xeme Naxason nan na. <sup>15</sup> Suwara xa di xeme Netaneeli nan nu na Isakari bõnsõe xunyi ra. <sup>16</sup> Xelon xa di xeme Eliyabi nan nu na Sabulon bõnsõe xunyi ra. <sup>17</sup> Hõrõmõlingira to mafagati, Gerison xa di xeme nun Merari xa di xeme naxa a xanin.

<sup>18</sup> Ruben bõnsõe naxa bira e fõxõ ra, e xa tõnxuma tixi e ya ra. Sedeyuri xa di xeme Elisuru nan nu na e xunyi ra. <sup>19</sup> Simeyõn bõnsõe naxa bira e fõxõ ra. Surisadayi xa di xeme nan nu na e xunyi ra. <sup>20</sup> Gadi bõnsõe naxa bira e

foxo ra. Duweli xa di xeme Eliyasafa nan nu na e xunyi ra. <sup>21</sup> Kehati xabile naxa bira e foxo ra hɔrɔmɔlingira se seniyenxie ra. Booree tan lan ne e xa hɔrɔmɔlingira ti beenu Kehati xabile xa so. <sup>22</sup> Efirmi bɔnsɔe naxa bira e foxo ra, e xa tɔnxuma tixi e ya ra. Amixudi xa di xeme Elisama nan nu na e xunyi ra. <sup>23</sup> Manasi bɔnsɔe naxa bira e foxo ra. Pedasuru xa di xeme Gamaliyeli nan nu na e xunyi ra. <sup>24</sup> Gideyoni xa di xeme Abidan nan nu na Bunyamin bɔnsɔe xunyi ra. <sup>25</sup> Dana bɔnsɔee naxa jere e birin xanbi ra, e xa tɔnxuma tixi e ya ra. Amisadayi xa di xeme Axiyeseri nan nu na e xunyi ra. <sup>26</sup> Okiran xa di xeme Pagiyeleli nan nu na Aseri bɔnsɔe xunyi ra. <sup>27</sup> Enan xa di xeme Axira nan nu na Nafatali bɔnsɔe xunyi ra. <sup>28</sup> Isirayilakae nu jere ma na ki ne e gali ki ma.

### *Kelifa Turusinina geya*

<sup>29</sup> Munsa naxa a fala a bitanyi Reyuweli Madiyanka xa di xeme Xobabo be, «Muxu na sigafe Alatala dennaxan laayidixi muxu be. I fan xa fa. Na findima sɔɔneya nan na i be, barima Alatala bara laayidi tongo a fe fanyie rabama ne Isirayila be.» <sup>30</sup> Xobabo naxa a yaabi, «Ade, n xa gbilen n xonyi n ma mixie tagi.» <sup>31</sup> Munsa naxa a maxandi, «Yandi, i naxa keli muxu xun ma. I tan nan yi gbengberenyi birin kolon muxu nɔma yonkinde dennaxe. I findima muxu rapere ma nan na. <sup>32</sup> Xa i muxu matima, muxu i kima ne heeri ra Alatala fama naxan fide muxu ma.»

<sup>33</sup> E naxa keli Alatala xa geya bun ma, e xi saxan jere raba. Alatala xa saate kankira nu tixi e ya ra na xi saxan bun ma yonkinde fenfe

ra. <sup>34</sup> E to nu kelima e yonkinde, Alatala xa nuxui nu tixi e xun ma fεεpenyi kui. <sup>35</sup> E to nu saate kankira rakelima temui naxe, Munsa nu a falama, «Alatala, i xa keli, i xa i yaxuie rayensen. Naxee i xonxi, nee fan xa e gi i ya ra.» <sup>36</sup> E to nu saate kankira ragoroma temui naxe, Munsa nu a falama, «Alatala, i xa i magoro Isirayila pama wuyaxi tagi.»

## 11

### *Isirayilakae mawafe*

<sup>1</sup> Λοxοε nde, pama naxa e mawa e xa tōore xa fe ra Alatala ya i. Alatala naxa xonō na fe ma, a fa te rasin pama tagi, a yire nde gan yonkinde seeti ma. <sup>2</sup> Nama to gbelegbele Munsa ra, a naxa Alatala maxandi. Na kui te naxa xuben. <sup>3</sup> E naxa na yire xili sa Tabera, na nan na ki «Tε mankanε,» barima Alatala nu bara te rasin e tagi.

<sup>4</sup> Mixi kobi ndee to wa donse mooli gbete xon ma, Isirayilakae man naxa e mawa, a falafe ra, «Muxu wama sube nan xon! <sup>5</sup> Muxu muxu ratura na donse fanyi ma muxu naxan soto Misira boxi ma kobiri xanbi, alo yexe, kaakunboosi, basiketi, yebe, nun yebe maniyε. <sup>6</sup> Konō yakosi donse xoli mu na muxu ma, barima <mana> donse nan tun na be.»

<sup>7</sup> Na «mana» nu luxi ne alo funden xori fiixe. <sup>8</sup> Nama nu minima a matongode, e fa a din geme ra, xa na mu, mulunyi kui. E nu leki yailanma a ra. A nu luxi alo ture nu na a ma. <sup>9</sup> Mana nu goroma xini goro temui.

<sup>10</sup> Munsa naxa pama wa xui rame. Mixi birin nu e mawama e xonyi. Alatala naxa xonō ki

fanyi ra. Munsa naxa kontofili. <sup>11</sup> A naxa Alatala maxorin, «N Marigi, munfe ra i bara yi kontofili lu i xa konyi ma? N munse rabaxi naxan a niyama i xa yi jama xa kote doxo n xun ma? N tan nan nu wama a xon? <sup>12</sup> N tan nan e barixi? Munfe ra i bara e sa n belexe, n xa e xanin boxi ma i naxan laayidixi e benbae be, alo dinge a xa di xaninma ki naxe? <sup>13</sup> N sube sotoma minden yi jama birin be? E e mawama e wama sube xon. <sup>14</sup> N keren mu noma yi jama birin xa kote ra, a binya n be. <sup>15</sup> Faxe nan fisa na kote be. Xa n ma fe rafan i ma, i naxa n xun nakana.»

<sup>16</sup> Alatala naxa a masen Munsa be, «Isirayila fori tongo solofere malan n be, i naxee kolon taa yareratie nun kuntigie ra. E xa e malan hromolingira de ra i seeti ma. <sup>17</sup> N fama gorode i yire, won xa woyen. N Xaxili Seniyenxi naxan fixi i ma, n na nde bama i ma, n xa na sa e fan ma, alako i keren naxa yi jama xa kote xanin sonon. Wo nun na kuntigie nan a xaninma fa.»

<sup>18</sup> «A fala jama be, <Wo xa wo yete raseniyen, barima tina wo sube donma ne. Alatala bara wo wa xui me, a falafe ra, «Muxu wama sube nan xon ma. Lufe Misira nan fisa.» Alatala fama sube fide wo ma wo naxan donma. <sup>19</sup> Konjo wo mu a donma xe xi keren, xa na mu xi firin, xa na mu xi suuli, xa na mu xi fu, xa na mu xi moxoren. <sup>20</sup> Wo a donma ne han kike keren, han a mini wo joxe kui, han a rapaaxu wo ma, barima wo bara Alatala rabepin, naxan na wo ya ma. Wo bara wo mawa a falafe ra, «Munfe ra muxu minixi Misira?»»»

<sup>21</sup> Munsa naxa a masen Alatala be, «I a falama i sube fima yi jama ma kike keren bun ma? N

na xeme wulu keme senni nan ya ma. <sup>22</sup> Xuruse goore mu noma e ralide sube ra. Hali yexe naxee na baa ma, e mu noma e ralide.» <sup>23</sup> Alatala naxa a yaabi, «N senbe xurun na rabade? I fama a kolonde xa n ma woyenyi findixi nondi nan na.»

<sup>24</sup> Munsa naxa siga Alatala xa masenyi dentegede jama be. A naxa jama forie mixi tongo solofere malan Ala xa hɔrɔmɔlingira rabilinyi. <sup>25</sup> Alatala naxa goro nuxui kui, a masenyi ti Munsa be. A naxa a yete Xaxili Seniyenxi nde tongo naxan nu na Munsa ma, a a sa na fori mixi tongo solofere ma. Na Xaxili Seniyenxi to goro e ma, e naxa so masenyi tife Ala xili ra, kɔnɔ e mu a ikuya.

<sup>26</sup> Kɔnɔ xeme firin nu na na fori tongo solofere ya ma naxee mu siga malanyi. E mu siga hɔrɔmɔlingira yire, e naxa lu yonkinde kui. Kɔnɔ Ala Xaxili Seniyenxi naxa goro e fan ma, e fa masenyi ti Ala xili ra jama tagi. <sup>27</sup> Fonike nde naxa a gi, a sa a fala Munsa be, «Eledade nun Medadi na masenyi tife Ala xili ra jama tagi.»

<sup>28</sup> Nunu xa di xeme Yosuwe, naxan nu Munsa malima kafi a fonike temui, a naxa a fala Munsa be, «N marigi, i xa na fe dan.» <sup>29</sup> Munsa naxa a yaabi, «I toone tife n tan nan ma fe ra? A xoli n ma Alatala xa jama birin findi namijonmee ra naxee bara Ala Xaxili Seniyenxi soto!» <sup>30</sup> Na temui, Munsa nun Isirayila kuntigie naxa gbilen jama ya ma.

<sup>31</sup> Alatala naxa foye xungbe ramini kelife baa ma, naxan xoni gbegbe radin jama yonkinde rabilinyi, han kelife yonkinde tagi, a sa doxo feɛɛɛn keren jere ra. <sup>32</sup> Nama naxa feɛɛɛn na

xonie matongo ra, han na kuye iba. E man naxa fεεpεn xonie matongo ra, han kankan naxa paani ya fu soto, litiri keme saxan tongo suuli sama paani naxan kui. E naxa e rafen e xa yonkinde rabilinyi. <sup>33</sup> Kono beenu Isirayilakae xa ge na sube donde, Alatala naxa xono e ma, a e naxankata a xoxoxe ra. <sup>34</sup> E naxa na yire xili sa Kibiroti Hataawa, na nan na ki «milante gaburi,» barima milante gali nan nagata menni. <sup>35</sup> Nama naxa keli Kibiroti Hataawa, e sa yonkin Xaseroti.

## 12

### *Mariyama nun Haruna Munsa xili kanafe*

<sup>1</sup> Munsa to nu bara Kusi gine doko, Mariyama nun Haruna naxa Munsa mafala, <sup>2</sup> a falafe ra, «Alatala woyenma Munsa nan gbansan saabui ra? A mu woyenma muxu fan saabui ra?» Alatala naxa na masenyi me. <sup>3</sup> Munsa nu findixi yete magoroe nan na dangife mixi birin na.

<sup>4</sup> Alatala naxa Munsa, Haruna, nun Mariyama xili keren na, a e birin xa siga horomolingira. E to siga naa, <sup>5</sup> Alatala naxa goro nuxui kui horomolingira de ra. A naxa Haruna nun Mariyama xili. E firin naxa e maso a ra. <sup>6</sup> Alatala naxa a masen e be, «Wo tuli mati n ma masenyi ra. N namiponme xema wo ya ma temui naxe, n nan n yete masenma na kanyi be laamatunyi nan kui. N woyen a ra xiye ra. <sup>7</sup> Kono n ma konyi Munsa tan gbe mu na na ki xe. A tan findixi n dugutege nan na n ma wali birin kui. <sup>8</sup> N na n ma masenyi makenenma a be, n mu taali woyenyi



rawalima muxu tagi. N nan n yete masenma a be, a fa n niini igbefe. Munfe ra wo mu gaaxu n ma konyi Munsa mafalafe ra?»

<sup>9</sup> Alatala naxa xɔɔ e ma, a fa keli e xun ma. <sup>10</sup> Nuxui to keli hɔrɔmɔlingira xun ma,

Mariyama fate naxa rafixe kune ra keren na. Haruna to a to, kune na Mariyama fate birin ma, <sup>11</sup> a naxa Munsa mayandi, «Yandi, n marigi, i naxa muxu ratɔn muxu xa yunubi xa fe ra, muxu naxan nabaxi muxu xa xaxilitareɲa kui.

<sup>12</sup> Mariyama naxa lu alo di naxan faxaxi a nga furi, naxan fate seeti bɔrɔxi beenu a bari temui.»

<sup>13</sup> Munsa naxa a xui rate Alatala ma, «N Marigi, n bara i maxandi, a rayalan!» <sup>14</sup> Alatala naxa a yaabi, «Xa a baba deye bɔxun a yatagi, a mu yaagima xe han loxun keren? I xa a ramini jama ya ma. A na ge loxun keren nabade jama yonkinde fari ma, wo nɔma a rasode wo ya ma.»

<sup>15</sup> Na kui, e naxa a ramini jama ya ma, a xi solofere raba yonkinde fari ma. Nama mu keli e yonkinde han Mariyama naxa ragbilen e ya ma.

<sup>16</sup> Na to ba a ra, jama naxa keli Xaseroti, e naxa sa yonkin Paran gbengberenyi ma.

## 13

### *Kanaan bɔxi rabenfe*

<sup>1</sup> Alatala naxa a masen Munsa be, <sup>2</sup> «I xa yarerati keren keren sugandi bɔnsɔe birin ya ma, i xa e xee Kanaan bɔxi ma, e xa sa na bɔxi raben, n naxan fima Isirayilakae ma.» <sup>3</sup> Munsa naxa na mixie xee kelifa Paran gbengberenyi ma, alo

Alatala a yamarixi ki naxe. Na mixi birin findi Isirayila kuntigie nan na. <sup>4</sup> E xilie nan yi ki: Kelife Ruben bɔnsɔɛ ma, Sakuru xa di xeme Samuwa.

<sup>5</sup> Kelife Simeyɔn bɔnsɔɛ ma, Xori xa di xeme Safati.

<sup>6</sup> Kelife Yuda bɔnsɔɛ ma, Yefune xa di xeme Kalebi.

<sup>7</sup> Kelife Isakari bɔnsɔɛ ma, Yusufu xa di xeme Yigali.

<sup>8</sup> Kelife Eframi bɔnsɔɛ ma, Nunu xa di xeme Hoseya.

<sup>9</sup> Kelife Bunyamin bɔnsɔɛ ma, Rafu xa di xeme Paliti.

<sup>10</sup> Kelife Sabulon bɔnsɔɛ ma, Sodi xa di xeme Gadiyeli.

<sup>11</sup> Kelife Yusufu xa di, Manasi bɔnsɔɛ ma, Susi xa di xeme Gadi.

<sup>12</sup> Kelife Dana bɔnsɔɛ ma, Gemali xa di xeme Amiyeli.

<sup>13</sup> Kelife Aseri bɔnsɔɛ ma, Mikayeli xa di xeme Seturu.

<sup>14</sup> Kelife Nafatali bɔnsɔɛ ma, Fofisi xa di xeme Naxabi.

<sup>15</sup> Kelife Gadi bɔnsɔɛ ma, Maki xa di xeme Geyuweli.

<sup>16</sup> Xeme xilie nan na ki Munsa naxee xee Kanaan bɔxi rabende. Munsa naxa Nunu xa di xeme Hoseya xili sa Yosuwe.

<sup>17</sup> Munsa to e xee Kanaan bɔxi rabende, a naxa a fala e be, «Wo xa mini Negewi gbengberenyi biri, han wo geyae yire li. <sup>18</sup> Wo xa na bɔxi raben, wo xa a kolon xa mennikae senbe gbo, xa e senbe mu gbo, xa e wuya, xa e mu wuya. <sup>19</sup> Wo xa a mato xa na bɔxi fan. Wo xa a kolon xa tete na

na taae rabilinyi ma. <sup>20</sup> Wo xa a mato xa na boxi fan sansi be, xa wurie gbo naa. Wo kata wo xa fa na sansi bogi ndee ra.» Weni bilie bogi singe temui nan nu a ra.

<sup>21</sup> E naxa sa na boxi raben, kelifi Sini gbengberenyi ma, han Rexobo, Xamata mabiri. <sup>22</sup> E naxa dangi Negewi gbengberenyi ra, e sa Xebiron li, Anaki xa die Aximan, Sessayi, nun Talamayi nu sabatixi dennaxe. Xebiron taa nu tixi ne solofere beenu Sowan taa xa ti Misira. <sup>23</sup> E to Esekoli gulunba li, e naxa weni bili salonyi nde rasege, a tonsœ nu na naxan ma. Mixi firin naxa na xanin wuri kuye ra. E naxa xore bogi nde fan tongo, a nun bogise nde naxan xili girenadi, naxan maniyi koobe ra. <sup>24</sup> E naxa na yire xili sa Esekoli, na nan na ki «Tonsœ yire,» na weni bogi tonsœ xa fe ra, e naxan baxi.

<sup>25</sup> E to xi tongo naani raba naa na boxi rabende, e naxa gbilen <sup>26</sup> Munsa, Haruna, nun Isirayila jama yire. E nu na Kadesi, Paran gbengberenyi ma. Menni e naxa dentege sa, e na boxi sansi bogie masen e be. <sup>27</sup> E naxa a fala Munsa be, «Muxu so ne boxi ma, i muxu xee dennaxe. Boksi nan a ra, kumi nun xipe xelema dennaxe. Na bogise ndee nan ya. <sup>28</sup> Kono jama naxan sabatixi na boxi ma, e senbe gbo. Tete doxoxi taa birin na. Taa xungbe nan e ra. Muxu Anaki bonsœ yati toxi ne naa. <sup>29</sup> Amalekikae sabatixi Negewi gbengberenyi nan ma. Xitikae, Yebusukae, nun Amorigae, nee nan sabatixi geya yire. Kanaankae tan sabatixi baa de nan na, a nun Yuruden xure de ra.»

<sup>30</sup> Kalebi naxa jama masabari Munsa ya xori,

a falafe ra, «Won xεε! Won xa yi bɔxi findi won gbe ra. Won nɔma na rabade.» <sup>31</sup> Kɔnɔ boore naxee siga bɔxi rabende, nee naxa a fala, «Won mu nɔma sigade na pama gere. E senbe gbo won be!» <sup>32</sup> Na kui e naxa fe jaaxi fala na bɔxi xa fe ra Isirayila pama be. E naxa a fala, «Muxu bɔxi naxan nabɛnxi, bɔxi nan a ra naxan mixi faxama. Mixi gbangbalanyie sabatixi naa. <sup>33</sup> Muxu anabiyoroee to ne naxan fatanxi Anaki bɔnsɔe ra. Muxu nu luxi ne alo katoo e mabiri. E tan yo, muxu tan yo, e birin a toxi na ki ne.»

## 14

### *Isirayilakae Ala matandife*

<sup>1</sup> Nama naxa wa xui ramini kɔe ra. <sup>2</sup> Isirayilaka birin nu fa wɔyeɛ na Munsa nun Haruna ma, e nu a fala, «A nu fisa muxu xa faxa Misira, xa na mu a ra yi gbengberen yire. <sup>3</sup> Munfe ra Alatala muxu rasofe yi bɔxi ma, muxu xa faxa santidegema ra, muxu xa die nun muxu xa ginɛe xa suxu gere kui. A mu fisa muxu xa gbilen Misira?» <sup>4</sup> E naxa a fala e booree be, «Won mangle keren ti won xun na, won xa gbilen Misira.»

<sup>5</sup> Munsa nun Haruna naxa e yatagi rafelen bɔxi ma Isirayilaka birin ya xɔri. <sup>6</sup> Nunu xa di xeme Yosuwe nun Yefune xa di xeme Kalebi naxa e xa donma ibɔɔ sunnunyi kui. Na mixi firin nu na na xεerae ya ma, naxee siga Kanaan bɔxi rabende. <sup>7</sup> E naxa fa yi masenyi ti pama be, «Muxu bɔxi naxan matoxi, bɔxi fanyi fanyi nan a ra. <sup>8</sup> Xiɛe nun kumi yire nan a ra. Xa Alatala na won be, a won nasoma ne naa, a na bɔxi fi won ma. <sup>9</sup> Yandi, wo naxa Alatala matandi. Wo naxa gaaxu na

bɔxi mixie ya ra. Won nɔma nɛ e ra. E sanke yo mu na sɔnɔn, barima Alatala na won tan nan bɛ. Wo naxa gaaxu e ya ra.»

<sup>10</sup> Nama nu wama e magɔnɔfe, kɔnɔ Alatala xa nɔrɛ naxa mini hɔrɔmɔlingira Isirayilaka birin ya xɔri. <sup>11</sup> Alatala naxa a masen Munsa bɛ, «Yi pama bama n maberefe mun tɛmui? Munfe ra e siikema hali n kaabanakoe rabama e tagi? <sup>12</sup> N xa wuganyi radin e ma, n nee faxa. Na tɛmui n bɔnsɔɛ xungbe senbema nde rakelima nɛ i saabui ra, naxan dangi e tan na.»

<sup>13</sup> Munsa naxa Alatala yaabi, «Misirakae bara a kolon, a i yi pama ramini e xa bɔxi ra i senbɛ nan na. <sup>14</sup> E bara bekae rakolon. Nee bara a mɛ, a i tan Alatala na i xa pama fɔxɔ ra, a i i yetɛ masenma e ma, a i nuxui sama e xun ma, a i jɛrema e ya ra nuxui kui yanyi ra, nun tɛ kui kɔɛ ra. <sup>15</sup> Xa i fa yi pama birin faxa kerenyi ra, bɔnsɔɛ naxee i xa fe mɛxi, e a falama nɛ, <sup>16</sup> «Alatala senbɛ yo mu nu nɔma yi pama rasode bɔxi ma, a naxan laayidixi e bɛ. Na nan a ra, a e birin sɔntɔ gbengberenyi ma.»»

<sup>17</sup> «I xa i senbɛ masen e bɛ, alɔ i tan yati a yitaxi ki naxɛ, a falafe ra, <sup>18</sup> «N mu xɔnɔma mafuren mafuren. N ma dijɛ nun fanyi gbo. N mixie xa yunubie nun fe jaaxie xafarima. Kɔnɔ n mixi kobi nun mixi fanyi tagi rasama. N benbae xa yunubi sare dɔxɔma e xa die xun ma han bɔnsɔɛ saxan, xa na mu naani.» <sup>19</sup> Yandi, n bara i maxandi, dijɛ i xa pama xa yunubi ma i xa hinne xa fe ra, alɔ i a rabaxi kabi e mini Misira tɛmui naxɛ.»

<sup>20</sup> Alatala naxa a yaabi, «N bara dijɛ i xa maxandi xa fe ra. <sup>21</sup> Kɔnɔ, n bara n kali, nɔndi nan a ra alɔ n to na na, alɔ n ma nɔrɛ naxan bɔxi rafema, <sup>22</sup> xɛmɛ naxan birin n ma nɔrɛ nun n ma kaabanakoe toxi, n naxee raba Misira nun gbengberenyi ma, kɔnɔ e fa muruta n ma han sanya fu tuli xɔrɔxɔɛ ra, <sup>23</sup> nee sese mu bɔxi toma, n naxan laayidixi e benbae bɛ. Naxan birin murutaxi n ma, e sese mu na toma. <sup>24</sup> Kɔnɔ n ma konyi di Kalebi to bira xaxili gbɛtɛ fɔxɔ ra, a fa n nabatu, n a tan nasoma nɛ na bɔxi ma, a naxan nabɛnxi. A bɔnsɔɛ kɛ sɔtoma nɛ naa. <sup>25</sup> Amalekikae nun Kanaankae to sabati gulunba kui, tina wo xa wo mafindi, wo xa gbilen gbengberenyi ma Xulunyumi Baa mabiri.»

<sup>26</sup> Alatala naxa a masen Munsa nun Haruna bɛ, <sup>27</sup> «Yi jama kobi n matandima han mun tɛmɛi? N bara Isirayilakae xui mɛ, e naxan falama n bɛ, e ti n kanke. <sup>28</sup> A fala e bɛ, «N bara n kali, nɔndi nan a ra, alɔ n to na na, n a rabama nɛ wo bɛ alɔ n a mɛxi wo dɛ i ki naxɛ. <sup>29</sup> Wo tan matandilae, naxan birin kɔntixi Isirayila jama ya ma, naxee xa simaya bara dangi jɛ mɔxɔjɛn na, wo faxama nɛ yi gbengberenyi ma. <sup>30</sup> Wo mu soma bɔxi ma n naxan laayidi wo bɛ, fo Yefune xa di xɛmɛ Kalebi nun Nunu xa di xɛmɛ Yosuwe. <sup>31</sup> Wo xa die, wo naxee ma a e birin faxama gere nan kui, n nee tan nasoma nɛ na bɔxi kui, wo mɛɛxi naxan na. <sup>32</sup> Wo faxama gbengberenyi nan ma, wo furee luma na nɛ. <sup>33</sup> Wo xa die findima jɛrɛtie nan na jɛ tongo naani bun ma yi gbengberenyi ma. E wo xa yunubi sare xaninma han wo birin faxa gbengberenyi ma. <sup>34</sup> Wo xi xasabi naxan naba na bɔxi rabɛnde, wo na jɛ

xasabi rabama gbengberenyi ma wo xa yunubi xa fe ra. Wo to xi tongo naani raba na bɔxi rabende, wo fama ne je tongo naani rabade gbengberenyi ma, alako wo xa a kolon n na yunubi xonxi ki naxe. <sup>35</sup> N tan Alatala, n bara ge woyende. N bara na nate tongo yi jama kobi xa fe ra, naxan ti n kanke. E birin faxama ne gbengberenyi ma.»»

<sup>36</sup> Munsa xa xerae to gbilen kelife na bɔxi rabende, e naxa fe xoxoxe fala na bɔxi xa fe ra han Isirayila jama naxa ti Munsa kanke. <sup>37</sup> Na kui, Alatala naxa e faxa keren na. <sup>38</sup> Na xerae ya ma, Yefune xa di xeme Kalebi nun Nunu xa di xeme Yosuwe nan gbansan mu faxa.

<sup>39</sup> Munsa to na masenyi ti Isirayila jama be, e naxa sunnun ki fanyi. <sup>40</sup> E naxa keli subaxe ma, e xa te geya longori. E naxe, «Muxu xa te yire, Alatala dennaxe masenxi muxu be. Muxu bara yunubi raba.» <sup>41</sup> Munsa naxa e maxarin, «Wo Alatala xa yaamari nan matandife? Wo mu geenima na kui. <sup>42</sup> Wo naxa te de, barima Alatala mu na wo ya ma sonon. Wo naxa a niya wo yaxuie xa no wo ra. <sup>43</sup> Amalekikae nun Kanaankae na wo ya ra, e wo sontoma ne e xa santidegema ra. Wo to bara wo kobe so Alatala ra, a mu na wo foxo ra.»

<sup>44</sup> Konon Isirayila jama mu e tuli mati Munsa ra. E naxa te geya yire, konon Alatala xa saate kankira nun Munsa mu keli jama xa yonkinde. <sup>45</sup> Amalekikae nun Kanaankae naxee nu sabatixi na geya yire, e naxa goro Isirayilakae xili ma, e fa e bonbo, e e masexe han Horoma.

# 15

## *Hadiya naxan sama serexɛɛ fari*

<sup>1</sup> Alatala naxa a masen Munsa bɛ, <sup>2</sup> «A fala Isirayilakae bɛ, <Wo na so bɔxi ma, n dennaxan fixi wo ma sabatide ra, <sup>3</sup> xa wo wama xuruse bafe serexɛɛ ra naxan nafan Alatala ma, alɔ serexɛɛ gan daaxi, laayidi serexɛɛ, serexɛɛ janigexi, xa na mu a ra sali serexɛɛ, <sup>4</sup> wo xa sansi xɔri dinxi serexɛɛ sa na fari, naxan findima sansi xɔri dinxi luxutaxi kilo saxan masunbuxi ture litiri keren nun a tagi ra, <sup>5</sup> a nun weni litiri keren nun a tagi. Na sama serexɛɛ gan daaxi nun serexɛɛ janigexi nan xun ma naxan findima yɛxɛɛ ra. <sup>6</sup> Xa a sa findi yɛxɛɛ kontonyi nan na, wo xa sansi xɔri dinxi serexɛɛ sa na fari, naxan findima sansi xɔri dinxi luxutaxi kilo senni masunbuxi ture litiri firin na, <sup>7</sup> a nun weni litiri firin. Na ganxi rafan Alatala ma.»

<sup>8</sup> «Xa wo wama ninge bafe serexɛɛ ra naxan nafan Alatala ma, alɔ serexɛɛ gan daaxi, laayidi serexɛɛ, xanunteya serexɛɛ, <sup>9</sup> wo xa sansi xɔri dinxi serexɛɛ sa na fari, naxan findima sansi xɔri dinxi luxutaxi kilo solomanaani naxan masunbuxi ture litiri saxan na, <sup>10</sup> a nun weni litiri saxan. Na ganxi rafan Alatala ma.»

<sup>11</sup> «Na nan nabama ningeɛ, yɛxɛɛ kontonyie, yɛxɛɛɛ, nun sie birin bɛ wo naxan bama serexɛɛ ra. <sup>12</sup> Wo xa na raba xuruse birin bɛ. <sup>13</sup> Isirayilaka birin xa a raba na ki nɛ e xa serexɛɛ birin bɛ, e naxan bama tɛ ra Alatala bɛ. <sup>14</sup> Xɔɔɛ naxee na wo ya ma, e fan xa a raba na ki e serexɛɛ gan daaxi bama tɛmɔi naxɛ. Na rafan Alatala ma. <sup>15</sup> Seriyɛ keren nan luma jama birin bɛ, Isirayilakae ba, xɔɔɛ ba. Keli wo tan ma, han



wo xa die, nun nee fan xa die naxee fama, wo tan yo, xɔŋɛ yo, wo birin xa Alatala xa seriye suxu na ki ne. <sup>16</sup> Isirayilakae ba, xɔŋɛ ba, wo birin na seriye keren nun yaamari keren nan bun ma.»

<sup>17</sup> Alatala naxa a masen Munsa be, <sup>18</sup> «A fala Isirayilakae be, <Wo na so bɔxi ma, n wo rasofe dennaxe, <sup>19</sup> wo fa na bɔxi daxamui soto, wo xa nde ba serexe ra n be. <sup>20</sup> Wo na taami singe yailan sansi xɔri neene ra, wo xa nde ba serexe ra n be, alɔ wo sansi xɔri neene nde bama ki naxe xe xaba temui lonyi yire. <sup>21</sup> Wo xa na taami singe ba Alatala be ɲe yo ɲe.»

### *Yunubi janigetare*

<sup>22</sup> «Xa a sa li wo tantanxi ne Alatala xa yaamarie suxufe kui, a naxee masenxi Munsa be, <sup>23</sup> kelife na masen temui, han wo xa die xa mamadie xa temui, <sup>24</sup> xa wo mu na raba wo janige ra, wo a raba kolontareya kui, jama xa tuura ba serexe gan daaxi ra, naxan nafan Alatala ma. Wo xa sansi xɔri dinxi serexe nun weni serexe sa na fari a raba ki ma, a nun sikote naxan findima yunubi xafari serexe ra. <sup>25</sup> Serexedube yunubi xafari maxandima ne Isirayilaka birin be. Alatala dipema ne e ma. Yunubi nan a ra, e mu naxan janigexi. E man bara serexe gan daaxi ba Alatala be, a nun e xa yunubi xafari serexe. <sup>26</sup> Na yunubi xafarima ne Isirayilaka birin nun e xa xɔŋɛ be, barima tantanyi na nu a ra.»

<sup>27</sup> «Xa mixi keren nan yunubi raba janigetareɲa kui, a xa si gine keren ba yunubi xafari serexe ra, naxan bara ɲe keren soto.

<sup>28</sup> Serexedube yunubi xafari maxandima ne na

mixi be naxan yunubi raba janigetareɓa kui Alatala ya xori. Na na jon, a xa yunubi bara xafari. <sup>29</sup> Na seriye kerenyi na Isirayilakae nun e xa xone be, yunubi rabafe janigetareɓa xa fe ra. <sup>30</sup> Konɔ xa mixi nde sa Alatala matandi a janige ra, a findi Isirayilaka ra, a findi xone ra, na kanyi kerima ne jama tagi. <sup>31</sup> A bara Alatala xa masenyi mabere, a bara Alatala xa seriye matandi. Na kanyi kerima ne jama tagi, barima na yunubi kote doxoxi a xun ma.»

### *Malabui loxoe kanafe*

<sup>32</sup> Isirayilakae to nu na gbengberenyi ma, e naxa mixi nde li malabui loxoe a yege fenfe. <sup>33</sup> E naxa a xanin Munsu nun Haruna xon jama ya xori. <sup>34</sup> E naxa a suxu, konɔ e mu a jaxankata, barima nate mu nu tongoxi a xa fe ra sinden. <sup>35</sup> Alatala naxa a masen Munsu be, «Yi xeme lan ne a xa faxa. Nama birin xa a magonɔ han a faxa yonkinde fari ma.» <sup>36</sup> Nama birin naxa a ramini e yonkinde fari ma, e a magonɔ han a faxa, alo Alatala a yamari Munsu be ki naxe.

### *Sosee xa seriye*

<sup>37</sup> Alatala naxa a masen Munsu be, <sup>38</sup> «A fala Isirayilakae be, e tan nun e xa die xa mamadie e xa e xa sosee sanbunyi rafutufutu, e gese gere daaxi xiri a de i. <sup>39</sup> Na sanbunyi rafutufutuxi findima tonxuma nan na wo be, alako wo xa ratu Alatala xa yaamarie ma, wo man xa e rabatu. Wo naxa bira wo yete waxonfee foxo ra, naxee wo ratantanma. <sup>40</sup> Na nan a niyama, wo ratuma n ma yaamarie ma, wo man e rabatu. Na kui, wo bara findi n ma mixie ra. <sup>41</sup> N tan nan Alatala

ra, wo Marigi Ala, naxan wo ramini Misira bɔxi ra, alako n xa findi wo Marigi Ala ra. N tan nan Alatala ra, wo Marigi Ala.»

## 16

### *Kora Munsa matandife*

<sup>1</sup> Lewi bɔnsɔɛ mixi nde, naxan xili Kora, Yisehari xa di xɛmɛ, Kehati xa mamadi, a nun Datan nun Abirami, Eliyabi xa di xɛmɛ, a nun Peleta xa di xɛmɛ Oni, naxan fatanxi Ruben bɔnsɔɛ ra, <sup>2</sup> nee naxa ti Munsa kanke. Isirayilaka mixi kɛmɛ firin mixi tongo suuli nu na e xanbi ra. Kuntigi belebelee nu na e ya ma. <sup>3</sup> E naxa e malan Munsa nun Haruna xili ma, e fa a fala e bɛ, «Wo xa mangɛya bara ɲɔn! Isirayila ɲama birin seniyɛn, Alatala man na muxu tagi. Munfe ra wo tan gbansan wo yetɛ itema Alatala xa ɲama xun ma?»

<sup>4</sup> Munsa to na mɛ, a naxa a yatagi rafelen bɔxi ma. <sup>5</sup> A naxa a fala Kora nun a xa mixie bɛ, «Tina gɛɛsɛgɛ, Alatala fama a masende won bɛ, a xa mixi seniyɛnxi na naxan na. A tinma na kanyi xa makɔrɛ a ra, a naxan sugandima. <sup>6</sup> Kora, i nun i xa mixie, wo xa surayi gansee tongo. <sup>7</sup> Tina wo tɛ sa e kui, wo surayi gan Alatala bɛ. Alatala na naxan sugandi, na nan seniyɛn. Lewi bɔnsɔɛ, yakɔsi wo bara a radangi a i.»

<sup>8</sup> Munsa man naxa a fala Kora bɛ, «Lewi bɔnsɔɛ xa die, wo wo tuli mati. <sup>9</sup> Isirayila Marigi Ala wo sugandixi nɛ Isirayila ɲama ya ma a xa hɔrɔmɔlingira wali xa fe ra. Wo tan nan tima ɲama ya ra e sali tɛmɛ. Na mu wo wasa? <sup>10</sup> A tinma wo tan Lewi bɔnsɔɛ xa makɔrɛ a ra, kɔnɔ

wo wama sereɣedube wali fan nan nabafe. <sup>11</sup> Na kui i tan nun i xa mixie, wo bara lan wo boore ma wo xa Alatala matandi. Munfe ra wo na tife Haruna kanke?»

<sup>12</sup> Munsa naxa mixi xee Eliyabi xa di xeme Datani nun Abirami xilide, kono e naxa tondi, e fa a fala, «Muxu tan mu sigama. <sup>13</sup> Munfe ra i bara muxu ramini boxi ma, kumi nun xipe xelema dennaxe, alako muxu xa faya yi gbengberenyi ma? I man wama i yete findife muxu xa mange ra? <sup>14</sup> I mu muxu rasoxi boxi kui kumi nun xipe xelema dennaxe. I mu xee nun weni bilie xa fixi muxu ma ke ra. I joxo a ma, a i nun donxuie nan a ra? Muxu mu sigama!» <sup>15</sup> Munsa naxa xono ki fanyi ra, a a fala Alatala be, «I naxa e xa serexe suxu. N mu sese tongoxi e yi ra, hali sofale keren. N mu fe jaaxi yo rabaxi e ra.»

<sup>16</sup> Munsa naxa a fala Kora be, «I tan nun i xa mixie, tina wo nun Haruna xa ti be Alatala ya i. <sup>17</sup> Wo birin xa wo xa surayi gansee tongo, wo xa surayi sa a ma, wo wo yete masen Alatala be. Na lanma surayi ganse keme firin tongo suuli nan ma. I tan nun Haruna, wo fan xa wo xa surayi ganse suxu wo yi ra.» <sup>18</sup> E birin naxa te sa e xa surayi gansee kui, e naxa surayi sa a ma, e fa ti hromolingira de ra. Munsa nun Haruna fan nu na naa. <sup>19</sup> Kora to pama birin malan Munsa nun Haruna xili ma hromolingira de ra, Alatala xa nore naxa mini pama birin ma.

<sup>20</sup> Alatala naxa a masen Munsa nun Haruna be, <sup>21</sup> «Wo mini yi mixie ya ma. N xa e sonto keren na!» <sup>22</sup> Munsa nun Haruna naxa e yatagi rafelen boxi ma, e fa a fala, «Alatala, Daali birin Mange,

a lanma i xa xɔnɔ pama birin ma, mixi keren xa yunubi xa fe ra?» <sup>23</sup> Alatala naxa Munsa yaabi, <sup>24</sup> «A fala pama birin be, e xa e makuya Kora, Datan, nun Abirami xɔnyi ra.»

<sup>25</sup> Munsa nun Isirayila kuntigie naxa siga Abirami nun Datan yire. <sup>26</sup> A naxa a fala pama be, «Wo wo makuya yi yunubitɔɛe xa lingirae ra. Wo naxa din e xa see ra, alako wo naxa fa faxa e xa yunubie xa fe ra.» <sup>27</sup> Nama naxa a masiga Kora, Datan, nun Abirami xa lingirae ra. Datan nun Abirami naxa mini e xɔnyi, e ti naade ra, e nun e xa ginɛe, nun e xa die.

<sup>28</sup> Munsa naxa a fala, «Wo a kolonma a Alatala nan n tixi yi wali birin na, n tan mu a ra. <sup>29</sup> Xa yi mixie mu faxa kaabanakoe ra, Alatala mu n xɛɛxi. <sup>30</sup> Kɔnɔ xa Alatala sa kaabanako raba, a bɔxi rabi, e goro e jɔɔɛ ra a kui, e tan nun e ke birin, na nan a masenma wo be, a e bara Alatala mabere.»

<sup>31</sup> Munsa to ge na falade, bɔxi naxa rabi e sanyi bun ma, <sup>32</sup> a e gerun, Kora nun a xa mixie, e xa lingirae, a nun e xa harige birin. <sup>33</sup> E naxa goro aligiyama e jɔɔɛ ra, e tan nun e sɔtɔse birin. Bɔxi naxa e makoto, e naxa lɔɛ pama tagi. <sup>34</sup> Isirayilaka naxan birin nu na e seeti ma, e naxa e gi e gbelegbele xui ma, e nu fa a fala, «Bɔxi naxa muxu fan gerun de!» <sup>35</sup> Alatala naxa te radin na mixi keme firin mixi tongo suuli ma, naxee surayi gan hɔrɔmɔlingira de ra.

## 17

*Nama raseniyenfe*

<sup>1</sup> Alatala naxa a masen Munsa be, <sup>2</sup> «A fala Haruna serexedube xa di xeme Eleyasari be, a xa surayi gansee matongo te xora, a xa e te wolee rawoli yire makuye. Na surayi gansee bara findi se seniyenxie ra Ala be. <sup>3</sup> Wo xa na surayi gansee matongo, yunubitoe naxee rawalixi e fa faxesa, wo e bonbo han e xa findi a kebela ra, wo e sa serexebade ma. Se seniyenxi na a ra barima a nu bara masen Alatala be. Na kui a findi tonxuma nan na Isirayilakae be.» <sup>4</sup> Eleyasari serexedube naxa na mixie xa surayi gansee wure gbeeli daaxie matongo, na mixi faxaxie naxee rawalixi, a e bonbo han e findi kebela ra, a e sa serexebade ma. <sup>5</sup> Na bara findi tonxuma ra Isirayilakae be, alako e xa ratu a ma a mu lan mixi yo xa surayi gansee ra bafe Haruna xa die, xa na mu a ra a fan luma ne alo Kora nun a xa mixie, alo Alatala a masenxi Munsa be ki naxe.

<sup>6</sup> Na kuye iba, Isirayila jama naxa woyen folo Munsa nun Haruna ma, a e tan nan Alatala xa jama faxaxi. <sup>7</sup> E nu e malanfe temui naxe Munsa nun Haruna xili ma, e naxa a to nuxui naxa dusu horomolingira xun ma, Alatala xa nore fa mini e ma.

<sup>8</sup> Munsa nun Haruna naxa siga horomolingira de ra. <sup>9</sup> Alatala naxa a masen Munsa be, <sup>10</sup> «Wo mini yi mixie ya ma, n xa e sonto kerenyi ra.» Munsa nun Haruna naxa e yatagi rafelen boxi ma, <sup>11</sup> Munsa fa a fala Haruna be, «I xa te wole tongo serexebade yire, i a sa i xa surayi gansee kui a nun surayi nde. Na xanin mafuren mafuren jama mabiri, i sa yunubi xafari maxandi e be. Alatala bara a xa xone fulun yi jama xili ma,

sontɔɛ nan bara fɔlɔ.»

<sup>12</sup> Haruna naxa surayi ganse tongo alɔ Munsa a fala a bɛ ki naxɛ, a a gi a siga pama yire, sontɔɛ nu bara fɔlɔ dennaxɛ. A naxa surayi ba sɛrɛxɛ ra, a fa yunubi xafari maxandi pama bɛ. <sup>13</sup> A naxa ti mixi faxaxie nun mixi pipɛɛ tagi. Mixi faxafe naxa dan. <sup>14</sup> Mixi wulu fu nun naani mixi kɛmɛ solofere nan faxa, bafe Kora xa mixie ra, naxee singe faxa. <sup>15</sup> Mixi faxafe to dan, Haruna naxa gbilen Munsa yire hɔrɔmɔlingira dɛ ra.

### *Haruna xa yisuxuwuri*

<sup>16</sup> Alatala naxa a masen Munsa bɛ, <sup>17</sup> «A fala Isirayilakae bɛ, bɔnsɔɛ xunyi birin xa yisuxuwuri keren so i yi ra, na lanma yisuxuwuri fu nun firin nan ma. I xa bɔnsɔɛ birin xili seɓɛ a xa yisuxuwuri ma. <sup>18</sup> I xa Haruna xili seɓɛ Lewi bɔnsɔɛ xa yisuxuwuri ma. Bɔnsɔɛ xunyi birin xa yisuxuwuri xa lu naa. <sup>19</sup> I na yisuxuwurie sama hɔrɔmɔlingira nan kui, saate kankira ya tode ra, n luma n yetɛ masen na wo bɛ dennaxɛ. <sup>20</sup> N mixi naxan sugandixi, na kanyi xa yisuxuwuri mabutunma nɛ. Na kui, n bara a niya Isirayilakae naxa wɔyɛn wo ma sɔnɔn.»

<sup>21</sup> Munsa naxa dentɛgɛ sa Isirayilakae bɛ. Isirayila bɔnsɔɛ xunyi birin naxa fa e xa yisuxuwuri ra. Na naxa lan yisuxuwuri fu nun firin ma. Haruna gbe nu na e ya ma. <sup>22</sup> Munsa naxa na yisuxuwurie sa Alatala ya i, hɔrɔmɔlingira kui, saate kankira na dennaxɛ. <sup>23</sup> Na kuye iba, a to so hɔrɔmɔlingira kui, a naxa a to Haruna xa yisuxuwuri, naxan sa Lewi bɔnsɔɛ xili ra, a bara butun, a bara fuga, a tamare bogi gbeeli

ramini. <sup>24</sup> Munsu naxa yisuxuwuri birin namini, a e masen Isirayila pama be. Bɔnsɔe xunyi birin to e to, e naxa e gbe tongo.

<sup>25</sup> Alatala naxa a masen Munsu be, «I man xa Haruna xa yisuxuwuri ragbilen saate kankira yire, a xa ragata tɔnxuma ra matandilae be. Na kui e mu wɔyenma n ma, e mu faxesa.» <sup>26</sup> Munsu naxa Alatala xa yaamari rabatu, alo a masen a be ki naxe. <sup>27</sup> Isirayilakae naxa a fala Munsu be, «A mato, muxu birin pɔnma ne halaki kui. <sup>28</sup> Naxan yo a maso Alatala xa hɔrɔmɔlingira ra, na kanyi faxama ne. Muxu birin xa sɔnto?»

## 18

### *Serexedubee nun Lewi bɔnsɔe xa fe*

<sup>1</sup> Alatala naxa a masen Haruna be, «I tan, i xa die, nun Lewi bɔnsɔe birin, wo tan nan yunubi sɔtɔma xa fe paaxi sa raba hɔrɔmɔlingira xa fe ra. Haruna i tan nun i xa die, wo tan nan yunubi sɔtɔma xa fe paaxi sa raba serexedubepa xa fe ra. <sup>2</sup> I xa Lewi bɔnsɔe mixi birin maso i ra, alako e xa i tan nun i xa die mali wo xa wali ra hɔrɔmɔlingira kui. <sup>3</sup> E i malima hɔrɔmɔlingira wali kui, kɔnɔ e naxa makɔre yirabase seniye xie nun serexebade ra, alako wo naxa faxesa, e tan nun i tan. <sup>4</sup> E birama ne i foxo ra i xa hɔrɔmɔlingira wali birin kui. Mixi gbete yo naxa sunbu wo ra. <sup>5</sup> Wo tan gbansan xa seniye lingira nun serexebade wali raba, alako Alatala naxa fa a xa xone ramini Isirayilakae ma sɔnɔn. <sup>6</sup> N tan nan wo ngaxakerenyi Lewi bɔnsɔe tongoxi Isirayilakae ya ma n yete be. N bara e sa wo sagoe, e xa wo mali hɔrɔmɔlingira wali



raba ra. <sup>7</sup> I tan nun i xa die, wo ϩοϫο sama ne wo xa serexedube wali xon ma serexebade nun yire seniyenxi fisamante, naxan na dugi gbakuxi xanbi ra. N tan nan na wali fixi wo ma. Mixi gbete na a maso na ra, a faxama ne.»

<sup>8</sup> Alatala naxa a fala Haruna be, «N bara Isirayilakae xa hadiya seniyenxi birin fi i tan nun i xa die ma, barima wo tan nan sugandixi serexedubee ra abadan. <sup>9</sup> See nan yi ki naxee findima i gbe ra se seniyenxie tagi, te mu naxee ganxi: Isirayilakae xa serexe, e xa sansi xori dinxi serexee, e xa yunubi xafari serexee, nun e xa yete ragbilen serexee. Na serexe seniyenxie findima i tan nun i xa die nan gbe ra. <sup>10</sup> Wo nee donma ne alo se seniyenxie. Xeme birin noma e donde wo xa denbaya kui. Se seniyenxie nan e ra wo be.»

<sup>11</sup> «Se naxee baxi Isirayilakae xa hadiya seniyenxie ra, n nee fan fima ne i ma, naxee lintanma n ya i a masenfe ra n gbe na a ra. N na fima i tan, i xa di xeme, nun i xa di ginse ma. I xa mixi birin naxee seniyenxi e noma na donde. <sup>12</sup> N man bara daxamui singee fi i ma, Isirayilakae naxee bama n na hadiya ra alo ture, weni, nun sansi xorie dinxi. <sup>13</sup> Daxamui singee e fama naxan birin na n be, na birin findima i gbe nan na. I xa mixi birin naxee seniyenxi e noma na donde.»

<sup>14</sup> «Se naxan birin haramuxi mixie be Isirayila boxi ma, a fa findi n gbe ra, n bara na fi i ma. <sup>15</sup> Di singe birin naxee fima Alatala ma, a findi mixi ra, a findi xuruse ra, na birin i tan nan gbe a ra. Kono ibunadama xa di xeme singe nun sube

haramuxi xa di xeme singe, e tan xun sarama ne. <sup>16</sup> E na kike keren soto, e xun xa sara gbeti kole suuli, naxan kole keren lanma giramu fu ma.»

<sup>17</sup> «Kono i naxa ningee, yexese, nun sie xa di singee xun sara, barima e tan seniyeñxi. E wuli xa kasan serexebade ma, e ture xa ba serexera. E xa gan te ra Alatala be. Na rafan a ma. <sup>18</sup> E ganyanyi nun e yirefanyi tabe findima i gbe nan na, barima e nu lintanxi n tan Alatala ya i serexera. <sup>19</sup> N bara nee fi i tan nun i xa die ma abadan, Isirayilaka naxan birin bama e xa serexese seniyeñxie ra Alatala be. Saate nan a ra naxan mu kanama abadan, i tan nun i bonsoe birin be Alatala ya i.»

<sup>20</sup> Alatala naxa a masen Haruna be, «I mu ke sotoma Isirayila boxi ma alo boore. N tan nan findima i ke ra Isirayilakae tagi. I hayi mu na sese gbete ma.»

<sup>21</sup> «N Isirayila xa farile fima Lewi bonsoe nan ma sare ra e xa horomolingira wali xa fe ra. <sup>22</sup> Isirayilakae naxa e maso horomolingira ra sonon, alako e naxa fa yunubi soto na kui e faxama naxan ma. <sup>23</sup> Lewi bonsoe nan horomolingira xa wali rabama. Xa yunubi yo sa mini na wali kui, e tan nan a kote tongoma. Na findima seriye nan na wo be abadan. Lewi bonsoe mu fama ke sotide Isirayilakae tagi. <sup>24</sup> N bara Isirayilakae xa farile fi Lewi bonsoe ma ke ra. Na nan a toxi, n na a falaxi e xa fe ra, ke mu na e tan be Isirayilakae tagi.»

<sup>25</sup> Alatala naxa a masen Munsa be, <sup>26</sup> «A fala Lewi bonsoe be, Isirayilakae na fa e xa farile ra, n naxan fima wo ma, wo xa na farile xa

farile ba n tan be. <sup>27</sup> Na kui wo fan a rabama ne alo wo ngaxakerenyi naxee farile bama e xa sansi xori ra lonyi yire, xa na mu a ra e xa weni ra e a bunduma temui naxe. <sup>28</sup> Wo xa wo xa hadiya ba n be Isirayilakae xa farile ra, wo fa a so Haruna serexedube yi ra. <sup>29</sup> Wo xa farile ba n be hadiya ra wo naxan birin sotoma. Wo xa daxamui singee wo naxee sotoma, wo xa n gbe ba na ra.> <sup>30</sup> I man xa a fala e be, <Wo na ge daxamui fisamante bade n be, wo xa na farile ba sansi xori nun weni ra Lewi bomsae be. <sup>31</sup> Wo tan nun wo xa denbayae noma na donde wo wama a xon dennaxe. Wo xa hromolingira wali sare nan na ki. <sup>32</sup> Daxamui singee bafe mu findima yunubi ra wo be. Wo mu Isirayilakae xa hadiya seniyenxie maberema na kui, wo man mu faxama na xa fe ra.>>

## 19

### *Maraseniye ye*

<sup>1</sup> Alatala naxa a masen Munsa nun Haruna be,  
<sup>2</sup> «Ala xa seriye nan ya. Isirayilakae xa fa ninge ginε gbeeli ra, naxan mu mabenxi, lanyuru mu na naxan ma, a nun naxan mu sari bendunxi sinden. <sup>3</sup> I xa na so Eleyasari serexedube yi ra, a kon fa raxaba a ya xori yonkinde fari ma. <sup>4</sup> Eleyasari xa a wuli nde kasan a belexesole ra hromolingira sode mabiri sanmaya solofere. <sup>5</sup> E xa na ninge gundi birin gan a ya xori, a kiri, a sube, a wuli, nun a papε. <sup>6</sup> Na ninge na ganfe temui naxe, serexedube xa sediri wuri nde, hisopi, nun gese gbeeli woli te xora.»

<sup>7</sup> «Na dangi xanbi, serexedube xa a fate nun a xa sosee maxa, a fa so yonkin yire, kono a mu seniyeñxi han nunmare. <sup>8</sup> Naxan bara ninge gan, na fan xa a fate nun a xa sosee maxa, kono a mu seniyeñxi han nunmare. <sup>9</sup> Mixi seniyeñxi nde xa na ninge ganxi xube makɔ, a sa e sa yire seniyeñxi yonkinde fari ma. A ragatama menni ne Isirayila pama be alako e xa maraseniyeñ ye yailan a ra. Yunubi xafari serexe nan a ra. <sup>10</sup> Naxan bara na ninge ganxi xube makɔ, na fan xa a fate nun a xa dugie xa, kono a mu seniyeñxi han nunmare. Na seriye mu kanama abadan Isirayilakae nun e xɔre be.»

<sup>11</sup> «Naxan na din mixi faxaxi ra, na kanyi findima seniyeñtare nan na xi solofere bun ma. <sup>12</sup> A xa a yete raseniyeñ yi maraseniyeñ ye ra a xi saxan nde nun a xi solofere nde ma. Xa a mu a raba na xi saxan nde nun na xi solofere nde ma, a mu seniyeñma. <sup>13</sup> Xa naxan yo din mixi faxaxi fure ra, a fa lu a mu a yete raseniyeñ, na kanyi xa seniyeñtareña dangima ne Alatala xa hɔrɔmɔlingira ma. Na kanyi xa kerɩ Isirayilakae ya ma. Maraseniyeñ ye to mu kasanxi a ma, a mu seniyeñxi.»

<sup>14</sup> «Seriye nan ya: Xa mixi faxa kiri banxi nde kui, mixi yo naxan na naa, xa na mu a ra a soma naa, na kanyi findima mixi seniyeñtare nan na xi solofere bun ma. <sup>15</sup> Sesase rabixi birin findima se seniyeñtare ra. <sup>16</sup> Mixi naxan din mixi faxaxi ra wula i, naxan bara faxa a paaxi ra, xa na mu a faxa a yete ma, na kanyi findima seniyeñtare nan na xi solofere bun ma. Naxan din mixi faxaxi xorie ra, xa na mu a gaburi ra, na fan mu

seniyenxi xi solofere bun ma.»

<sup>17</sup> «A lanma na mixi mooli xa seniyen ye ra, naxan masunbuxi na ninge ganxi xube ra. Na ye xa tongo dulonyi yire, xa na mu a ra xure.

<sup>18</sup> Xeme seniyenxi nde xa hisopi wuri salonyi tongo, a a rasin na ye xora, a a kasan na kiri banxi ma, a kui se birin ma, nun mixie ma naxee nu na a kui. E man xa na raba mixi ra naxan dinxi mixi fure ra, naxan faxa a jaaxi ra, xa na mu a ra naxan faxa a yete ma, a nun mixi naxan dinxi mixi xorie ra, xa na mu gaburi ra. <sup>19</sup> Mixi seniyenxi xa na ye kasan mixi seniyentare ma a xi saxan nde nun a xi solofere nde. A na ge na ra, a xa a yete nun a xa sosee maxa ye ra, a fa findi mixi seniyenxi ra na xi solofere nunmare ra.»

<sup>20</sup> «Mixi naxan tondi a yete raseniyende, na kanyi xa keru jama ya ma, barima a xa seniyentareja dangima ne Alatala xa hromolingira ma. A to mu kasanxi maraseniyen ye ra, a mu seniyenxi. <sup>21</sup> Yaamari nan na ki Isirayilakae be naxan mu kanama abadan.»

«Maraseniyen ye kasanma naxan ma, na kanyi xa a xa dugie xa. A mu seniyenma fo nunmare. <sup>22</sup> Mixi seniyentare dinma se naxan na, na se bara findi se seniyentare ra. Mixi naxan dinma na se ra, na fan findima mixi seniyentare nan na han nunmare.»

## 20

*Meriba ye*

<sup>1</sup> Kike singe, Isirayila jama birin naxa so Sini gbengberenyi ma, e yonkin Kadesi. Mariyama naxa faxa menni, e fa a ragata gaburi kui.

<sup>2</sup> Ye to mu nu na jama yi ra, e naxa e malan Munsa nun Haruna xili ma. <sup>3</sup> E naxa sɔnxɔ Munsa ra, e nu a fala, «A nu fisa muxu fan xa faxa Alatala muxu ngaxakerenyie faxa tɛmui naxe. <sup>4</sup> Munfe ra wo Alatala xa jama rafaxi yi gbengberenyi ma, muxu nun muxu xa xurusee xa faxa? <sup>5</sup> Munfe ra wo muxu ramini Misira bɔxi ra fafe ra yi yire jaaxi, xɔrɛ bili, weni bili, girenadi wuri bili mu na dennaxe. Hali ye min daaxi mu sɔtɔma be.»

<sup>6</sup> Munsa nun Haruna naxa keli jama ya ma, e e felen hɔrɔmɔlingira sode dɛ ra. Alatala xa nɔrɛ naxa mini e ma. <sup>7</sup> Alatala naxa a masen Munsa bɛ, <sup>8</sup> «I xa yisuxuwuri tongo. I tan nun i taara Haruna, wo xa Isirayilaka birin malan, wo wɔyɛn fanye ra e ya xɔri, alako a xa ye ramini. Wo ye ramini na Isirayila jama bɛ alako e tan nun e xa xurusee xa ye min.» <sup>9</sup> Munsa naxa a xa yisuxuwuri tongo naxan nu na hɔrɔmɔlingira kui, alɔ Alatala a yamari a bɛ ki naxe. <sup>10</sup> Munsa nun Haruna naxa jama malan na fanye ya ra, e fa a fala e bɛ, «Wo tuli mati, wo tan matandilae. Muxu xa ye ramini wo bɛ yi fanye kui?» <sup>11</sup> Munsa naxa a bɛlɛxɛ ite, a fanye bɔnbɔ sanya firin a xa yisuxuwuri ra. Ye naxa gbusan fanye ra, jama nun xuruse birin naxa e min.

<sup>12</sup> Kɔnɔ Alatala naxa a masen Munsa nun Haruna bɛ, «Wo to mu laxi n na, Isirayila jama ya xɔri, wo xa binyɛ ti n tan Seniyɛntɔɛ ma, wo tan mu fama yi jama rasode na bɔxi ma n dennaxe fixi e ma.» <sup>13</sup> E menni nan xili Meriba

ye, barima Isirayilakae sɔnxɔ Alatala ma mɛnni nɛ, a fa a xa sɛniyɛnyi masen e bɛ.

*Edon mangɛ tondife Isirayila xa dangi*

<sup>14</sup> Munsa naxa xɛɛrae xɛɛ Edon mangɛ ma keli Kadesi, a falafe ra a bɛ, «I ngaxakerenyi Isirayilakae xui nan ya! I a kolon muxu tɔɔrɔxi ki naxɛ.

<sup>15</sup> Muxu benbae goro nɛ Misira, muxu naxa jɛ wuyaxi raba mɛnni. Kɔnɔ Misirakae naxa muxu nun muxu benbae jaxankata. <sup>16</sup> Muxu naxa Alatala maxandi, a fa muxu xui rame. A naxa a xa maleke xɛɛ muxu ramini Misira. Yakɔsi muxu na be Kadesi naxan na wo xa naaninyi ra.

<sup>17</sup> A lu muxu xa dangi wo xa bɔxi tagi. Muxu mu wo xa xɛɛ nun wo xa wɛni bilie kanama. Muxu mu ye bama wo xa kɔlɔnyie kui. Muxu mu sigama kɔla ma, muxu mu fama yirefanyi ma. Muxu tima wo xa kira xungbe kerenyi nan xɔn, han muxu dangima wo xa bɔxi ra tɛmui naxɛ.»

<sup>18</sup> Edon mangɛ naxa a yaabi, «Wo mu dangima muxu xa bɔxi ra fefe ma, xa na mu muxu wo gerema santidɛgema nan na.»

<sup>19</sup> Isirayilakae man naxa a fala a bɛ, «Muxu tan dangima nɛ kira xɔn. Xa muxu nun muxu xa xurusee wo xa ye nde min, muxu xa a sare fi. Muxu mu i maxɔrinxi sese ma, muxu wama dangife nɛ tun.» <sup>20</sup> Edon mangɛ man naxa a yaabi, «Wo mu dangima feo!» Na kui, a naxa a xa sɔorie ramini a sɛnbɛ ki ma Isirayilakae ya ra.

<sup>21</sup> Edon mangɛ to tondi Isirayilakae xa dangi a xa bɔxi ra, Isirayila naxa gbilen.

*Haruna faxafe*

<sup>22</sup> Isirayila naxa naxa keli Kadesi, e naxa siga Horo geya yire. <sup>23</sup> Alatala naxa a fala Munsa nun Haruna be Horo geya yire, Edon xa boxi naaninyi ra, <sup>24</sup> «Haruna fama ne a benbae lide aligiyama. A mu soma na boxi ma n dennaxe fixi Isirayilakae ma, barima wo bara n ma yaamari matandi Meriba ye xa fe ra. <sup>25</sup> I xa Haruna nun a xa di xeme Eleyasari xanin Horo geya fari. <sup>26</sup> Menni i xa serexedube dugie ba Haruna ma, i e ragoro a xa di xeme Eleyasari ma. Haruna laaxirama ne menni, a fa a benbae yire li.» <sup>27</sup> Munsa naxa a raba, alo Alatala a yamari ki naxe. E naxa te Horo geya fari Isirayilaka birin ya xori. <sup>28</sup> Munsa naxa Haruna xa donmae ba a ma, a e ragoro a xa di xeme Eleyasari ma. Haruna naxa laaxira geya fari. Munsa nun Eleyasari naxa goro geya ra, <sup>29</sup> e fa Isirayila naxa rakolon Haruna faxa fe ra. Isirayila naxa a non fe raba xi tongo saxan bun ma.

## 21

### *Isirayila xa gere singe gbengberenyi ma*

<sup>1</sup> Aradi mange Kanaanka, naxan nu sabatixi Negewi boxi ma, a to a me, a Isirayila nu minife Atarima kira nan na, a naxa e gere, a ndee findi geelimanie ra. <sup>2</sup> Na kui Isirayila naxa yi laayidi tongo Alatala be, «Xa i yi mixie sa muxu sagoe, muxu e xa taa birin kanama ne.» <sup>3</sup> Alatala naxa tin Isirayilakae xa laayidi ra, a naxa Kanaankae sa e sagoe. Isirayilakae naxa e sonto, e e xa taae kana. Na nan a toxi e naxa menni xili sa Horoma, naxan wama a falafe «gbaloe.»



<sup>4</sup> Isirayilakae naxa keli Horo geya ma Xulun-yumi Baa kira xɔn ma, alako e xa Edon bɔxi mabilin. Kɔnɔ limaniya naxa ba e yi ra, <sup>5</sup> e fa a fala Alatala nun Munsa bɛ, «Munfe ra wo muxu raminixi Misira bɔxi ra, alako muxu xa fa faxa gbengberenyi ma? Taami mu na be, ye mu na be, fo yi donse jaaxi naxan goroma koore ma!»

<sup>6</sup> Na kui Alatala naxa a niya bɔximasee xa mini e tagi, e xa mixie xin, e mixi gbegbe faxa. <sup>7</sup> Nama naxa a fala Munsa bɛ, «Muxu bara yunubi raba wɔyɛnfe ra i tan nun Alatala ma. I xa Alatala maxandi muxu bɛ, a xa yi bɔximasee makuya muxu ra.» Munsa naxa tin na ra, a Alatala maxandi nama bɛ. <sup>8</sup> Alatala naxa a yaabi, «Bɔximase misaali rafala wure gbeeli ra, a gbaku wuri kuye ra. Mixi xinxi naxan a ya tima na ra, a mu faxama.» <sup>9</sup> Munsa naxa bɔximase yailan wure gbeeli ra, a a gbaku wuri kuye ra. Na tɛmui bɔximasee mixi naxee xinxi, e nu nɔma e ya tide na ra, e kisi.

<sup>10</sup> Isirayilakae naxa siga, e sa yonkin Oboti. <sup>11</sup> E naxa keli menni, e siga Iye Abarimi gbengberenyi ma naxan ya rafindixi Mowaba bɔxi ma, sogetede mabiri. <sup>12</sup> E to keli menni, e naxa siga Serede gulunba yire. <sup>13</sup> E to keli menni, e naxa siga Arinon dɛ ra, xure naxan na Amori bɔxi ma. Arinon nan na naaninyi ra Mowabakae nun Amoriakae tagi. <sup>14</sup> Na nan a ra, a sɛbɛxi sɛbeli nde kui, Alatala xa geree xa fe na naxan kui, «Wahebi nun a xa gulunbae na Sufa bɔxi ma, <sup>15</sup> Arinon gulunbae gexi han Ari, a findi Mowaba naaninyi nan na.»

<sup>16</sup> E to keli, e naxa siga Beeri, Alatala a masen Munsa be dennaxe, «Nama malan, n xa e ki ye ra.» <sup>17</sup> Isirayilakae yi suuki ba na waxati ne:

«Ye xa te kolonyi ra!

Wo xa beesti ba a xa fe ra!

<sup>18</sup> Mangee nun kuntigie bara a ge, mange tonxuma kanyie.»

<sup>19</sup> E to keli gbengberenyi ma, e naxa siga Matana. E to keli Matana, e naxa siga Naxaliyeli. E to keli Naxaliyeli, e naxa siga Bamoti. <sup>20</sup> E to keli Bamoti, e naxa siga Mowaba gulunba yire, Pisiga geya na dennaxe. Gbengberen yire birin toma ne na geya fari.

<sup>21</sup> Isirayilakae naxa xerae xee Amorikae xa mange Sixon yire a falafe ra, <sup>22</sup> «Muxu wama girife i xa boxi nan ma. Muxu mu xe yire nun weni bogi yire lima. Muxu mu wo xa kolon ye minma. Muxu luma mange xa kira gbansan nan xon ma, han muxu i xa boxi igiri.»

<sup>23</sup> Sixon mu tin e xa dangi a xa boxi ma. A naxa a xa soorie malan, e naxa mini Isirayilakae xili ma gbengberenyi ma, e fa e gere Yahasi.

<sup>24</sup> Isirayilakae naxa geeni. E naxa e xa boxi birin tongo keli Arinon xure ma han Yaboko xure, han Amonikae xa boxi naaninyi ra. E mu no dangide na ra barima Amonikae senbe nu gbo. <sup>25</sup> Konon Isirayilakae naxa Amorikae xa taae birin suxu, e fa sabati nee kui. E naxa Xesibon fan suxu, a nun a xa rabilinyi. <sup>26</sup> Xesibon nan nu na Amorikae xa mange Sixon xa mangataa ra. A nu bara na taa ba Mowaba mange nde yi, a nun a xa boxi birin han Arinon xure.

<sup>27</sup> Na nan a ra, beetibae a falama,

«Wo fa Xesibon!  
Sixon xa taa xa ti,  
a man xa senbe soto!  
<sup>28</sup> Te bara Xesibon gan,  
Sixon xa taa bara kana te ra.  
Mowaba boxi xa taa Ari fan bara gan,  
naxan xa mixie nu noma Arinon tode.  
<sup>29</sup> Naxankate na wo be Mowabakae,  
wo tan Kemosi xa batulae.  
A xa di xeme bara e gi.  
A xa di ginxe bara findi geelimanie ra Amori  
mange Sixon xonyi.  
<sup>30</sup> Konon muxu bara no e ra,  
Xesibon bara kana han Dibon.  
Muxu bara e halaki han Nofa,  
han a sa Medeba li.»  
<sup>31</sup> Isirayila naxa sabati Amorikae xa boxi ma.  
<sup>32</sup> Munsa to ge Yaaseri taa rabende, Isirayila naxa  
Amorikae keru na longori birin ma. <sup>33</sup> Na dangi  
xanbi, e naxa kira tongo sigafe ra Basan. Basan  
mange Ogo nun a xa soorie naxa e li Edereyi.  
<sup>34</sup> Alatala naxa a masen Munsa be, «I naxa gaaxu  
a ya ra! N na sama ne i belexe, a nun a xa  
soorie nun a xa boxi birin. I xa a bonbo alo i  
Amori mange Sixon bonboxi ki naxe Xesibon.»  
<sup>35</sup> Isirayilakae naxa Ogo, a xa die, nun a xa soori  
birin bonbo. Mixi keren mu no a bade e yi. E  
naxa a xa boxi findi e gbe ra.

## 22

### *Balaki xa xeraya*

<sup>1</sup> Isirayilakae naxa siga e sa yonkin Mowaba  
fili ma, Yuruden xure de, Yeriko ya tagi. <sup>2</sup> Siporo  
xa di xeme Balaki nu bara a me Isirayilakae

naxan nabaxi Amorikae ra. <sup>3</sup> Mowabakae nu bara gaaxu Isirayila n̄ama belebele xa fe ra. <sup>4</sup> Na kui, e naxa a fala Madiyan kuntigie b̄e, «Yi n̄ama belebele fama won ma b̄oxi birin xun nakanade, alo n̄ingee m̄ere xun nakanama ki nax̄e.» Balaki nan nu na Mowaba manḡe ra na temui.

<sup>5</sup> A naxa x̄erae x̄ee Beyori xa di x̄eme Balami yire, naxan nu sabatixi Petori, a bari taa xure d̄e ra, a falafe ra, «N̄ama belebele nde bara keli Misira b̄oxi ma, e fa yonkin n̄ ma b̄oxi s̄eti ma. <sup>6</sup> Yandi, i xa fa yi n̄ama dankade, barima e s̄enbe gbo n̄ b̄e. Temunde, na ki n̄ n̄oma n̄e e b̄onb̄ode, n̄ e ker̄i yi b̄oxi ma. N̄ a kolon, i na duba naxan b̄e, na bara baraka. I man na naxan danka, na fan bara danka.» <sup>7</sup> Mowaba kuntigie nun Madiyan kuntigie naxa siga se matoe sare ra Balami x̄on, e fa Balaki xa x̄eraya iba a b̄e.

<sup>8</sup> Balami naxa a fala e b̄e, «Wo xa k̄oe radangi be. Alatala na yaabi so n̄ yi, n̄ na falama n̄e wo b̄e.» Na kui, Mowaba kuntigie naxa xi Balami x̄onyi. <sup>9</sup> Alatala naxa mini Balami ma, a a max̄orin, «Nde na yi mixie ra i nax̄ee ras̄en̄xi i x̄onyi yi ki?» <sup>10</sup> Balami naxa a yaabi, «Mowaba manḡe Siporo xa di x̄eme Balaki nan yi mixie x̄ee, a e xa fa a fala n̄ b̄e, <sup>11</sup> «N̄ama belebele nde bara keli Misira b̄oxi ma, e fa sabati n̄ ma b̄oxi s̄eti ma. I xa fa yi n̄ama danka, alako n̄ xa n̄o e keride.» <sup>12</sup> Alatala naxa a masen Balami b̄e, «I naxa bira yi mixie f̄ox̄o ra, i naxa na n̄ama danka. Barakat̄oe n̄ama na a ra.»

<sup>13</sup> Na kuye iba Balami naxa keli, a a fala Balaki xa kuntigie b̄e, «Wo gbilen wo xa b̄oxi ma, barima Alatala mu tinxi n̄ xa bira wo f̄ox̄o ra.»

<sup>14</sup> Na kui, Mowaba kuntigie naxa gbilen Balaki yire, e a fala a be, «Balami bara tondi birade muxu fɔxɔ ra.»

<sup>15</sup> Balaki man naxa kuntigi gbege gbete xee, naxee tide dangi a singee ra. <sup>16</sup> E naxa siga Balami yire, e a fala a be, «Balaki xa masenyi nan ya: <N tan Siporo xa di xeme Balaki, n bara i mayandi, i naxa tondi talufe ra n yire! <sup>17</sup> N i sare fima ne a fanyi ra. I wama naxan yo xɔn, n na fima ne i ma. Yandi i xa yi nama danka n be.» <sup>18</sup> Kɔnɔ Balami naxa Balaki xa xerae yaabi, «Hali Balaki a xa banxi rafe gbeti nun xema ra, a a so n yi ra, n mu noma fefe rabade n Marigi Alatala mu n yamari naxan na. <sup>19</sup> Wo naxan nabama, wo fan xa lu be han tina geesege. N man xa Alatala xa masenyi rame.» <sup>20</sup> Alatala naxa mini Balami ma kɔe ra, a a masen a be, «Yi mixie to bara fa i xilide, i xa bira e fɔxɔ ra, kɔnɔ n na naxan fala i be, i na nan nabama.»

<sup>21</sup> Na kuye iba Balami naxa baki a xa sofale fari, a bira Mowaba kuntigie fɔxɔ ra. <sup>22</sup> Balami sigafe naxa Alatala raxɔnɔ. Alatala xa maleke naxa siga kira ibolonde Balami ya ra. A nu dɔxɔxi a xa sofale fari, a xa walike firinyie nu na a fɔxɔ ra. <sup>23</sup> Balami xa sofale to Alatala xa maleke to kira tagi, santidegema suxuxi a yi, a raminixi a te i, a naxa keli kira xɔn ma, a so xe ra. Balami naxa sofale bɔnbɔ, alako a xa a xun ti kira ra.

<sup>24</sup> Alatala xa maleke man naxa sa ti e xa kira di xɔn ma weni bilie tete firinyie tagi. <sup>25</sup> Sofale to Alatala xa maleke to, a naxa a raxeten tete ra, a Balami sanyi xeten tete ra a naxi ra. Balami naxa gbilen a bɔnbɔ ra. <sup>26</sup> Alatala xa maleke man

naxa sa ti yire raxetenxi a fanyi ra. Dangide yo mu nu na. <sup>27</sup> Sofale to Alatala xa maleke to, a naxa a sa Balami bun ma. Balami naxa xonɔ a ma, a a bonbo a xa yisuxuwuri ra.

<sup>28</sup> Na kui, Alatala naxa sofale de ramini, a a niya a xa a fala Balami be, «A saxan nde nan yi ki i n bonboma. N munse rabaxi i ra?» <sup>29</sup> Balami naxa a yaabi, «I n matandixi ne. Xa santidegema na n yi ra nu, n i faxama ne keren na.» <sup>30</sup> Sofale naxa a fala Balami be, «N tan xa mu i xa sofale ra, i tema naxan fari temui birin? N darixi yi mooli raba ra?» Balami naxa a yaabi, «Ade.»

<sup>31</sup> Na temui Alatala naxa Balami ya rabi maleke tofe ra, a tixi kira tagi, a xa santidegema baxi a te i, a suxuxi a belexe. Balami naxa a felen, a suyidi keren na. <sup>32</sup> Maleke naxa a maxorin, «Munfe ra i bara i xa sofale bonbo sanya saxan? N faxi ne n xa kira ibolon i ya ra, barima i na kira naxan xon yi ki, murutela xa kira na a ra. <sup>33</sup> I xa sofale bara i ratanga n ma sanya saxan. Xa a tan mu a ra nu, n bara i faxa nu, konɔ n mu a tan faxama.» <sup>34</sup> Balami naxa a fala a be, «N bara yunubi raba! N mu nu a kolonxi, i tixi n ya ra. Konɔ yakosi, xa yi biyaasi mu i kenexi, n xa gbilen n xonyi.» <sup>35</sup> Alatala xa maleke naxa a masen, «Ade, i xa bira yi mixie foxo ra, konɔ n na masenyi naxan masen i be, i na nan falama.» Na kui, Balami nun Balaki xa xerae naxa siga.

<sup>36</sup> Balaki to a me a Balami na fafe, a naxa siga a ralande taa nde ma Arinon xure de ra, Mowaba xa naaninyi yire. <sup>37</sup> A naxa Balami maxorin, «Munfe ra i mu fa n ma xeraya singe xili ma? I joxo a ma n mu noma i sare fide?» <sup>38</sup> Balami

naxa Balaki yaabi, «N bara fa i xɔn, kɔnɔ n mu nɔma wɔyende na ki tun. Alatala masenyi naxan sama n de i, n na nan tun falama.» <sup>39</sup> Balami nun Balaki naxa siga, e so Kiriyati Xusoti. <sup>40</sup> Balaki naxa ningeenun yexexe ba serexe ra, a nde so Balami yi ra a nun kuntigi naxee nu na a foxo ra. <sup>41</sup> Na kuye iba, Balaki naxa Balami xanin Bamoti Baali geya fari. Menni a naxa Isirayila pama seeti nde to.

## 23

### *Balami dubafe Isirayila pama be*

<sup>1</sup> Balami naxa a fala Balaki be, «I xa serexebade solofere yailan be. I man xa fa tuura solofere nun yexee kontonyi solofere ra.» <sup>2</sup> Balami naxan maxarin, Balaki naxa a birin naba. E naxa tuura keren nun yexee kontonyi keren ba serexe ra na serexebade keren keren ma. <sup>3</sup> Balami naxa a fala Balaki be, «I xa lu be serexe fe ma, n tan xa n makuya dondoronti. Temunde Alatala fama minide n ma. A naxan yo masen n be, n a falama i be.» Balami to te geya nde fari, <sup>4</sup> Alatala naxa mini a ma. Balami naxa a fala a be, «N bara serexebade solofere yailan, n yexee kontonyi keren nun tuura keren nan baxi a birin keren keren fari.» <sup>5</sup> Alatala naxa masenyi fi Balami ma a naxan masenma. A naxa a yita a be, «Siga Balaki yire, i xa yi masenyi ti a be.»

<sup>6</sup> Balami naxa gbilen Balaki yire, a a li a tixi a xa serexe fe ma, a tan nun Mowaba kuntigie. <sup>7</sup> Balami naxa a xa masenyi ti yi ki, «Balaki nan faxi n na kelife Siriya.

Mowaba mange nan n xilixi, kelife sogetede  
geyae kɔn na.

«Fa, Yaxuba bɔnsɔɛ danka n bɛ!  
I xa xɔnɛ radin Isirayila ma!»

<sup>8</sup> N nɔma mixi dankade di,  
Alatala mu naxan dankaxi?  
N nɔma xɔnɔde mixi ma di,  
Ala mu xɔnɔxi naxan ma?

<sup>9</sup> N e toma kelife geya kɔn na,  
keli yire itexi.

Nama nan a ra,  
naxan luma a xati ma,  
naxan tagi rasama e nun si gbɛtɛɛ ra.

<sup>10</sup> Nde nɔma Yaxuba bɔnsɔɛ kontide,  
kɔnti naxan dangima mɛyɛnyi kɔnti ra?  
E nu Isirayila nama itaxun dɔxɔde naani ra,  
nde nɔma a sɛɛti keren yati kɔntide?

Ala xa n mali n xa aligiyama li tinxinyi kui.  
Ala xa n mali n xa maniya e ra n ma saya kui.»

<sup>11</sup> Balaki naxa a fala Balami bɛ, «I munse  
rabaxi n na yi ki? N i rafaxi nɛ n yaxuie dankade,  
kɔnɔ i tan na dubafe e bɛ.» <sup>12</sup> Balami naxa a  
yaabi, «Alatala na masenyi naxan sa n dɛ i, n  
mu lan n xa na fala?»

<sup>13</sup> Balaki man naxa a fala a bɛ, «Won xa siga  
yire gbɛtɛ, i nɔma e tode dennaxɛ. I sɛɛti keren  
nan gbansan toma be, i mu e birin toma. Mɛnni i  
nɔma e birin tode, i fa e danka.» <sup>14</sup> A naxa Balami  
xanin Sofimi, Pisiga geya fari. A naxa sɛrɛxɛbade  
solofere yailan mɛnni, a tuura keren nun yɛxɛɛ  
kontonyi keren ba sɛrɛxɛ ra na sɛrɛxɛbade keren  
keren ma fari. <sup>15</sup> Balami naxa a fala Balaki bɛ,  
«I xa lu be i xa sɛrɛxɛ fɛ ma, n tan xa n makuya  
dondoronti, n nun Alatala xa lu yire keren.»



<sup>16</sup> Alatala naxa mini Balami ma, a masenyi nde fi a ma, a fa a fala a be, «Siga Balaki yire, i xa yi masenyi ti a be.» <sup>17</sup> Balami naxa gbilen Balaki yire, a a li a tixi a xa serexe fe ma, a tan nun Mowaba kuntigie. Balaki naxa a maxorin, «Alatala munse masenxi?» <sup>18</sup> Balami naxa yi masenyi ti a be,

«Balaki, keli.

Siporo xa di xeme, i tuli mati.

<sup>19</sup> Ala mixi mu a ra, a mu wule falama.

Adamadi mu a ra, a xa a xaxili masara.

A mu a xui masarama.

A mu nɛɛmuma a xa saate ma.

A mu laayidi kanama.

<sup>20</sup> Ala bara n yamari n xa duba yi nama be.

Alatala bara baraka sa e ma.

N mu noma na masarade.

<sup>21</sup> Tɔɔre mu luma Yaxuba bɔnsɔe ya ma.

Setarepa mu toma Isirayila.

E Marigi Alatala na e foxo ra.

Mange xui mema ne e tagi.

<sup>22</sup> Alatala e ramixi Misira boxi ra,

senbe na e yi ra alo sexe ninge.

<sup>23</sup> Karamoxo wali mu noma Yaxuba bɔnsɔe tɔɔɔde.

Sematoe mu noma sese rabade Isirayila xili ma.

A fama falade Yaxuba nun Isirayila xa fe ra,

Ala xa wali mato!

<sup>24</sup> Yi nama kelima alo yete gine,

e tima alo yete xeme,

naxan mu a sama fo a xa sube don,

a naxan faxa,

fo a xa a wuli min.»

<sup>25</sup> Balaki naxa a fala Balami be, «Xa i mu wama e dankafe, hali i mu duba e be.» <sup>26</sup> Balami naxa a yaabi, «N mu a fala i be, Alatala na naxan yo masen n be, n na nan falama?»

<sup>27</sup> Balaki naxa a fala Balami be, «Awa, won xa siga yire gbete. Temunde Alatala tinma i xa yi nama danka n be menni.» <sup>28</sup> Balaki naxa Balami xanin Peyori geya fari, gbengberenyi toma dennaxe. <sup>29</sup> Balami naxa a fala Balaki be, «Serexebade solofere ti be, i man xa fa tuura solofere nun yexee kontonyi solofere ra.»

<sup>30</sup> Balami naxan maxorin, Balaki naxa a birin naba. A naxa tuura keren nun yexee kontonyi keren ba serexe ra na serexebade keren keren ma fari.

## 24

### *Balami dubafe Isirayila be*

<sup>1</sup> Balami to a to a Alatala nu wama baraka safe Isirayila xa fe ma, a mu karamoxo wali raba alo a darixi a raba ra ki naxe. A naxa a ya rafindi gbengberenyi ma. <sup>2</sup> A to Isirayila nama to, e yonkinxi e bonsoe ki ma, Ala Xaxili naxa goro a ma, <sup>3</sup> a fa yi masenyi ti:

«N yi nan masenma,  
n tan Beyori xa di xeme Balami,  
naxan xa se igbema a fanyi ra,

<sup>4</sup> naxan Ala xui ramema,  
naxan Ala Xili Xungbe Kanyi xa laamatunyi  
toma,

naxan fahaamui sotoma suyidi kui.

<sup>5</sup> Yaxuba, i xa kiri banxie rayabu,  
Isirayila, i xa lingirae tofan.

<sup>6</sup> E gulunba rafema,

e luma alo laakɔe naxan na xure de ra,  
alo wuri bilie Alatala naxee sixi ye yire.

<sup>7</sup> Ye mu jɔnma Isirayila nama yi ra,  
tunɛ goroma e xa sansie ma a fanyi ra.  
E xa mangɛ senbe gbo Agaga be,  
Isirayila xa mangɛya xili fanyi sɔtɔma nɛ.

<sup>8</sup> Ala naxa e ramini Misira bɔxi ma,  
e senbe gbo alo sɛxɛ ninge.  
E e yaxuie xun nakanama nɛ,  
naxee e xɔri girama,  
e e faxama xalie ra.

<sup>9</sup> E e malabuma nɛ alo yɛtɛ,  
nde suusama e rakelide?  
Baraka xa lu mixi be naxan na duba wo be,  
danka xa lu mixi be naxan na wo danka!»

<sup>10</sup> Na kui Balaki naxa xɔnɔ Balami ma a jaaxi  
ra. A naxa a fala, «N i xili nɛ i xa n yaxuie danka,  
kɔnɔ a sanya saxan nde nan yi ki, i na dubafe e  
be! <sup>11</sup> Keli be keren na! Siga i xɔnyi! N nu bara  
laayidi tongo i be wali sare xa fe ra, kɔnɔ Alatala  
mu tinxi i xa a sɔtɔ!» <sup>12</sup> Balami naxa a yaabi,  
«N mu a fala i xa xɛɛrae be, <sup>13</sup> <Hali Balaki a xa  
banxi nan nafe gbeti nun xɛɛma ra n be, n mu  
nɔma sese rabade Alatala mu n yamari naxan na.  
Alatala naxan masenma n be, n nɔma gbilende  
na fɔxɔ ra?» <sup>14</sup> Awa, yakɔsi, n na gbilenfe n xɔnyi,  
kɔnɔ i xa a kolon yi nama naxan nabama wo ra.»

<sup>15</sup> Na tɛmɛi Balami naxa yi masenyi ti a be:  
«Beyori xa di xɛmɛ Balami xa masenyi nan ya,  
naxan see igbɛma a fanyi ra,

<sup>16</sup> naxan Ala xui ramɛma,  
naxan Ala Xili Xungbe Kanyi xa laamatunyi  
toma,

naxan fahaamui sɔtɔma Ala Xili Xungbe saabui ra.

<sup>17</sup> N fe toxi naxan fama rabade yare.

N fe toxi naxan makuya yakɔsi ra.

Tunbui nde fama tede kelife Yaxuba xa mixie ma.

Mangɛ tɔnxuma nde fama kelide Isirayila ya ma.

A Mowaba xun nakanama nɛ,

a Seti xa die xa fe ɲɔnma nɛ.

<sup>18</sup> Edon xa fe goroma nɛ,

Seyiri xa fe goroma nɛ,

kɔnɔ Isirayila sɛnbɛ sɔtɔma nɛ.

<sup>19</sup> Mangɛ nde kelima Yaxuba xa mixie ya ma,

naxan bekae sɔntɔma.»

<sup>20</sup> Balami to Amalɛkikae to, a naxa yi masenyi ti:

«Amalɛki si fisamante na nu a ra,

kɔnɔ a rapɔnyɪ, a bɔnɔma nɛ!»

<sup>21</sup> Balami to Kenikae to, a naxa yi masenyi ti:

«Wo sabatide mabanbanxi,

wo tɛɛ saxi fanye nan fari,

<sup>22</sup> kɔnɔ Asuri fama nɛ wo xun nakanade,

a wo findi geelimanie ra.»

<sup>23</sup> Na tɛmɪ a naxa a xa masenyi xun dusu:

«Nde nɔma kiside Ala xa ɲaxankate ma?

<sup>24</sup> Kunkuie fama nɛ kelife Kitimi,

e nɔma nɛ Asuri nun Xeberi ra,

kɔnɔ a rapɔnyɪ, e fan xun nakanama nɛ.»

<sup>25</sup> Na dangi xanbi, Balami naxa keli, a gbilen a xɔnyɪ. Balaki fan naxa keli naa.

## 25

*Isirayilakae xa kuye batui*

<sup>1</sup> Isirayilakae to nu yonkinxi Sitimi, e naxa so yeŋe rabafe Mowaba ginɛe ra. <sup>2</sup> Na ginɛe naxa Isirayila xemeɛ xili e xa lan e xa serexɛe ma, naxee nu bama e xa kuyee be. <sup>3</sup> Isirayilakae to Peyori xa Bali kuye batu fɔɔ, Alatala naxa xɔɔ e ma. <sup>4</sup> Alatala naxa a fala Munsa be, a a xa pama yarerati birin gbaku wuri kon na a ya i, a e ya rafindi soɛe ma, alako a xa xɔɛe xa gbilen Isirayila fɔɔ ra. <sup>5</sup> Munsa naxa Isirayila kiitisee yamari, «Wo xa mixi birin faxe, naxan bara Peyori xa Bali kuye batu!»

<sup>6</sup> A fefe na fala, Isirayilaka nde naxa fa Madiyanka ginɛe nde ra a ngaxakerenyie ya i. Munsa nun Isirayila pama naxee nu na wafe hɔrɔmɔlingira sode de ra, naxa na ginɛe nun na xeme to. <sup>7</sup> Haruna xa mamadi, Eleyasari xa di xeme Finexasi serexedube to na ginɛe nun na xeme to, a naxa keli, a tanbe tongo, <sup>8</sup> a bira na xeme fɔɔ ra kiri banxi kui, a sa a tan nun na ginɛe sɔɔ a xa tanbe ra e furi ma keren na. Na temui Alatala xa xɔɛe naxa dan. <sup>9</sup> Mixi wulu mɔxɔɔɛn nun naani nan faxe na gbaloe kui.

<sup>10</sup> Alatala naxa a masen Munsa be, <sup>11</sup> «Haruna serexedube xa mamadi, Eleyasari xa di xeme Finexasi, bara n ma xɔɛe ba Isirayilakae ma. N ma xanunteya n ma pama be nu na a boɔe kui, a fa a niya a xa na raba. N tan mu Isirayila birin sɔɔ n ma xanunteya xa fe ra. <sup>12</sup> A fala Finexasi be, n bara boɔesa saate xiri a tan nun n tan tagi. <sup>13</sup> Na saate luma n tan nun a bonsoe tagi, e fa findi serexedubee ra abadan, barima n ma xanunteya nu na a boɔe kui, a man fa a niya Isirayilakae xa yunubi xa xafari.»

<sup>14</sup> Isirayilaka naxan faxa e nun na Madiyan ginε ra, a nu xili Simiri, Salu xa di xεmε. Simeyon bɔnsɔε xunyi nde nan nu a ra. <sup>15</sup> Na ginε Madiyanka tan nu xili Kɔsibi, Suuru xa di ginε. Madiyan xabile ndee xunyi nan nu a baba ra. <sup>16</sup> Alatala naxa a masen Munsa bε, <sup>17</sup> «Wo xa Madiyankae gere alɔ yaxuie! <sup>18</sup> E findixi wo bε yaxuie nan na Peyori kuye xa fe ra, nun e maaginε Kɔsibi xa fe ra. Kɔsibi findixi e xa yarerati nde xa di ginε nan na, <sup>19</sup> naxan faxa Peyori kuye xa fe kui.»

## 26

### *Isirayilakae kontife a firin nde*

<sup>1</sup> Na gbaloe to dangi, Alatala naxa a fala Munsa nun Haruna sεrεxεdubε xa di xεmε Eleyasari bε, <sup>2</sup> «Wo xa Isirayila nama birin xili sεbε, keli a jε mɔxɔjɛn ma han na xanbi, a denbaya ki ma, naxan birin nɔma sɔɔrija rabade.» <sup>3</sup> Munsa nun Eleyasari sεrεxεdubε naxa a fala Isirayilakae bε Mowaba bɔxi ma Yuruden xure sεeti ma Yeriko ya i, <sup>4</sup> «Isirayilaka birin xa konti, keli mixi ma naxan bara jε mɔxɔjɛn sɔtɔ han na xanbi, alɔ Alatala a yamari Munsa nun Isirayilakae bε ki naxε.» Isirayila bɔnsɔε naxee mini Misira bɔxi ra, nee nan yi ki.

<sup>5</sup> A fɔlɔ Isirayila xa di singe Ruben nan ma, a xa die nan yi ki: Xanɔki, Palu, <sup>6</sup> Xesiron, Karimi, nun e xabilεε. <sup>7</sup> Ruben bɔnsɔε xabilεε nan na ki. Nee xasabi lan mixi wulu tongo naani nun saxan kεmε solofere tongo saxan nan ma.

8 Palu xa di xeme Eliyabi 9 nan nu na Nemuweli, Datan, nun Abirami baba ra, naxee keli Munsa nun Haruna xili ma Isirayila kungtie ya ma. E nun Kora nun a foxirabirxe to keli Alatala xili ma, 10 boxi rabi ne, a fa e birin gerun. Na laxe Alatala mixi keme firin mixi tongo suuli gan ne te ra, e xa findi misaali ra jama be. 11 Kono Kora xa die tan mu faxa na fe kui.

12 Simeyon xa die nan yi ki e xabile ki ma: Nemuweli, Yamin, Yakimi, 13 Sera, Sawulu, a nun e xabilee. 14 Simeyon bonsoe xabilee nan na ki. Nee xasabi lan mixi wulu moxoren nun firin, mixi keme firin nan ma.

15 Gadi xa die nan yi ki e xabile ki ma: Sefon, Xagi, Suni, 16 Oseni, Eri, 17 Arodi, Areli, nun e xabilee. 18 Gadi bonsoe xabilee nan na ki. E xasabi lan mixi wulu tongo naani, mixi keme suuli nan ma.

19 Yuda xa die nan yi ki: Eru nun Onan. Kono e tan faxa Kanaan boxi nan ma. 20 Yuda xa die nan yi ki e xabile ki ma: Selaha, Peresi, Sera, nun e xabilee. 21 Peresi xa die nan yi ki: Xesiron, Xamuli, nun e xabilee. 22 Yuda bonsoe xabilee nan na ki. E xasabi lan mixi wulu tongo solofere nun senni, mixi keme suuli nan ma.

23 Isakari xa die nan yi ki e xabile ki ma: Tola, Puwa, 24 Yasubu, Simiron, nun e xabilee. 25 Isakari bonsoe nan na ki e xabile ki ma. E xasabi lan mixi wulu tongo senni nun naani, mixi keme saxan nan ma.

26 Sabulon xa die nan yi ki e xabile ki ma: Seredi, Elon, Yaxaleeli, nun e xabilee. 27 Sabulon bonsoe xabilee nan na ki. E xasabi lan mixi wulu tongo senni, mixi keme suuli nan ma.

<sup>28</sup> Yusufu xa die nan yi ki e xabile ki ma: Manasi nun Efirami. <sup>29</sup> Manasi xa die nan yi ki: Makiri nun a xabilee. Makiri nan Galadi nun a xabilee soto. <sup>30</sup> Galadi xa die nan yi ki e xabile ki ma: Yeseri, Xeleki, <sup>31</sup> Asireli, Sikemi, <sup>32</sup> Semida, Xeferi, nun e xabilee. <sup>33</sup> Xeferi xa di xeme Selofexadi tan di ginee nan tun soto. Nee xilie nan yi ki: Maxala, Nowa, Xogala, Milika nun Tirisa. <sup>34</sup> Manasi bonsoe xabilee nan na ki. E xasabi lan mixi wulu tongo suuli nun firin, mixi keme solofere nan ma.

<sup>35</sup> Efirami xa die nan yi ki e xabile ki ma: Sutela, Bekeru, Taxani, nun e xabilee. <sup>36</sup> Sutela xa di nan yi ki: Eran nun a xabilee. <sup>37</sup> Efirami xa die nan na ki. E xasabi lan mixi wulu tongo saxan nun firin, mixi keme suuli nan ma. Yusufu xa mamadie nan na ki e xabile ki ma.

<sup>38</sup> Bunyamin xa die nan yi ki e xabile ki ma: Bela, Asibeli, Axirama, <sup>39</sup> Sufami, Xufami, nun e xabilee. <sup>40</sup> Bela xa die naxa findi Arade, Naaman, nun e xabilee ra. <sup>41</sup> Bunyamin xa die nan na ki e xabile ki ma. E xasabi naxa lan mixi wulu tongo naani nun mixi suuli keme senni ma.

<sup>42</sup> Dana xa die nan yi ki e xabile ki ma. Suxami nun a xabilee. Dana bonsoe nan na ki e xabile ki ma. <sup>43</sup> E xasabi naxa lan mixi wulu tongo senni nun naani, mixi keme naani ma.

<sup>44</sup> Aseri xa die nan yi ki e xabile ki ma: Yimena, Yisiwi, Beriya, nun e xabilee. <sup>45</sup> Beriya xa die nan yi ki: Xeberi, Malakiyeli, nun e xabilee. <sup>46</sup> Aseri xa di gine nu xili ne Sera. <sup>47</sup> Aserikae nan na ki e xabile ki ma. E xasabi lan mixi wulu tongo suuli nun saxan, mixi keme naani nan ma.



<sup>48</sup> Nafatali xa die nan yi ki e xabile ki ma: Yaxaseeli, Guni, <sup>49</sup> Yeseri, Silemi, nun e xabilee. <sup>50</sup> Nafatali bõnsõee nan na ki e xabile ki ma. E xasabi lan mixi wulu tongo naani nun suuli, mixi keme naani nan ma.

<sup>51</sup> Isirayilaka konti lanxi mixi wulu keme senni nun keren, mixi keme solofere tongo saxan nan ma.

<sup>52</sup> Alatala naxa a masen Munsa be, <sup>53</sup> «Kanaan bõxi itaxunma na mixie nan ma e bõnsõe xasabi ma, a findi e ke ra. <sup>54</sup> Bõnsõe birin ke sõtõma a xa mixie xasabi bere nan na. Bõnsõe naxee xa mixie gbo, i nee gbe ragbo dangi booree ra, naxee xa mixi xurun. <sup>55</sup> N tan nan a ragirima bõnsõe birin lan a xa ke naxan sõtõ e bõnsõe xasabi ma. <sup>56</sup> Bõxi itaxunyi findima Ala xa maragiri nan na, bõnsõe xungbee nun bõnsõe xurie tagi.»

<sup>57</sup> Lewi bõnsõe nan yi ki naxee konti e xabile ki ma: Gerison, Kehati, Merari, nun e xabilee. <sup>58</sup> Lewi bõnsõe xabilee nan yi ki: Libini, Xebiron, Maxali, Musi, nun Kora. Kehati nu bara Amarama sõtõ. <sup>59</sup> Amarama xa gine nu xili ne Yebedi, Lewi xa di gine, naxan bari Misira. A naxa Haruna, Munsa, nun e maagine Mariyama bari Amarama be. <sup>60</sup> Haruna nu bara Nadabo, Abihu, Eleyasari, nun Itamari sõtõ di ra. <sup>61</sup> Nadabo nun Abihu faxa ne, e to serexe gan te ra naxan mu daxa. <sup>62</sup> Di xeme naxan konti Lewi bõnsõe ya ma, keli a kike keren ma han na xanbi, a xasabi lan mixi wulu moxõpen nun saxan nan ma. E xa konti nu na a xati ma, barima e mu bõxi sõtõ ke ra Isirayilakae ya ma.

<sup>63</sup> Munsa nun Eleyasari serexedube na mixie nan konti Mowaba bõxi ma Yuruden xure seeti

ma Yeriko taa ya i, <sup>64</sup> kɔnɔ Munsa nun Haruna sɛrɛxɛdubɛ mixi naxee kɔnti Turusinina gbengberenyi ma, na keren mu nu na Isirayilakae ya ma sɔnɔn. <sup>65</sup> Alatala a fala nɛ, a nee birin faxama nɛ gbengberenyi ma. Na kui, e sese mu lu dunija, fo Yefune xa di xɛmɛ Kalebi, nun Nunu xa di xɛmɛ Yosuwe.

## 27

### *Ginɛe xa kɛ sɛriyɛ*

<sup>1</sup> Yusufu xa di xɛmɛ Manasi, na fan xa di xɛmɛ Makiri, na fan xa di xɛmɛ Galadi, na fan xa di xɛmɛ Xeferi, na fan xa di xɛmɛ Selofexadi, di ginɛ suuli nan sɔtɔ, naxee nu xili: Maxala, Nowa, Xogala, Milika nun Tirisa. <sup>2</sup> Na di ginɛe nan fa e yetɛ kan dentɛgɛ Munsa, Eleyasari sɛrɛxɛdubɛ, nun Isirayila yareratɛ bɛ, Isirayila pama birin ya xɔri, hɔrɔmɔlingira sode dɛ ra. E naxa a masen, <sup>3</sup> «Muxu baba mu di xɛmɛ sɔtɔ. A bara faxa gbengberenyi ma, kɔnɔ a mu nu na Kora xa mixie ya ma naxee keli Alatala xili ma. A tan faxa a yetɛ kan xa yunubi rabaxi nan ma. <sup>4</sup> Munfe ra muxu baba xili bama a xabilɛ xa mixie ya ma, di xɛmɛ to mu na a bɛ? Kɛ nde so muxu fan yi ra, muxu baba ngaxakerenyie tagi!»

<sup>5</sup> Munsa naxa e xa fe dentɛgɛ Alatala bɛ. <sup>6</sup> Alatala naxa a masen a bɛ, <sup>7</sup> «Selofexadi xa di ginɛe bara nɔndi fala. E baba kɛ so e yi ra alo e baba ngaxakerenyie a sɔtɔ ki naxɛ. <sup>8</sup> A fala Isirayilakae bɛ, «Xa xɛmɛ nde sa faxa di xɛmɛ xanbi, wo a kɛ so a xa di ginɛe yi ra. <sup>9</sup> Xa di ginɛe fan mu na a bɛ, wo a kɛ so a fafaxakerenyie yi ra. <sup>10</sup> Xa fafaxakeren yo mu na a bɛ, wo a so a

baba fafaxakerenyie yi ra. <sup>11</sup> Xa a sa li, a baba fafaxakeren yo mu na, wo a ke so mixi yi ra, e nun naxan makɔre e boore ra a xabilɛe ya ma.» Na xa findi yaamari nun seriyɛ ra Isirayilakae be, alɔ n tan Alatala a yamarixi i be ki naxe.»

*Yosuwe findife Munsa ɲɔxɔɛ ra*

<sup>12</sup> Alatala naxa a masen Munsa be, «Te yi Abarimi geya fari, alako i xa bɔxi mato n naxan fima Isirayilakae ma. <sup>13</sup> I na ge a matode, i taa masarama ne, i gbilen i benbae ma alɔ i taara Haruna, <sup>14</sup> barima wo bara n ma yaamari matandi. Isirayilakae to keli n xili ma ye xɔli xa fe ra Kadesi, Sini gbengberenyi ma, wo mu seedeɲɔxɔya raba n ma seniyenyi xa fe ra.»

<sup>15</sup> Munsa naxa a fala Alatala be, <sup>16</sup> «Alatala, daali birin Marigi Ala, mixi keren dɔxɔ ɲama xun ma, <sup>17</sup> naxan tima e ya ra, e mini temui nun e so temui, naxan e raminima, a e raso, alako i xa ɲama naxa lu alɔ xuruse naxee rabɛɲinxi e yete ma, kantama yo mu e be.» <sup>18</sup> Alatala naxa a masen Munsa be, «I xa Nunu xa di Yosuwe sugandi, Xaxili Seniyenxi na naxan ma. I xa i belexe sa a ma. <sup>19</sup> I xa a ti Eleyasari serexedube nun ɲama birin ya xɔri, i fa yaamarie so a yi ra, <sup>20</sup> i xa mangɛya nde xa dangi a ma, alako Isirayila ɲama birin xa a xui suxu. <sup>21</sup> A tima ne Eleyasari serexedube ya i n waxɔnfe maxɔrinde gemɛ sugandixie ra. N yaabi naxan fima, a tan nun ɲama birin ɲɛɛma na nan ma. E minima Eleyasari serexedube xui nan ma, e soma Yosuwe xui nan ma.» <sup>22</sup> Munsa naxa Alatala xa yaamari raba. A naxa Yosuwe tongo, a sa a ti Eleyasari

serexedube nun Isirayila nama ya i, <sup>23</sup> a a belexe sa a ma, a yaamarie so a yi ra, alo Alatala nu bara a yamari ki naxe.

## 28

### *Geesegē nun nunmare serexē*

<sup>1</sup> Alatala naxa yi masenyi ti Munsa be, <sup>2</sup> «A fala Isirayilakae be, e xa n ma serexē ba a ba temui. Donsee nan e ra, naxee ganma, e xiri noxunme te n na.

<sup>3</sup> «A fala e be, <Loxo yo loxo wo xa serexē gan daaxi ba Alatala be, yexee firin, naxee bara ne keren soto, lanyuru yo mu na naxee ma. <sup>4</sup> Keren xa ba geesegē, boore xa ba nunmare. <sup>5</sup> Wo man xa sansi xori dinxi kilo saxan ba serexē ra naxan namulanxi oliwi ture fanyi litiri keren nun a tagi ra. <sup>6</sup> Na serexē gan daaxi mooli nu bama n be Turusinina geya ma, a xiri noxunme nu tema n na. <sup>7</sup> Weni serexē litiri keren nun a tagi bama yexee seeti ma Alatala be. Na serexē rafalama yire seniye nxi nan kui. <sup>8</sup> Wo xa sansi xori dinxi serexē nun weni serexē ba nunmare temui yexee seeti ma. Na birin findima serexē gan daaxi nan na naxan xiri noxunme tema n tan Alatala ra.»

### *Malabu loxoe serexē*

<sup>9</sup> Malabui loxoe wo xa yexee firin ba malabu loxoe serexē ra, naxee bara ne keren soto, lanyuru yo mu na naxee ma. Sansi xori dinxi serexē naxan namulanxi ture kilo senni ra, nun weni serexē xa ba na yexee seeti ma. <sup>10</sup> Malabui loxoe serexē gan daaxie nan bama geesegē nun nunmare serexē ra, a nun e xa weni serexē.

*Kike xi singe serexe*

<sup>11</sup> Kike xi singe birin, wo xa tuura firin ba serexe gan daaxi ra, a nun yexee kontonyi keren, a nun yexee solofere, naxee bara je keren soto, lanyuru yo mu na naxee ma. <sup>12</sup> Sansi xori dinxi serexe kilo solomanaani naxan namulanxi ture ra, a xa sa tuura keren yo tuura keren seeti ma. Sansi xori dinxi serexe kilo senni naxan namulanxi ture ra, a xa sa yexee kontonyi keren yo yexee kontonyi keren seeti ma. <sup>13</sup> Sansi xori dinxi serexe kilo saxan naxan namulanxi ture ra, a xa sa yexee keren yo yexee keren seeti ma. Serexe gan daaxi nan a ra naxan ganma, a xiri joxunme te n tan Alatala ra. <sup>14</sup> Weni litiri saxan serexe xa ba tuura birin be. Weni litiri firin serexe xa ba yexee kontonyi birin be. Weni litiri keren serexe xa ba yexee birin be. Na serexe mooli bama kike xi singe birin je kui. <sup>15</sup> Wo xa sikote keren fan ba Alatala be yunubi xafari serexe ra, wo geesege nun nunmare serexe bama temui naxe, a nun a xa weni serexe.

*Sayamaleke Dangi Sali serexe*

<sup>16</sup> Kike singe xi fu nun naani nde, wo xa Sayamaleke Dangi Sali raba Alatala xa binye bun ma. <sup>17</sup> Na kike xi fu nun suuli nde findima sali loxo nan na. Wo xa taami lebinitare don xi solofere bun ma. <sup>18</sup> Na xi singe wo xa wo malan Ala batude. Wo naxa wali yo raba na loxo. <sup>19</sup> Wo xa yi serexe gan daaxie ba Alatala be na loxo: tuura firin, yexee kontonyi keren, nun yexee solofere, naxee bara je keren soto, lanyuru yo mu na naxee ma. <sup>20</sup> Sansi xori dinxi serexe kilo solomanaani naxan namulanxi ture ra, a xa

sa tuura keren yo tuura keren seeti ma. Sansi x̄ori dinxi serexe kilo senni naxan namulanxi ture ra, a xa sa yexee kontonyi keren yo yexee kontonyi keren seeti ma. <sup>21</sup> Sansi x̄ori dinxi serexe kilo saxan naxan namulanxi ture ra, a xa sa yexee yo yexee seeti ma. <sup>22</sup> Wo xa sikote keren fan ba Alatala be yunubi xafari serexe ra. <sup>23</sup> Wo xa na serexee sa geesege daaxie xun ma, naxee bama loxo birin. <sup>24</sup> Wo xa nee ba xi solofere bun ma. Serexe gan daaxi nan a ra naxan ganma, a xiri joxunme te n tan Alatala ra. Nee bama ne loxo yo loxo, e nun boore serexe gan daaxie, nun weni serexe. <sup>25</sup> A xi solofere nde, wo xa wo malan Ala batude. Wo naxa wali gbete raba na loxo.

### *Xe Xaba Sali serexe*

<sup>26</sup> Xe Xaba Sali, wo na fa sansi bogi singee serexe ra Alatala xon ma, wo xa wo malan n batude. Wo naxa wali yo suxu na loxo. <sup>27</sup> Wo xa yi serexee ba: tuura firin, yexee kontonyi keren, nun yexee solofere, naxee bara je keren soto. Nee nan bama serexe gan daaxi ra, e xiri joxunme te n tan Alatala ra. <sup>28</sup> Sansi x̄ori dinxi serexe kilo solomanaani naxan namulanxi ture ra, a xa sa tuura keren yo tuura keren seeti ma. Sansi x̄ori dinxi serexe kilo senni naxan namulanxi ture ra, a xa sa yexee kontonyi keren yo yexee kontonyi keren seeti ma. <sup>29</sup> Sansi x̄ori dinxi serexe kilo saxan naxan namulanxi ture ra, a xa sa yexee keren yo yexee keren seeti ma. <sup>30</sup> Wo xa sikote keren fan ba Alatala be yunubi xafari serexe ra. <sup>31</sup> Wo xa na serexee sa boore serexee xun, wo naxee bama loxo birin, e nun

sansi x̄ori nun weni naxan fan bama serexe ra. Lanyuru yo naxa lu na serexe ma.

## 29

### *Sara xa Sali serexe*

<sup>1</sup> «Kike solofere nde xi singe, wo xa wo malan n batude. Wo naxa wali yo raba na l̄ox̄e. Wo sarae fema ne na l̄ox̄e. <sup>2</sup> Wo xa tuura firin ba serexe gan daaxi ra, a nun yexee kontonyi keren, a nun yexee solofere, naxee bara ne keren soto, lanyuru yo mu na naxee ma. <sup>3</sup> Sansi x̄ori dinxi serexe kilo solomanaani naxan namulanxi ture ra, a xa sa tuura keren yo tuura keren seeti ma. Sansi x̄ori dinxi serexe kilo senni naxan namulanxi ture ra, a xa sa yexee kontonyi keren yo yexee kontonyi keren seeti ma. <sup>4</sup> Sansi x̄ori dinxi serexe kilo saxan naxan namulanxi ture ra, a xa sa yexee keren yo yexee keren seeti ma. <sup>5</sup> Wo xa sikote keren fan ba Alatala be yunubi xafari serexe ra. <sup>6</sup> Na serexe birin sama serexe gan daaxie nan xun, wo naxee bama l̄ox̄o yo l̄ox̄o, a nun wo naxee bama kike yo kike a xi singe, a nun sansi x̄ori dinxi nun weni serexe naxan sama e seeti ma. Serexe nan e ra naxee ganma, e xiri noxunme te n tan Alatala ra.»

### *Yunubi xafari l̄ox̄e serexe*

<sup>7</sup> «Na kike solofere nde, xi fu l̄ox̄e, wo xa wo malan n batude, wo fan xa sunyi suxu. Wo naxa wali yo raba na l̄ox̄e. <sup>8</sup> Na l̄ox̄e wo xa tuura nde ba serexe gan daaxi ra, a nun yexee kontonyi keren, a nun yexee solofere, naxee bara ne keren soto, lanyuru yo mu na naxee ma. <sup>9</sup> Sansi x̄ori dinxi serexe kilo solomanaani naxan namulanxi

ture ra, a xa sa tuura sɛɛti ma. Sansi xɔri dinxi sɛrɛxɛ kilo senni naxan namulanxi ture ra, a xa sa yɛxɛɛ kontonyi keren yo yɛxɛɛ kontonyi keren sɛɛti ma. <sup>10</sup> Sansi xɔri dinxi sɛrɛxɛ kilo saxan naxan namulanxi ture ra, a xa sa yɛxɛɛ keren yo yɛxɛɛ keren sɛɛti ma. <sup>11</sup> Wo xa sikɔtɛ keren fan ba n tan Alatala bɛ yunubi xafari sɛrɛxɛ ra, dangife na yunubi xafari sɛrɛxɛ, nun na sɛrɛxɛ gan daaxie wo naxee bama lɔxɔ yo lɔxɔ, a nun sansi xɔri dinxi nun weni sɛrɛxɛ.»

### *Bage Ti Sali sɛrɛxɛ*

<sup>12</sup> «Kike solofere nde, xi fu nun suuli, wo xa wo malan n batude. Wo naxa wali yo raba na lɔxɔɛ. Wo xa sali nde raba n tan Alatala bɛ xi solofere bun ma. <sup>13</sup> A xi singe, wo xa tuura fu nun saxan, yɛxɛɛ kontonyi firin, nun yɛxɛɛ fu nun naani ba sɛrɛxɛ gan daaxi ra n tan Alatala bɛ, naxee bara jɛ keren soto, lanyuru yo mu na naxee ma. Wo na e gan, a xiri jɔxunmɛ te n tan Alatala ra. <sup>14</sup> Sansi xɔri dinxi sɛrɛxɛ kilo solomanaani naxan namulanxi ture ra, a xa sa na tuura fu nun saxan sɛɛti ma. Sansi xɔri dinxi sɛrɛxɛ kilo senni naxan namulanxi ture ra, a xa sa na yɛxɛɛ kontonyi firin sɛɛti ma. <sup>15</sup> Sansi xɔri dinxi sɛrɛxɛ kilo saxan naxan namulanxi ture ra, a xa sa na yɛxɛɛ fu nun naani sɛɛti ma. <sup>16</sup> Wo xa sikɔtɛ keren fan ba n tan Alatala bɛ yunubi xafari sɛrɛxɛ ra, dangife na yunubi xafari sɛrɛxɛ, nun na sɛrɛxɛ gan daaxie wo naxee bama lɔxɔ yo lɔxɔ, a nun sansi xɔri dinxi nun weni sɛrɛxɛ.»

<sup>17</sup> «Sali xi firin nde, wo xa tuura fu nun firin, yɛxɛɛ kontonyi firin, nun yɛxɛɛ fu nun naani ba sɛrɛxɛ ra, naxee bara jɛ keren soto, lanyuru mu



na naxan ma, <sup>18</sup> a nun e xa sansi x̄ori dinx̄i nun weni s̄erex̄e naxan lanma seriye ki ma. <sup>19</sup> Wo xa sikote keren fan ba n tan Alatala be yunubi xafari s̄erex̄e ra. Wo xa na s̄erex̄ee sa boore s̄erex̄ee xun, wo naxee bama lox̄oe birin, e nun sansi x̄ori nun weni naxan fan bama s̄erex̄e ra.»

<sup>20</sup> «Sali xi saxan nde, wo xa tuura fu nun firin, yex̄ee kontonyi firin, nun yex̄ee fu nun naani ba s̄erex̄e ra, naxee bara je keren soto, lanyuru mu na naxan ma, <sup>21</sup> a nun e xa sansi x̄ori dinx̄i nun weni s̄erex̄e naxan lanma seriye ki ma. <sup>22</sup> Wo xa sikote keren fan ba n tan Alatala be yunubi xafari s̄erex̄e ra. Wo xa na s̄erex̄ee sa boore s̄erex̄ee xun, wo naxee bama lox̄oe birin, e nun sansi x̄ori nun weni naxan fan bama s̄erex̄e ra.»

<sup>23</sup> «Sali xi naani nde, wo xa tuura fu nun firin, yex̄ee kontonyi firin, nun yex̄ee fu nun naani ba s̄erex̄e ra, naxee bara je keren soto, lanyuru mu na naxan ma, <sup>24</sup> a nun e xa sansi x̄ori dinx̄i nun weni s̄erex̄e naxan lanma seriye ki ma. <sup>25</sup> Wo xa sikote keren fan ba n tan Alatala be yunubi xafari s̄erex̄e ra. Wo xa na s̄erex̄ee sa boore s̄erex̄ee xun, wo naxee bama lox̄oe birin, e nun sansi x̄ori nun weni naxan fan bama s̄erex̄e ra.»

<sup>26</sup> «Sali xi suuli nde, wo xa tuura fu nun firin, yex̄ee kontonyi firin, nun yex̄ee fu nun naani ba s̄erex̄e ra, naxee bara je keren soto, lanyuru mu na naxan ma, <sup>27</sup> a nun e xa sansi x̄ori dinx̄i nun weni s̄erex̄e naxan lanma seriye ki ma. <sup>28</sup> Wo xa sikote keren fan ba n tan Alatala be yunubi xafari s̄erex̄e ra. Wo xa na s̄erex̄ee sa boore s̄erex̄ee xun, wo naxee bama lox̄oe birin, e nun sansi x̄ori nun weni naxan fan bama s̄erex̄e ra.»

<sup>29</sup> «Sali xi senni nde, wo xa tuura fu nun firin, yex̄ee kontonyi firin, nun yex̄ee fu nun naani ba

serexɛ ra, naxee bara jɛ keren soto, lanyuru mu na naxan ma, <sup>30</sup> a nun e xa sansi xɔri dinxɪ nun weni serexɛ naxan lanma seriye ki ma. <sup>31</sup> Wo xa sikote keren fan ba n tan Alatala be yunubi xafari serexɛ ra. Wo xa na serexɛe sa boore serexɛe xun, wo naxee bama loxɔe birin, e nun sansi xɔri nun weni naxan fan bama serexɛ ra.»

<sup>32</sup> «Sali xi solofere nde, wo xa tuura fu nun firin, yexɛɛ kontonyi firin, nun yexɛɛ fu nun naani ba serexɛ ra, naxee bara jɛ keren soto, lanyuru mu na naxan ma, <sup>33</sup> a nun e xa sansi xɔri dinxɪ nun weni serexɛ naxan lanma seriye ki ma. <sup>34</sup> Wo xa sikote keren fan ba Alatala be yunubi xafari serexɛ ra. Wo xa na serexɛe sa boore serexɛe xun, wo naxee bama loxɔe birin, e nun sansi xɔri nun weni naxan fan bama serexɛ ra.»

<sup>35</sup> «Sali xi solomasaxan nde, wo xa wo malan n tan Ala batude. Wo naxa wali gbeteɛ raba na loxɔe. <sup>36</sup> Wo xa tuura fu nun firin, yexɛɛ kontonyi firin, nun yexɛɛ fu nun naani ba serexɛ gan daaxi ra, naxee bara jɛ keren soto, lanyuru mu na naxan ma. E xiri joxunme tema n tan Alatala ma. <sup>37</sup> Wo man xa sansi xɔri dinxɪ nun weni serexɛ ba naxan lanma seriye ki ma na tuura, na yexɛɛ kontonyi, nun na yexɛɛ xa fe ra. <sup>38</sup> Wo xa sikote keren fan ba n tan Alatala be yunubi xafari serexɛ ra. Wo xa na serexɛe sa boore serexɛe xun, wo naxee bama loxɔe birin, e nun sansi xɔri nun weni naxan fan bama serexɛ ra.»

<sup>39</sup> «Serexɛe nan na ki wo lan wo xa naxee ba n tan Alatala be wo xa sali loxɔee, bafe wo xa laayidi serexɛe, wo xa serexɛ janigexie, wo xa serexɛ gan daaxie, wo xa sansi xɔri dinxɪ serexɛe,

wo xa weni serexee, nun wo xa xanunteya serexee.»

## 30

### *Laayidi tongoxi seriye*

<sup>1</sup> Munsa naxa Alatala xa yaamari birin fala Isirayilakae be, a naxee so a yi ra. <sup>2</sup> Munsa naxa yi masenyi ti Isirayila bonsoe kuntigie be, «Alatala xa yaamarie nan ya: <sup>3</sup> Xa mixi nde sa laayidi tongo Alatala be fe nde ma, xa na mu a a kali Alatala ra fe nde ma, na kanyi lan ne a xa a xui rakamali. A naxan birin falaxi a de ra, a xa a birin naba.»

<sup>4</sup> «Gine dimedi na sa laayidi tongo fe nde ma Alatala be, a na a baba xonyi temui naxe, a fa a kali, <sup>5</sup> a baba naxa a kolon a a xa di gine bara laayidi nde tongo, a baba mu sese fala na fe kui, a xa na laayidi rakamali. <sup>6</sup> Kono xa a baba mu tin na laayidi tongoxi ra a me temui, a mu lan na gine dimedi xa a rakamali. Alatala mu a suxuma a ra a baba waxonfe xa fe ra.»

<sup>7</sup> «Gine na sa laayidi tongo, xa na mu a a kali woyenyi mafuraxi ra, <sup>8</sup> xa a xa mori sa na me, a fa lu a mu sese fala na fe ra, a xa na laayidi rakamali. <sup>9</sup> Kono xa a xa mori mu tin na fe ra a me temui, a mu lan na gine xa a rakamali. Alatala mu a suxuma a ra.»

<sup>10</sup> «Kaape gine na laayidi tongo, xa na mu, gine naxan nun a xa xeme bara fatan, a xa a xa laayidi rakamali.»

<sup>11</sup> «Gine xeme taa idoxoe na laayidi tongo, xa na mu a a kali fe nde ma, <sup>12</sup> xa a xa mori fa na fe kolon, kono a mu fefe fala na fe kui, a lanma

na gine xa a xa laayidi rakamali. <sup>13</sup> A xa mɔri na a xa laayidi me temui naxe, a noma tinde a ra, xa na mu a ra, a noma tɔnyi dɔxode a ma. Alatala mu a suxuma a ra. <sup>14</sup> A xa mɔri noma tinde, xa na mu a ra tondide a xa laayidi nun a xa kali birin na. <sup>15</sup> Xa a mu fefe falama na fe kui, a xa gine lanma a xa a xa laayidi rakamali. A xa dundui a niyama ne gine xa a xa laayidi rakamali. <sup>16</sup> Xa a xa mɔri tɔnyi dɔxoma a xa gine xa laayidi ma temui gbete, a tan nan yati a xa gine xa kote xaninma.»

<sup>17</sup> «Alatala xa sɛriye nan na ki a naxan fixi Munsa ma, gine xa fe ra naxan na xeme taa, xa na mu a ra gine naxan na a baba xɔnyi.»

## 31

### *Madiyankae gerefe*

<sup>1</sup> Alatala naxa yi masenyi ti Munsa be, <sup>2</sup> «I xa Isirayilakae gbe ɲɔxɔ Madiyankae ma. I na ge na ra, i fa taa masara.» <sup>3</sup> Munsa naxa a fala nama be, «Xeme ndee xa geresosee tongo Madiyan xili ma wo gbe ɲɔxode Alatala xili ra. <sup>4</sup> Isirayila bɔnsɔe birin xa mixi wulu keren keren ba geresoe ra.»

<sup>5</sup> Isirayila bɔnsɔe fu nun firin naxa mixi wulu keren keren ba geresoe ra. <sup>6</sup> Munsa naxa na sɔori wulu fu nun firin xee gere tide. Eleyasari sɛrɛxɛdube xa di xeme Finexasi naxa e mati, se seniyeɲxie nu na a yi ra, a nun sara naxee tɔnxuma fima e boore ma gere xa fe ra. <sup>7</sup> E naxa siga gere tide Madiyan xili ma, alɔ Alatala a yamari ki naxe Munsa be. E naxa na xeme birin faxa, <sup>8</sup> a nun Madiyan mange suuli: Efi, Rekemi, Suuru, Xuru, nun Reba. E naxa Beyori xa di

xεμε Balami fan faxa santidegema ra. <sup>9</sup> E naxa Madiyan ginεε nun e xa di birin findi konyie ra. E naxa e xa xurusee, e xa gοορεε, nun e harige birin tongo. <sup>10</sup> E naxa e xa taae nun e xa daaxae gan. <sup>11</sup> E naxa e xa harige, e xa xurusee, nun e xa ginεε suxu, <sup>12</sup> e e xanin Munsa, Eleyasari, nun Isirayila nama xοn ma e yonkinde Mowaba fili ma, Yuruden xure δε i, Yeriko ya tagi.

<sup>13</sup> Munsa, Eleyasari serexedube, nun Isirayila nama yareratie naxa e ralan yonkinde fari ma. <sup>14</sup> Munsa naxa xοnο σοοri wulu xunyie nun σοοri kεμε xunyie ma, a a fala e be, <sup>15</sup> «Munfe ra wo mu yi ginεε faxa? <sup>16</sup> E tan nan bira Balami xa marasi foxo ra, e Isirayilakae ramini Alatala xa kira xοn Peyori, Alatala fa gbaloe ragoro a xa nama ma. <sup>17</sup> Awa, yakosi, wo xεμε dime birin faxa, a nun ginε naxee bara xεμε fe kolon. <sup>18</sup> Ginε dimεdie tan, wo xa nee ragata wo yete be. <sup>19</sup> Wo tan naxee bara mixi faxa, xa na mu wo bara din fure ra, wo xa lu yonkinde fari ma xi solofere, a nun mixie wo naxee suxu gere kui. Wo xa wo yete nun wo xa mixi suxuxie raseniyeen a xi saxan nde nun a xi solofere nde. <sup>20</sup> Wo xa wo xa dugie fan naseniyeen a nun see naxan tan birin nafalaxi kiri, si xabe, nun wuri ra.»

<sup>21</sup> Eleyasari serexedube naxa a fala σοοrie be naxee gere tixi, «Alatala xa seriyε nan ya a naxan masenxi Munsa be: <sup>22</sup> Xεεma, gbeti, wure gbeeli, wure, yoxui, nun sunbui, <sup>23</sup> se naxan birin mu ganma te ra, wo xa a raso te, a xa seniyen. Na dangi xanbi wo man xa a raseniyeen ye ra. Se naxan mu noma rasode te, wo xa na raseniyeen ye ra. <sup>24</sup> Wo xa wo xa dugie xa a xi solofere

nde. Na t̄emui wo bara s̄eniyen, wo fa n̄oma sode yonkinde.»

### *S̄ot̄ose itaxunfe*

<sup>25</sup> Alatala naxa a masen Munsa b̄e, <sup>26</sup> «I tan, Eleyasari s̄er̄ex̄edub̄e, nun Isirayila kuntigie, wo xa yi mixi suxuxie, nun e xa xurusee k̄onti, wo naxee s̄ot̄oxi gere kui. <sup>27</sup> I xa e itaxun s̄ōorie nun ɲama ra. <sup>28</sup> S̄ōorie gbe ya ma, i xa mixi keren tongo mixi k̄em̄e suuli yo mixi k̄em̄e suuli tagi, a xa findi n gbe ra. Xurusee fan na ki, k̄em̄e suuli yo k̄em̄e suuli, i keren nan tongoma e ya ma n b̄e. A findi ningee ra, a findi sofalee ra, a findi xuruse lanmae ra. <sup>29</sup> I xa nee ba s̄ōorie gbe ya ma, i e fi Eleyasari s̄er̄ex̄edub̄e ma Alatala xili ra. <sup>30</sup> Isirayila ɲama gbe ya ma, i xa mixi keren tongo mixi tongo suuli yo mixi tongo suuli ya ma, k̄em̄e suuli yo k̄em̄e suuli, i keren nan tongoma e ya ma n b̄e. A findi ningee ra, a findi sofalee ra, a findi xuruse lanmae ra. I xa nee so Lewi b̄ons̄ōe yi ra, naxee e ɲox̄o saxi n ma h̄or̄om̄olingira x̄on.»

<sup>31</sup> Munsa nun Eleyasari s̄er̄ex̄edub̄e naxa a raba, al̄o Alatala a yamari ki nax̄e Munsa b̄e. <sup>32</sup> Naxan s̄ot̄o gere kui, a xasabi lan xuruse lanma wulu k̄em̄e senni wulu tongo solofere nun suuli nan ma, <sup>33</sup> ningee wulu tongo solofere nun firin, <sup>34</sup> sofale wulu tongo senni nun keren, <sup>35</sup> gin̄e naxee mu x̄em̄e fe kolon, mixi wulu tongo saxan nun firin. <sup>36</sup> S̄ēti naxan fixi s̄ōorie ma naxee gere ti, a xasabi naxa lan xuruse lanma wulu k̄em̄e saxan wulu tongo saxan nun solofere k̄em̄e suuli ma. <sup>37</sup> Alatala gbe naxan ba na ra, na naxa lan xuruse lanma k̄em̄e senni tongo solofere

nun suuli ma. <sup>38</sup> Ninge naxee fixi soorie ma, e xasabi naxa lan wulu tongo saxan nun senni ma. Alatala gbe naxan ba na ra, na naxa lan ninge tongo solofere nun firin ma. <sup>39</sup> Sofale naxee fixi soorie ma, e xasabi naxa lan wulu tongo saxan keme suuli ma. Alatala gbe naxan ba na ra, na naxa lan sofale tongo senni nun keren ma. <sup>40</sup> Mixi naxee fixi soorie ma, e xasabi naxa lan wulu fu nun senni ma. Alatala gbe naxan ba na ra, na naxa lan mixi tongo saxan nun firin ma. <sup>41</sup> Munsa naxa Alatala gbe fi Eleyasari serexedube ma, alɔ Alatala a yamari ki naxe.

<sup>42</sup> Isirayila nama gbe, Munsa naxan so e yi ra, naxan mu nu na soorie gbe ya ma, <sup>43</sup> na findixi xuruse lanmae wulu keme saxan tongo saxan nun solofere keme suuli nan ma, <sup>44</sup> a nun ninge wulu tongo saxan nun senni, <sup>45</sup> a nun sofale wulu tongo saxan keme suuli, <sup>46</sup> a nun mixi wulu fu nun senni. <sup>47</sup> Na kui, xurusee ba, mixie ba, tongo suuli yo tongo suuli, Munsa naxa keren keren ba a birin na, a e so Lewi bonsoe yi ra, naxee e joxo saxi Alatala xa hɔrɔmɔlingira xɔn, alɔ Alatala a yamari a be ki naxe.

### *Tantui hadiya*

<sup>48</sup> Soori keme xunyie nun soori wulu xunyie naxa fa Munsa yire, <sup>49</sup> e a fala a be, «Muxu tan i xa konyie, muxu bara soorie konti naxee nu na muxu xa yaamari bun ma. E birin na na. <sup>50</sup> Na nan a toxi muxu bara fa hadiyae ra Alatala be xunsare xa fe ra. Kankan bara fa a sotosee ra alɔ belexerasoe, xurundee, tulirasoe, nun konmagore xee ma daaxi.»

<sup>51</sup> Munsa nun Eleyasari serexedube naxa na see xεema daaxi rasuxu e yi ra. <sup>52</sup> Na xεema birin, sɔɔri xunyie fa naxan na Alatala be, a xasabi lan fayida xεema kilo keme tongo solofere nan ma. <sup>53</sup> Sɔɔrie tan nu e gbee ragataxi e yi ra. <sup>54</sup> Munsa nun Eleyasari serexedube naxa na see birin nasuxu sɔɔri wulu xunyie nun sɔɔri keme xunyie yi ra, e a xanin hɔrɔmɔlingira yire, alako na xa findi tɔnxuma ra Isirayila xa fe ra Alatala be.

## 32

### *Bɔnsɔɛ saxan dɔxɔfe Yuruden xure sogetede*

<sup>1</sup> Gɔɔre gbegbe nan nu na Ruben bɔnsɔɛ nun Gadi bɔnsɔɛ yi ra. E to a to Yaaseri nun Galadi bɔxi fan xurusee be, <sup>2</sup> e naxa fa Munsa, Eleyasari, nun Isirayila kuntigie yire, <sup>3</sup> e a fala e be, «Taa naxee xili Ataroti, Dibon, Yaaseri, Nimira, Xesibon, Eleyale, Sebami, Nebo, nun Beyon, nee na bɔxi ya ma, <sup>4</sup> Alatala naxan saxi Isirayila nama sagoe. Na longori fan xuruse kanyie be alɔ muxu tan. <sup>5</sup> Xa wo bara tin a ra, be xa findi muxu tan gbe ra, hali muxu mu dangi Yuruden naakiri ma.»

<sup>6</sup> Munsa naxa Gadi bɔnsɔɛ nun Ruben bɔnsɔɛ yaabi, «Wo ngaxakerenyie sigama ne gere sode, wo tan xa lu be? <sup>7</sup> Munfe ra wo wama limaniya bafe wo ngaxakerenyie yi ra, alako e naxa dangi Yuruden naakiri ma bɔxi ma Alatala naxan fixi e ma? <sup>8</sup> Wo babae fan bara na wali mɔoli raba n to e xεε Kanaan bɔxi rabende kelife Kadesi Barineya. <sup>9</sup> E to ge Esekoli gulunba rabende, e naxa gbilen, e fa limaniya ba Isirayilakae yi



ra sofe ra bɔxi ma, Alatala naxan fixi e ma. <sup>10</sup> Alatala naxa xɔnɔ Isirayilakae ma na lɔxɔe, a fa a kali, <sup>11</sup> <Yi mixi naxan birin kelixi Misira, naxan xa simaya bara dangi jε mɔxɔɔn na, e mu soma bɔxi ma n nan n kali Iburahima, Isiyaga nun Yaxuba bε dennaxan fife ra e ma, barima e mu bira n fɔxɔ ra e janige birin na. <sup>12</sup> Fo Yefune xa di xεmε Kalebi Kenisika, nun Nunu xa di xεmε Yosuwe, nee nan peti bira n xui fɔxɔ ra e janige birin na.> <sup>13</sup> Alatala naxa xɔnɔ Isirayilakae ma ki fanyi, a fa e rabεɔɔn gbengberenyi ma jε tongo naani bun ma, han na mixi birin faxa, naxee wali ki mu nu rafan a ma. <sup>14</sup> Wo tan yunubitɔe bɔnsɔεe, wo na birafe wo benbae fɔxɔ ra Alatala raxɔnɔfe ra Isirayila xili ma. <sup>15</sup> Xa wo keli Ala xa kira xɔn, a man Isirayila rabεɔɔnma nε gbengberenyi ma, e halaki wo xa fe ra.»

<sup>16</sup> E naxa siga Munsa yire, e a fala a bε, «Muxu wama gɔɔre tife be muxu xa xurusee bε, a nun muxu wama yiree yailanfe be muxu xa ginεe nun muxu xa die luma dennaxε. <sup>17</sup> Kɔnɔ muxu bara tin sɔɔrija rabade muxu ngaxakerenyi Isirayilakae bε han e xa so e sode. Muxu xa die tan luma be muxu xanbi ra nε taa kantaxie kui, alako bekae naxa e tɔɔɔ. <sup>18</sup> Muxu mu gbilenma muxu xɔnyi be, fo Isirayilaka birin a gbe bɔxi masɔɔ. <sup>19</sup> Kε gbete mu luma muxu tan bε sɔnɔn Yurudɔn naakiri ma. Muxu gbe na bebiri Yurudɔn sogetede nε.»

<sup>20</sup> Munsa naxa a fala e bε, «Xa wo sa a raba alɔ wo a falaxi ki naxε, xa wo wo maxiri sigafe ra gere tide Alatala xili ra, <sup>21</sup> xa wo mu gbilen

be Yuruden naakiri ma, han Alatala ge a yaxuie birin keride a ya ra, <sup>22</sup> na temui be bara findi wo xa boxi ra Alatala xili ra. Menni na lu Alatala xa yaamari bun ma, wo noma gbilende be. Na kui wo bara wo xa laayidi rakamali Isirayila nun Alatala be.»

<sup>23</sup> «Kono xa wo mu sa na seriye rabatu, na bara findi yunubi ra wo be, wo na sare fima ne. <sup>24</sup> Yakosi, wo xa taae ti wo xa ginnee nun wo xa die be. Wo xa gooree yailan wo xa xurusee fan be. Kono wo naxa neemu wo xa laayidi tongoxi ma de, wo xa na rakamali.» <sup>25</sup> Gadi bonsoe nun Ruben bonsoe naxa Munsa yaabi, «Muxu fama ne i xa yaamari birin suxude. <sup>26</sup> Muxu xa die, muxu xa ginnee, nun muxu xa xurusee birin luma be Galadi boxi ma, <sup>27</sup> kono muxu geresosee tongoma ne, muxu fa gere so Alatala be alo i a yitaxi ki naxe, muxu marigi.»

<sup>28</sup> Munsa naxa Eleyasari serexedube, Nunu xa di xeme Yosuwe, a nun Isirayila kuntigie yamari, <sup>29</sup> «Xa Gadi bonsoe nun Ruben bonsoe sa dangi Yuruden naakiri ma, e siga gere sode Alatala be, han wo naxa na boxi birin masoto temui naxe, wo xa Galadi boxi so e yi ra ke ra. <sup>30</sup> Kono xa e mu na raba, e fan xa sabati wo tagi Kanaan boxi ma!» <sup>31</sup> Gadi bonsoe nun Ruben bonsoe naxa e yaabi, «Alatala naxan birin masenxi a xa konyi die xa fe ra, muxu a birin nabama ne. <sup>32</sup> Muxu dangima ne Yuruden naakiri ma muxu xa geresosee ra sigafe ra Kanaan boxi ma Alatala ya tode ra, kono muxu ke tan findima boxi nan na Yuruden bebiri seeti ma.»

<sup>33</sup> Munsa naxa Amorigae xa mange Sixon nun

Basan mange Ogo xa boxi nun na rabilinyi fi Gadi bõnsõε, Ruben bõnsõε, nun Yusufu xa di xeme Manasi bõnsõε seeti keren ma.

<sup>34</sup> Gadi xa die naxa gbilen Dibon ti ra, a nun Ataroti, Aroweri, <sup>35</sup> Atiroti Sofana, Yaaseri, Yogbeha, <sup>36</sup> Beti Nimira, nun Beti Xarani. E bara findi taa makantaxie ra, gõõrεε gbege fan nu na.

<sup>37</sup> Ruben bõnsõε naxa gbilen Xesibon ti ra, a nun Eleyale, Kiriyaatayimi, <sup>38</sup> Nebo, Baali Meyoni, nun Sibima. E naxa na taa ndee xilie masara.

<sup>39</sup> Manasi xa di Makiri xa die to Galadi taa suxu, e Amoriakae kerri naxee nu sabatixi naa, <sup>40</sup> Munsa naxa na taa so e yi ra sabatide ra.

<sup>41</sup> Manasi xa Yayiri fan naxa taa ndee suxu, a e xili Yayiri xa taae. <sup>42</sup> Noba fan naxa Kenata taa nun a rabilinyi suxu, a yete xili sa e xun ma.

## 33

### *Isirayila xa biyaasi kelife Misira*

<sup>1</sup> Nere nan ya Isirayilakae naxan naba e xunde ki ma Munsa nun Haruna xa yaamari bun ma e to keli Misira boxi ma. <sup>2</sup> Munsa na birin sebexi ne alo Alatala a yamari a be ki naxe.

<sup>3</sup> E naxa keli Ramesesi taa Misira boxi kike singe xi fu nun suuli. Sayamaleke Dangi Sali loxõε, na kuye iba Isirayilakae naxa mini Misira xõrεya kui Misiraka birin ya xõri. <sup>4</sup> A a lixi na temui, Misirakae nu na e xa di singee ragatafe, Alatala naxee faxa e ya ma a xa xõnε kui e xa kuyee xa fe ra.

<sup>5</sup> Isirayilakae naxa keli Ramesesi, e sa yonkin Sukoti.

- 6 E to keli mɛnni, e naxa siga Etama gbengberenyi dɛ ra.
- 7 E to keli Etama, e naxa gbilen Pi Haxiroti mabiri,  
Baali Sefon ya tagi, e sa yonkin Migidoli ya ra.
- 8 E to keli mɛnni, e naxa baa igiri,  
e siga gbengberenyi ma.  
E naxa xi saxan jɛrɛ raba Etama gbengberenyi ma,  
e sa yonkin Mara.
- 9 E to keli mɛnni, e naxa siga Elimi,  
e dulonyi fu nun firin nun tugi tongo solofere li dɛnnaxɛ.
- 10 E to keli mɛnni, e naxa siga Xulunyumi Baa sɛɛti ma.
- 11 E to keli mɛnni, e naxa siga Sini gbengberenyi ma.
- 12 E to keli mɛnni, e naxa sa yonkin Dofika.
- 13 E to keli mɛnni, e naxa siga Alusu.
- 14 E to keli mɛnni, e naxa siga Refidimi,  
kɔnɔ e mu ye to naa.
- 15 E to keli mɛnni, e naxa siga Turusinina gbengberenyi ma.
- 16 E to keli mɛnni, e naxa siga Kibiroti Hataawa.
- 17 E to keli mɛnni, e naxa siga Xaseroti.
- 18 E to keli mɛnni, e naxa siga Ritima.
- 19 E to keli mɛnni, e naxa siga Rimɔn Peresi.
- 20 E to keli mɛnni, e naxa siga Libina.
- 21 E to keli mɛnni, e naxa siga Risa.
- 22 E to keli mɛnni, e naxa siga Kehelata.
- 23 E to keli mɛnni, e naxa siga Seeferi geya ma.
- 24 E to keli mɛnni, e naxa siga Xarada.
- 25 E to keli mɛnni, e naxa siga Makeloti.

- 26 E to keli menni, e naxa siga Taxati.
- 27 E to keli menni, e naxa siga Tera.
- 28 E to keli menni, e naxa siga Mitika.
- 29 E to keli menni, e naxa siga Xasamona.
- 30 E to keli menni, e naxa siga Mosera.
- 31 E to keli menni, e naxa siga Beneyaakan.
- 32 E to keli menni, e naxa siga Horo Gidigada.
- 33 E to keli menni, e naxa siga Yotobata.
- 34 E to keli menni, e naxa siga Abarona.
- 35 E to keli menni, e naxa siga Esiyon Geberi.
- 36 E to keli menni, e naxa siga Kadesi Sini  
gbengberenyi ma.
- 37 E keli menni ne, e naxa siga Horo geya ma,  
Edon boxi naaninyi fe ma.
- 38 Isirayilakae xa mini Misira je tongo naani  
kike suuli nde xi singe, Alatala naxa Haruna  
yamari a xa te Horo geya fari, a xa laaxira menni.
- 39 Haruna nu bara je keme moxoren nun saxan  
soto, a faxa temui Horo geya fari.
- 40 Aradi mangɛ, naxan sabatixi Negewi gbeng-  
berenyi Kanaan boxi ma, a naxa a kolon Isirayi-  
lakae bara fa.
- 41 Isirayilakae to keli Horo geya yire,  
e naxa sa yonkin Salamona.
- 42 E to keli menni, e naxa siga Punon.
- 43 E to keli menni, e naxa siga Oboti.
- 44 E to keli menni, e naxa siga Iye Abarimi,  
Mowaba boxi naaninyi ra.
- 45 E to keli menni, e naxa siga Dibon Gadi.
- 46 E to keli menni, e naxa siga Alamon Dibilatay-  
ima.
- 47 E to keli menni, e naxa siga Abarimi geyae yire,

Nebo geya yatagi.

<sup>48</sup> E to keli menni, e naxa siga Mowaba fili ma, Yurudɛn xure dɛ ra, Yeriko taa yatagi.

<sup>49</sup> E naxa yonkin Yurudɛn xure dɛ ra, Beti Yesimoti nun Abeli Sitimi longori Mowaba fili ma.

### *Kanaan bɔxi itaxunfe*

<sup>50</sup> Alatala naxa a masen Munsa bɛ Mowaba fili ma, Yurudɛn xure dɛ ra, Yeriko taa yatagi,

<sup>51</sup> «A fala Isirayilakae bɛ, <Wo na Yurudɛn xure giri temui naxɛ sofe ra Kanaan bɔxi ma, <sup>52</sup> wo mennikae birin faxa. Wo xa e xa kuye birin kana, naxee masolixi gɛmɛ ra, naxee yailanxi wure raxunuxi ra. Wo xa e xa batudee fan kana. <sup>53</sup> Wo xa na bɔxi suxu, wo fa sabati naa. N bara na bɔxi fi wo ma. <sup>54</sup> Na bɔxi itaxunma wo ma Alatala xa maragiri kɛɲa nan ma a xabile ki ma. Naxee bɔnsɔɛ xa mixie na wuya, e xa bɔxi belebele sɔtɔ. Naxee bɔnsɔɛ xa mixie mu wuya, e xa bɔxi xa xurun. Alatala a ragirima kankan naxan sɔtɔma a bɔnsɔɛ ki ma. <sup>55</sup> Kɔnɔ xa wo mu mennikae faxa, e fama maniyade ɲooge nan na naxan mixi ya tɔɔrɔma, xa na mu a ra tunbee naxee mixi fari masɔɔma. E findima nɛ wo yaxuie ra wo xɔnyi. <sup>56</sup> Na temui, n e xa yunubi sare dɔxɔma wo tan nan ma.>»

## 34

### *Isirayila bɔxi naaninyie*

<sup>1</sup> Alatala naxa a masen Munsa bɛ, <sup>2</sup> «A masen Isirayilakae bɛ, <Wo na siga Kanaan bɔxi ma, n naxan fixi wo ma kɛ ra, a naaninyie nan yi ki:

<sup>3</sup> Yirefanyi mabiri, wo xa bɔxi naaninyi sa fɔlɔma

Sini gbengberenyi nan ma, Edon bɔxi mabiri. Na naaninyi sa fɔlɔma Fɔxɔɛ Baa nan ma sogetede mabiri, <sup>4</sup> a sa a kɔnkɔrɔn Tali Tede yirefanyi mabiri, a a xun sa Sini, a dangi Kadesi Barineya yirefanyi mabiri, a siga Xasari Adari mabiri, a sa Asimon li. <sup>5</sup> A sa keli Asimon, a a kɔnkɔrɔn han Misira dabonyi kui, a fa sa mini Baa Xungbe ma.»

<sup>6</sup> «A sogegode naaninyi findima Baa Xungbe nan na.»

<sup>7</sup> «A kɔɔla naaninyi sa fɔlɔma Baa Xungbe nan ma, han a fa dɔxɔ Horo geya ra. <sup>8</sup> Kelife ra Horo geya ma, wo xa naaninyi sigama na ki nɛ han Xamata sode dɛ ra, a sa dɔxɔ Sedade ra. <sup>9</sup> A na keli menni, a sigama Sifiron mabiri nɛ han a sa mini Xasari Enan ma. Wo xa bɔxi naaninyi nan na ki kɔɔla mabiri.»

<sup>10</sup> «A sogetede, wo xa naaninyi sa kelima Xasari Enan nan ma, a siga han Seefami. <sup>11</sup> A keli menni, a siga Ribila, Ayin sogetede biri, a man siga, a sa din tentenyie ra Kinereti baa sogetede biri ra, <sup>12</sup> a sa mini Yurudɛn xure ma, a fa sa a rapɔn Fɔxɔɛ Baa ma. Wo xa bɔxi naaninyie nan na ki.»

<sup>13</sup> Munsa naxa na yaamari radangi Isirayilakae ma, a falafe ra, «Bɔxi nan yi ki, naxan itaxunma Isirayila bɔnsɔɛ solomanaani nun a tagi ma, alɔ Alatala a ragirixi kankan ma ki naxɛ. <sup>14</sup> Ruben bɔnsɔɛ, Gadi bɔnsɔɛ, nun Manasi bɔnsɔɛ sɛeti bara e gbe kɛ sɔtɔ e denbaya ki ma, <sup>15</sup> Yurudɛn naakiri ma, Yeriko ya tagi sogetede biri ra.»

<sup>16</sup> Alatala naxa a masen Munsa bɛ, <sup>17</sup> «Eleyasari sɛrɛxɛdubɛ nun Nunu xa di xɛmɛ Yosuwe nan yi bɔxi itaxunma. <sup>18</sup> Wo xa yarerati

keren keren sugandi bɔnsɔɛ birin kui, naxee lanma yi bɔxi itaxunyi.

<sup>19</sup> E xilie nan yi ki:

Yuda bɔnsɔɛ, Yefune xa di xeme Kalebi.

<sup>20</sup> Simeyɔn bɔnsɔɛ, Amixudi xa di xeme Semuweli.

<sup>21</sup> Bunyamin bɔnsɔɛ, Kisilon xa di xeme Elidada

<sup>22</sup> Dana bɔnsɔɛ, Yogoli xa di xeme Buuki.

<sup>23</sup> Yusufu xa di Manasi bɔnsɔɛ, Efodo xa di xeme Xaniyeli.

<sup>24</sup> Eframi bɔnsɔɛ, Sifitan xa di xeme Kemuweli.

<sup>25</sup> Sabulon bɔnsɔɛ, Paranaki xa di xeme Elisafan.

<sup>26</sup> Isakari bɔnsɔɛ, Asana xa di xeme Palatiyeli.

<sup>27</sup> Aseri bɔnsɔɛ, Selomi xa di xeme Axihudi.

<sup>28</sup> Nafatali bɔnsɔɛ, Amixudi xa di xeme Pedaheli.»

<sup>29</sup> Alatala nee nan sugandi Kanaan bɔxi itaxunfe ra Isirayilakae ma.

## 35

### *Lewi bɔnsɔɛ xa taae*

<sup>1</sup> Alatala naxa a masen Munsa be, Mowaba fili ma, Yuruden xure fe ma, Yeriko ya tagi,

<sup>2</sup> «A fala Isirayilakae be, e xa taa ndee nun e rabilinyie sugandi e xa bɔxi kui, e naxee fima

Lewi bɔnsɔɛ ma, e sabatima dennaxe. <sup>3</sup> Lewi

bɔnsɔɛ sabatima na taae nan kui, e xa xurusee luma na rabilinyie. <sup>4</sup> Na taa rabilinyie xa gboya

sigama ne han nɔngɔn wulu keren na taa seeti naani birin ma, <sup>5</sup> kelife taa tete ma sigafe nɔngɔn

wulu firin a sogetede biri, a sogegorode biri, a koola ma, nun a yirefanyi ma.»



<sup>6</sup> «Na taa tongo naani nun solomasaxan ya ma, wo xa taa senni sugandi naxee findima makantadee ra mixie be naxee bara faxe ti e mu a janigexi. <sup>7</sup> Wo xa na taa tongo naani nun solomasaxan nun e rabilinyie fi Lewi bonsɔe ma. <sup>8</sup> Bonsɔe naxee xa taae wuya, e xa taa gbegbe fi. Bonsɔe naxee xa taae mu wuya, e xa taa dondoronti fi Lewi bonsɔe ma.»

<sup>9</sup> Alatala naxa a masen Munsɔe be, <sup>10</sup> «A fala Isirayilakae be, e na Yuruden xure igiri sofe ra Kanaan boxi ma, <sup>11</sup> e xa taae sugandi, naxee findima makantadee ra mixie be naxee bara faxe ti e mu a janigexi. <sup>12</sup> Na taae nan findima makantadee ra na mixie be, han kiitisae e makiitima temui naxe. Na kui e xa ratanga mixie ma naxee wama e gbeɔɔɔfe, naxee wama e faxafe keren na. <sup>13</sup> Wo xa taa senni sugandi na wali xa fe ra, <sup>14</sup> saxan Yuruden naakiri ma, saxan Kanaan boxi ma. Na taae nan findima wo makantadee ra. <sup>15</sup> Mixi yo mixi, a findi Isirayilaka ra, a findi xɔɔɔe ra, a findi dangi mixi ra, xa naxan yo sa mixi nde faxa a mu a janigexi, na kanyi noma a nii ratangade na taa sennie nde kui.»

<sup>16</sup> «Kɔɔɔ xa mixi sa mixi bonbo wure ra han a faxa, nii ba nan a ra. A lan ne, a fan xa faxa. <sup>17</sup> Xa mixi sa mixi bonbo gemɛ nan na han a faxa, nii ba nan a ra. A lan ne, a fan xa faxa. <sup>18</sup> Xa mixi sa mixi bonbo wuri nan na han a faxa, nii ba nan a ra. A lan ne, a fan xa faxa. <sup>19</sup> Gbeɔɔɔe xa na faxeti faxa a a suxuxi temui naxe. <sup>20</sup> Xa mixi nde sa a boore radin ye marapaaxui ma, xa na mu, a janige a xa a goɔɔ se nde ra, a faxa, faxeti nan a ra. <sup>21</sup> Xa mixi nde sa a boore din a belexe ra

yaxuya ra, a faxa, faxeti nan a ra. A lan ne, a fan xa faxa. Gbeṛoxoe xa na faxeti faxa a a suxuxi temui naxe.»

<sup>22</sup> «Kono xa mixi nde sa a boore radin ye janigetarepa kui, xone mu na, xa na mu a se nde woli a ma janigetarepa kui, <sup>23</sup> xa na mu a a gono geme ra janigetarepa kui, a fa faxa, kono xone nun yaxuya mu na a kui, <sup>24</sup> jama xa a makiiti yi seriye ra gbeṛoxoe xa fe ra. <sup>25</sup> Nama xa a ba gbeṛoxoe yi ra, a a raso makantade kui. A xa lu menni han serexedube kuntigi laaxirama temui naxe, Alatala naxan sugandixi. <sup>26</sup> Kono xa na kanyi sa mini makantade fari ma, a nu bara so dennaxe, <sup>27</sup> gbeṛoxoe fa a to, a faxa, gbeṛoxoe mu findima faxeti ra. <sup>28</sup> Mixi naxan nii bama janigetarepa kui, a xa lu makantade han serexedube kuntigi laaxirama temui naxe. Serexedube kuntigi na laaxira temui naxe, mixi naxan nii baxi janigetarepa kui, a noma gbilende a xonyi maratange kui.»

<sup>29</sup> «Seriye nan ya wo bonsoe be yire birin, temui birin. <sup>30</sup> Faxeti mu lan a xa faxa seede keren xui ma, fo seede wuyaxi. <sup>31</sup> Faxeti mu lan a xun xa sara, a xa faxa. <sup>32</sup> Mixi naxan faxe ti janigetarepa kui, a mu lan a xun xa sara alako a xa gbilen a xonyi beenun serexedube kuntigi laaxirama temui naxe. <sup>33</sup> Wo mu lan wo xa boxi findi boxi seniyantare ra. Wuli raminife na nan nabama. Faxeti wuli gbansan nan findima boxi xunsare ra. <sup>34</sup> Wo naxa wo xonyi findi yire seniyantare ra. N tan Alatala sabatixi wo tan Isirayilakae ya ma.»

## 36

### *Gine ke kanyi futife seriye*

<sup>1</sup> Denbaya xunyi naxee nu na Galadi xabile ya ma, Makiri xa die, Manasi xa mamadie, Yusufu xabilee, nee naxa siga Munsa nun Isirayila denbaya xunyie yire. <sup>2</sup> E naxa a fala Munsa be, «Alatala bara a yamari i tan n marigi, i xa yi boxi itaxun Isirayila die ma Alatala xa maragiri kepa ma, a xa findi e ke ra. Alatala man bara i yamari i xa muxu taara Selofexadi xa harige so a xa di ginnee yi ra. <sup>3</sup> Kono xa na di ginnee sa doko bonsoe gbete xeme xon, e ke bama ne muxu bonsoe ke ra, a sa e xa xeme bonsoe ke xun ma. Na kui nde bama ne muxu ke ra, naxan fixi muxu bonsoe ma maragiri kui. <sup>4</sup> Xoreya Ne na a li, e ke bama ne muxu benbae ke ra, a sa e xa xeme benbae ke xun ma.»

<sup>5</sup> Munsa naxa Alatala xa yaamari radangi Isirayilakae ma, a falafe ra, <sup>6</sup> «Yusufu bonsoe, wo nondi. Alatala xa yaamari nan ya Selofexadi xa di ginnee be. E xa doko xeme xon naxan na xabile nde kui e baba bonsoe ya ma. <sup>7</sup> Sese mu bama Isirayila bonsoe nde ke ra, a findi bonsoe gbete ke ra. Birin a benba ke nan xun makantama. <sup>8</sup> Di gine ke kanyi xa doko xeme xon naxan na xabile nde kui a baba bonsoe ya ma. <sup>9</sup> Sese mu bama Isirayila bonsoe nde ke ra, a findi bonsoe gbete ke ra. Birin a benba ke nan xun makantama.»

<sup>10</sup> Selofexadi xa di ginnee naxa Alatala xa yaamari suxu alo Munsa a fala ki naxe. <sup>11</sup> E xilie nan ya: Maxala, Tirisa, Xogala, Milika, nun Nowa. E birin naxa doko e deexo xon ma. <sup>12</sup> E

doxo Manasi xa di xabilɛɛ nan xon ma. Na kui e ke naxa lu e benba Yusufu bɔnsɔɛ.

<sup>13</sup> Alatala xa seriye nun yaamarie nan na ki a naxee fixi Munsa ma, katarabi Isirayila ma, e nu na Mowaba fili ma temui naxɛ, Yuruden xure fe ma, Yeriko ya tagi.

**Soso Kitaabuie: Tawureta, Yabura, Inyila**  
**The Holy Bible in the Susu language of Guinea (Soso**  
**Kitaabuie: Tawureta, Yabura, Inyila Bible)**

copyright © 2015 Mission Evangélique Réformée Néerlandaise et les Traducteurs Pionniers de la Bible

Language: Susu

Contributor: Mission Evangélique Réformée Néerlandaise

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2020-11-11

---

PDF generated using Haiola and XeLaTeX on 22 Feb 2024 from source files dated 29 Jan 2022

f1d08866-ea3e-5b9b-b506-e7690c5c61d2